



# ივერია

ქართული ეროვნული კოლტიკის ორგანო  
პერიოდული გამოცემა

L'organe de la politique nationale Géorgienne  
„IVERIA“

Directeur E. PATARIDZE.

Rédacteur S. TCHIRAKADZE.

დ ე კ ე მ ბ ე რ ი 1961

N° 9

DÉCEMBRE 1961

### შ ი ნ ა ა რ ს ი;

მეთაური.

ბრძოლა ეროვნული თავისუფლებისათვის . . . . . სევ. ჭირაქაძე

ისტორიის აქსიდან . . . . . ი. ხ.

ცოტა რამ ლიტერატურულ საქართველოზე . . . . . მ. კვლანდამე

ეეროპის დეკლარაცია და რუსეთის კოლონიალიზმი ელ. პატარაძე

ორმოცი წლის თავი.

«26 მაისი».

თენგიზ დაღეშქელიანი . . . . . სერგეი იანგიელი

სრულიად მართლმადიდებელ ეკლესიათა კრება.

«საბჭოთა პოლიტიკური ომი»-სადმი საწინააღმდე-

გო კონფერენციის მეორე კონგრესი . . . . . დამსწრე

«კაპტივ» ერთა მე-V სესია.

აკაკი წერეთლის დღე.

«საქართველო»-ს უკანასკნელი ნომერი.

შოთა რუსთაველის საფლავი და სხვ.

საქართველოს ეროვნულ - დემოკრატიული პარტია.

LE PARTI NATIONAL-DEMOCRATE GEORGIEN

პარიზი — PARIS

1961



# ივერია

ქართული ეროვნული პოლიტიკის ორგანო  
პერიოდული გამოცემა

დეკემბერი 1961

№ 9

Décembre 1961

«ჩვენი თავი ჩვენვე უნდა გვეყვადნოდეს»

«მეცხრამეტე საუკუნის მეტად შინაარსიანმა ეპოქამ, პიროვნების თავისუფლებასთან ერთად, მთელი მისი სიმძიმით, მსოფლიოს წინაშე დასვა ეროვნებათა თავისუფლების საკითხი და მეოცე საუკუნეს პასუხის გასაცემათ უანდერძა. მცირე ერების თავისუფლებისათვის ბრძოლებია, ამა თუ იმ სახით, მეტ-ნაკლები სიძლიერით, მთელ მსოფლიოს რომ მიწისძვრად ევლინება. მეოცე საუკუნემ ამ საკითხს ღირსეული პასუხი უნდა გასცეს: ბოლო უნდა მოუღოს ეროვნულ-პოლიტიკურ ბატონობისა და კოლონიალიზმის ხანას» ვსწერდით ჩვენ 1956 წლის თებერვლის «ივერიის» ნომერში.

იმ დღიდან დაწყებული, ხუთი წლის განმავლობაში, დასავლეთ ქვეყნების სივრცეზე მომხდარი ეროვნულ პოლიტიკური მოვლენები, გამართლებასა და დადასტურებას აძლევს, ჩვენს მიერ იმ ხანებში გამოთქმულ აზრსა და შეხედულებას. გვიძლიერებს იმედსა და რწმენას, ახლო მომავალში ჩვენი ეროვნული თავისუფლების აღდგენისას.

ეროვნული თავისუფლების ძლიერმა მიმართებამ დაანგრია დასავლეთ ქვეყნების კოლონიალიზმის ხავსმოდებული ჯგებირები. ძლევამოსილ დიდ მდინარედ ქცეული, ტალღებაყრილი ეხეთქება აღმოსავლეთით მდებარე იმპერიალისტური საბჭოთა რუსეთის კოლონიალიზმის ჯგებირებს. შორს არ არის ის დრო, როდესაც თავისუფლების ტალღები გადალახავენ მათ. რუსეთის მიერ დაპყრობილი ერები «წმიდა წყალ ნაკურები», ბრძოლის დროშით აღსდგებიან და ეროვნულ თავისუფლებას აღიდგენენ. შეუძლებელია, ეროვნული თავისუფლების შარავნით მიმავალი ისტორიის შეჩერება. მის კანონმდებლობასა და განაჩენს ვერც საბჭოთა რუსეთი გაექცევა.

გარდამწყვეტი ბრძოლის მოახლოება მოითხოვს ქართულ-ეროვნულ-პოლიტიკური ემიგრაციისაგან, მეტის ნებრგვიით და მანებობით აწარმოოს პოლიტიკური და დიპლომატიური მუშაობა, საქართველოს და ქართველი ერის უფ-

ლებათა დასაცავად, როგორც თავისუფალი მსოფლიოს თანამგრძობმა, თანამგზავრმა და თანამებრძოლმა.

ჩვენი თავი ჩვენვე უნდა გვეყუდნოდესა-ო, ათქმევინა გლებს, ჩვენი ერის მესაიდუმლე, დიდმა ილიამ, ქართველი ხალხის განათლებულ და მოწინავე თაობათა გასაგონათ და შესასმენად. ამ აზრში დიდი სიბრძნეა «ხელით-ხელ საგოგმანები», ყოველ დროსა და მომენტში გამოსადეგი. ქართველი ერი მხოლოდ თავის საკუთარ თავს უნდა დაეყრდნოს და ეროვნული თავისუფლების გზით მიმავალი და მებრძოლი, თანამგზავრთა და მოკავშირეებს უნდა ექმედეს.

ქართული ეროვნულ-პოლიტიკური ემიგრაცია, — რომლის უწმიდესი მოვალეობა და დანიშნულებაა, უცხოეთში პოლიტიკურ-დიპლომატიური მუშაობით, ხელი შეუწყოს და დაეხმაროს ქართველ ერს, ეროვნული თავისუფლების მოპოვებისათვის წარმოებულ ბრძოლებში, — თავის საკუთარ თავსვე უნდა ეყრდნობოდეს, საკუთარი სულიერი და მატერიალური საშუალებებით უნდა აწარმოებდეს საქმიანობას. ორმოცი წლის განმავლობაში. უცხო ქვეყნებში დამკვიდრებული ქართული ემიგრაცია ამისათვის საკმაოდ შეძლებულია და ღონიერიც.

საქართველოს დამოუკიდებლობისათვის უცხოეთში წარმოებული ეროვნულ-პოლიტიკური მუშაობაც, ერთგვარ თავისუფლებასა და დამოუკიდებლობას საჭიროებს, რათა საერთაშორისო პოლიტიკურ ყოველგვარ მდგომარეობასა თუ ვითარებაში, ეროვნული უზენაესი მიზნისადმი შესაფერი საკუთარი აზრი გამოსთქვას, მისი განხორციელებისათვის საკუთარი სწორი გზით იაროს.

ეროვნულ-დემოკრატიული პარტიის ორგანო «ივერია», როგორც წინად «სამშობლო», ჩვენი საკუთარი ქართული მატერიალური საღსრებით გამოდის, ხანგამოშვებით და იშვიათად. ის როგორც დამოუკიდებელი ჟურნალი, ჩვენი თავისუფალი სიტყვისა და აზრის ორგანოა. პატრიოტული გრძნობითა და საღი ქართული გონებით გარკვეული მიმართულების ხაზით, სამშობლოსა და ერის სამსახურში მდგომი, მათი ინტერესების სადარაჯოზედ.

ჩვენი ორგანო «ივერია», რომლის გამოცემა, უკანასკნელ წლების განმავლობაში შეჩერებული იყო ტექნიკურ და მატერიალურ დაბრკოლებათა გამო, კვლავ ევლინება ქართულ საზოგადოებას, შემთხვევით, ილიას «ივერია»-ს პირველი ნომრის გამოსვლიდან (1877 წ. მარტის 3), 85 წლის თავზე. რათა უკანასკნელის მიერ გაკვალული გზით იაროს ერისა და სამშობლოს თავისუფლებისა და დიდებისათვის.

### ბაკოლა ეროვნული თავისუფლებისათვის.

ორმოცი წელი შესრულდა, რაც საქართველო დაპყრობილია მტრის მიერ. ეს ხანა ერის ცხოვრებაში, მის ისტორიულ უამთა მდინარებაში წვეთია ზღვაში. ჩვენი თაობისათვის კი მძიმე და ხანგრძლივი ბრძოლების პერიოდი და შეიძლება ჩვენი სიცოცხლის მანძილიც, საკმარისი არ აღმოჩნდეს ამ ბრძოლების გამარჯვებით დაგვირგვინებისათვის. ბევრი უკვე დაეცა და მსხვერპლად შეეწირა ქართველი ერის თავისუფლებისათვის ბრძოლას. ბევრმა კი უცხოეთში საუკუნოდ მიიძინა იმ რწმენით, რომ ეს ბრძოლა ბოლომდის გაგრძელდება იმათ მიერ, ვინც ჯერ კიდევ ცოცხალია და ვინცაც სამშობლოს მომავალი ბედნიერებისათვის გული ერჩის.

უიმედობა და სასოწარკვეთილება ვერასოდეს ჩვენში ნავთსაუფელს ვერ იპოვის, მიუხედავად ემიგრანტული ცხოვრების ხანგრძლიობისა, დიადი მიზანი—საქართველოს თავისუფლების მოპოება, გარდაუვალი მოვალეობა სამშობლოს წინაშე ჩვენ გვავალებს. მტკიცე რწმენით, შეუდრეკელი ნებისყოფით, თავდადებით გავავრძელოთ ის ბრძოლა, რომელიც ამ ორმოცი წლის წინად, შემოსეულ მტრის წინააღმდეგ თბილისის ზღუდეებთან დაიწყო.

ერის დაპყრობას «ეროვნულ დღესასწაულად» აცხადებენ და მას ყოველ წლიურად იხდიან, ხოლო უკანასკნელ ორმოცი წლისთვისათვის ქართველი კომუნისტები დიდის ზემოთ ემხადებოდნენ ამ სამარცხვინო დღესასწაულის გასამართავად;—გულწრფელად თუ უგულოდ. ამას ცოტა მნიშვნელობა აქვს. მთავარია მისი საჯაროდ გამოვლენა, უქვეშევრდომლესი, მონური გრძნობების გამოცხადება კრემლის მპყრობელების გულის მოსაგებად, მათ საამებლად.

ჩვენს ისტორიულ წარსულში, არც ერთი დროის საქართველოს, არასოდეს მტრის წინაშე მონურად ქედი არ მოუხრია და შეუპოვარ ბრძოლებს აწარმოებდა დამპყრობელების წინააღმდეგ. ჩვენი ისტორიის ანალები საესეა თავგანწირული ომების მოთხრობით, რომელთაც ქართველი ერი უმართავდა, მისი ეროვნული თავისუფლების გამანადგურებელთ, მისი მიწა-წყალის დამპყრობელთ: სპარსელებს, რომაელებს, ბიზანტიელებს, არაბებს, მონგოლებს, თურქებს და სხვ. ეს ომები.—ხშირად საქართველოს მოსასპობათ ბოროტად გამოიხსნული, უმალ მტრების მოსპობით მთავრდებოდა. მათი სავალალო შედეგები მეტად ხატოვანად აქვს გამოთქმული მე-19 საუკუნის (პირველ ნახევარის) ისტორიკოს და ფილოსოფოსს პლატონ იოსელიანს: «ქართველი ერი ძველი და მრავალთა ჭირთა და შეიწროებათა მნახველი, ადვილად მიიღებდა მწუხარებასა და ადვილად განიკუჟრნებდა თავსა, ვითარცა



ჭირნახადი... ვერ ერგოდა ვერც შინაგანი, ვერც გარეგანი მწუხარება... გაღლებულ (მღელვარე) თავისუფლებათა და განლაღებული მთებითა, ეცინოდა ბედსაცა და უბედობასაცა... ქართველთა გამოსწოვეს ტვინი (ძალ-ლონე) სპარსთა, შექაშეს იმპერია რომისა (ვითარცა იტყვის პლინიუს), შესქაშეს ბიზანტია და თვით დაშთა შეუქმელად მათთვის, რომელნიც კგონებდა მათსა შექმასა... მახესა დაგებულსა მტერთაგან, თვით მტერნი გაებნენ. საბრხე (მახე-სარეგველა) შეინსრა და ჩვენ განვერენით (განვლეთ)... ესრეთ არს თვისება და ხასიათი ქართველთა ნათესაეისა (ერისა), ძველისა კაცთა ნათესავთა შორის»...

ამ სტრიქონებს ჩვენი ისტორიკოსი სწერდა, როცა კავკასიაში და საქართველოში მყარდებოდა რუსეთის მფლობელობა. რომელიც სპობდა ძველი ერების დამოუკიდებლობას და იმპერიალისტური ზრახვებით შეპყრობილი აზიისაგან მიისწრაფოდა სხვათა «შესაქმელად». აქ ალუზია მეტად მკვეთრად არის გამოთქმული და თვით აგრესორ რუსეთზე მითითებასაც არ საუირობდა. შეიძლება ეს იყოს ფატალისტური ფილოსოფია, მაგრამ მინც თავისებური ისტორიის ფილოსოფია, დამყარებული ისტორიულ გამოცდილებაზე, ხალხის ღრმა რწმენაზე, მისს სიბრძნესა და სინამდვილეზე.

საერთოდ. მართლაც ყველა იმპერიის, როგორც მექანიკური სახელმწიფოებრივი გაერთიანების, ბედი ერთნაირად ბოლოვდება, მისი დაშლით და დაქსაქსვით. დაპყრობილი ერები კვლავ ფენიქსებრ ახლდებიან და საკუთარ ფეხზე სდგებიან. მოკლედ ასეთია პლატონ იოსელიანის ისტორიის ფილოსოფია, ე. ი. ქართველი ერი თავის დროს და თავის ადგილს რუსეთსაც გამობრავს ტვინს და მასაც ისე მოიწლებს, როგორც სხვები მოინელა. ამ ბედისწერას ვერც რუსეთის იმპერია გაექცევა. ამის ტენდენციები უკვე სჩანდა პ. იოსელიანის დროსვე, როდესაც ქართველობა სასტიკად ებრძოდა რუსეთის მფლობელობას საქართველოში და მის შესაქმელად გამუდმებით ემზადებოდა.

ხოლო პ. იოსელიანის, ისე როგორც ყველა აღმოსავლეთის ხალხების, ფატალისტური კონცეპცია სრულებით იმას არ მოასწავებდა, რომ ქართველ ერს გულზე ხელები დაეკრიფა, თავის ბედს დამორჩილებოდა და დალოდებოდა რომ ეროვნული თავისუფლება, უბრძოლველად, თავისთავად კარს მოადგებოდა. გენიალური რუსთველის «ვეფხისტყაოსანის» გმირები ფატალისტებია და ბედისწერის ფილოსოფიის მაღიარებელნი, მაგრამ ბედს არასდროს ემორჩილებიან. იბრძვიან და დარწმუნებულნი არიან, რომ ისინი ამ საბედისწერო განსაცდელიდან გამარჯვებულნი გამოვლენ. ქართველი ერი მთელი საუკუნოების განმავლობაში რუსთველის ამ სიბრძნით სულდგმულთა, მისთვის ბედს არასდროს არ უმტყუ-

ნია. გადაურჩა დიდ ისტორიულ ქართველებს, სხვადასხვა დამპყრობელთა შემოსევას და აოხრებას, მრავალჯერ გადაურჩა მიწისაგან პირისა აღგვას და დღემდის მისი მებრძოლი უკვდავი სული განაგრძობს სიცოცხლეს.

ყველა ბრძოლებიდან ჩვენ გამარჯვებული გამოვიდით და ეროვნულ დამოუკიდებლობას ვინარჩუნებდით, თუმცა ეს ძალიან ხშირად ძვირად გვიჯდებოდა, მაგრამ ერს, რომელსაც სურს თვითარსებობა, ის ამ მსხვერპლს არასდროს არ უნდა მოერიდოს. სხვადასხვა ეპოქაში ქართველ ერს უხდებოდა მოხლევანდელ მტრის მოსაგერიებლად ეძია მოკავშირე და დამხმარე ყველგან, რომ უზრუნველყო თავისი ეროვნული არსებობა. მეტ წილად ეს ძიება უშედეგოდ, ან დაპირებით მთავრდებოდა. ფიზიკური განადგურების საფრთხე გარშემორტყმულ მუსულმანურ ქვეყნებისა თანდათან გვიანდლად ედებოდა და საქართველოს სრულს დაღუპვას უქადდა. მონღოლების შემოსევამ დაარღვია საქართველოს მთლიანობა და მისი სახელმწიფოებრივი ძლიერება, თურქებმა ააოხრეს და დაიპყრეს ძველი მესხეთის მხარე, ეს კარიბჭე საქართველოს ძლიერების და ჩვენი კულტურის აკვანი. მესხეთის საქართველოდან მოწყვეტამ და გამუსულმანებამ. საქართველოს სამეფო მეტად დაასუსტა და ვეღარ შესძლო ეროვნული მთლიანობის აღდგენა. მტრებიც ხელს უწყობდა მის დასუსტებას და დაუძლურებას, ყოფდნენ რამდენიმე წვრილ-წვრილ სამთავროდ და შიგ თავიანთ გაელენას ამკვიდრებდნენ. ერეკლე მეფის ძლიერმა სამხედრო ნიჭმა, ვერც მისმა პოლიტიკურმა გამპყრობებამ საქართველო ვერ იხსნა მოაქლოვებულ საფრთხიდან.

უკანასკნელად, მე-18 საუკ. ბოლოს, მრავალ ომგადასდინილი ერეკლე, რომ თავიდან აეცდინა მოსალოდნელი ეროვნულ სახელმწიფოებრივი კატასტროფა, მუდმივად სპარსეთ-თურქეთის შემოსევა-აოხრებისაგან, რომ საქართველოს სამეფოს პოლიტიკური არსებობა და ერი ფიზიკურ განადგურებისაგან გადაერჩინა, იძულებული იყო დახმარებისათვის მიექართა ქრისტიანული რუსეთისათვის, რომელიც იმ ხანებში უკვე მიიწვედა საქართველოს საზღვრებისაკენ, აგზავნიდა ფარულად ელჩებს სამეფო კარზე, რომელნიც ურჩევდნენ მეფეს მიეღო რუსეთის იმპერატორის მფარველობა. მეფე ერეკლეს შინაურმა არევიდარევამ, უთანხმოებამ, საგარეო საფრთხემ დასპარსეთის მუდმივმა თავდასხმებმა მიიღებინა მისი რუსეთის ორიენტაცია.

ეს იყო დიდი შემობრუნება ქართველი ერის მრავალსაუკუნოვან ისტორიის მიმართებისა, რადიკალური შეცვლა საგარეო პოლიტიკისა, ძველი ტრადიციული გზის დატოვება და ახალი ორიენტაციის მიღება. საქართველოს, ყოველმხრივ გარს შემორტყმულ მუსულმანურ ქვეყნებით, დიდხანს უხდე-

ბოლა ქანაობა ორ მოქიშპე ძალთა—სპარსეთ-თურქეთის შორის, რომელნიც ცდილობდნენ კავკასიაში საბოლოოდ დამკვიდრებას. ის აწარმოებდა მოქნილ თავდაცვითი პოლიტიკას, რაც ხშირად მთავრდებოდა მისი აოხრება-განადგურებით. რუსეთის პრაქტიკორატის აღიარებით, მართალია, საქართველო გამოეთიშა მუსულმანურ სამყაროს. მაგრამ დაჰყარა ერთგულთა თავისუფლება, რაც დაბოლოვდა ანექსიით, სამეფოს გაუქმებით და რუსეთის უბრალო გუბერნიებათ გადაქცევით.

ქართველი ერი, ამ შემთხვევაშიც, არ შეურიგდა ბედს. სასტიკი ბრძოლებით და აჯანყებებით შეიმჩნა რუსეთის ძალადობის და მისი დამოუკიდებლობის მოსპობის წინააღმდეგ. ერთ საუკუნეზე მეტი გაგრძელდა ეს ბრძოლა და წინააღმდეგობა, გაშლილ საზოგადოებრივ მოძრაობის, ერთგული შეკნებით შეიარაღებული ერის მოწინავე დასების მეთაურობით, შესაძლებელი გახდა ერთგული პოზიციების დაპყრობა და განმტკიცება, რუსეთის ადმინისტრაციის გაფთხებული შემოტყევის უკუგდება და ქართველი ერის მოსპობის და გადაგვარების გეგმების ჩაფუშვა.

ახლა, ქართველი მეცნიერები იძულებულნი არიან, დამპყრობელ რუსეთის (მეფის რუსეთის და საბჭოთა კავშირის) პოზიციებიდან გააშუქონ საქართველოს ისტორიოგრაფიის საკითხები, არბილებენ რეჟიმის (ძველის და ახალის) ერთგული ჩაგვრის სისტემას და დიდ პროგრესიულ მოვლენად თვლიან საქართველოში რუსეთის მფლობელობის დამკვიდრებას ამა თუ იმ საბამით. ეს თუნა ჩვენთვის მიუღებელია, ის მცდარი და აშკარად წინააღმდეგობაშია სინამდვილესთან (ამის შესახებ სხვა დროს).

როგორც ცნობილია, რუსეთი არ დაკმაყოფილდა საქართველოს დამოუკიდებელ სამეფოს გაუქმებით. სახელმწიფოებრივი არსებობის მოსპობით ხელი ჰყო მის მიწა-წყალის მთლიანობას თვით რუსების და სხვათა ჩამოსახლებით, კოლონიურ რეჟიმის დაწესებით უწყალოდ ძარცვავდა მის სიმდიდრეს, გამარუსებელი პოლიტიკით სისტემატიურად აწარმოებდა ქართველი ერის დენაციონალიზაციას, მისი ერთგული ვინაობის აღმოფხვრას. ქართველი ხალხის საუკეთესო შვილების მძაფრი წინააღმდეგობით ეს ბრძოლაც ჩვენს სასარგებლოდ გადაწყდა. ომმა და რევოლუციამ (1917 წ.), რომლის შემზადებაში ქართველობამაც დიდი მონაწილეობა მიიღო (თითქოს შური იძია ბაგრატიონების დინასტიის დამამხობელ რომანოვზე) დაამხო რუსეთის თვითმყრობელური რეჟიმი, დაიმსხვრა ერების საპყრობილედ წოდებული იმპერია. ბოლშევიკების გამარჯვებით და მათი დიქტატურით, სამოქალაქო ომის გაჩაღებით, ანარქიამ მოიკვა რუსეთის ვრცელი ტერიტორია. ამ შემთხვევით ისარგებლეს ჩაგრულ

ერებმა და შეუდგენ თავიანთი დამოუკიდებელ სახელმწიფოებრიობის აღდგენას.

საქართველომაც გამოაცხადა დამოუკიდებლობა (1918 წ. 26 მაისს). ამით ის გამოვიდა რუსეთის შემადგენლობიდან და საერთაშორისო ოჯახის სრულ უფლებიანი წევრი გახდა, როგორც სუვერენული თვითმყოფი სახელმწიფო. მაშინ (1921 წ.) ის ცნობილი დე-იურედ მოკავშირე დიდი სახელმწიფოების მიერ, მათ შორის (1920 წ.) საბჭოთა რუსეთისაგანაც. ამის გამოუცხადებლად, შინაური აჯანყების სიმულაციის გათამაშებით, შულავერში შემდგარ საბჭოთა საქართველოს მთავრობის მოწვევით, ვითომც აჯანყებულ ქართველი გლეხების და მუშების დასახმარებლად, 1921 წ. თებერვალში, წითელმა არმიამ გადმოლაბა საქართველოს საზღვრები, მიუხედავად ქართველი ჯარების გმირული ბრძოლებისა და თავისუფალი საქართველო ხელმეორედ დაპყრობილ იქმნა, ხოლო ამ ქაშად იმპერიალისტურ საბჭოთა რუსეთის ურდობის მიერ.

უბრძოლველად, ქართველი ერი, როგორც ყოველთვის, არც ახლა დანებებულა დამპყრობელებს და მისს საოკუპაციო ხელისუფლებას. ქართული პოლიტიკური ძალები მაშინვე დაირაზმა და ბრძოლამ რუსეთის წინააღმდეგ ფართო მასიური ხასიათი მიიღო. თავიდანვე ადგილი ჰქონდა საქართველოს სხვადასხვა კუთხეში ამბოხებას და ხელისუფლების წინააღმდეგო გამოსვლებს, ხოლო 1924 წ. საყოველთაო დიდ აჯანყებას, რაც თითქმის ორ თვეს გაგრძელდა. სდაც წარმატება ხვდა აჯანყებულთ, მათ სწრაფად მოახდინეს დივიდაცია საოკუპაციო ხელისუფლების მართველობისა. მიუხედავად ქართველი ხალხის აღფრთოვანებისა და თავგანწირული ბრძოლისა აჯანყება მაინც დამარცხდა და რუსის ჯარმა მებრძოლი საქართველო ერთხელ კიდევ ჩაახჩო სისხლის მორევში. გაშმაგებულმა ოკუპანტებმა ათასობით სიცოცხლეს გამოასალმეს დატყვევებული მებრძოლები. დანაჩენი მასიურად გადასახლეს შორეულ ციმბირში, საიდანაც ცოცხალი აღარავინ დაბრუნებულა. შემდეგაც ბრძოლა არ შეწყვეტილა, დახვრეტებმა და მკაცრმა რეპრესიებმა ერის სიმტკიცე ვერ შეარყია და ის დღემდის გრძელდება ხან ფარულად, ხან ახდლიად.

საბჭოთა კავშირის დაპყრობილ ერების ისტორიაში, ეს პირველი შემთხვევა იყო, ასეთი ფართო ხასიათის აჯანყება, ხალხის მასიური და ერთსულოვანი გამოსვლა საბჭოთა ხელისუფლების წინააღმდეგ და ოკუპანტების საქართველოს საზღვრებიდან გასადევნად, დაკარგულ ეროვნულ თავისუფლების აღსადგენად. შემდეგ ეროვნულ მოძრაობას საბჭოთა წყობილების, ან უფრო სწორად, რუსეთის წინააღმდეგ ადგილი ჰქონდა სხვაგანაც—განსაკუთრებით აზიურ რესპუბლი-

კებში და უკრაინაში. ყველაზე ძლიერად ეს მოძრაობა გაიშალა უკრაინაში, რამდენჯერმე იქმნა შეთქმულება აღმოსავლელი და განადგურებული. ნაციონალური «უკლონიზმი» პირველად საქართველოში წარმოიშვა. იქიდან გავრცელდა ყველგან, სარჩულად მასაც ეროვნული საკითხი ედო, კრემლის თვითმპყრობელ დიქტატურის წინააღმდეგ მიმართული, ხოლო მას ყველგან თვით გავლენიანი კომუნისტები მეთაურობდნენ, ისინიც შეუბრალებლად იქნენ განადგურებულნი. მართალია დაგვიანებით, მაგრამ მაინც. ქართველმა კომუნისტებმა საქართველოს გადაუხადეს ის ვალი, რომელიც მათ დაედოთ ერის ლათინისათვის, საბჭოთა ჯარების შემოყვანით, მისი დაპყრობისათვის.

საქართველოს დაპყრობის ორმოცი წლის თავზე, საინტერესოა ვიკითხოთ, ამ ორმოცი წლის განმავლობაში, ახლაროგორია საქართველოს პოლიტიკური მდგომარეობა? რას წარმოადგენს ის? ან როგორია მისი დღევანდელი უფლებრივი სტატუსი? რას წარმოადგენს ქართული პოლიტიკური ემიგრაცია? როგორ მუშაობას აწარმოებდა და აწარმოებს, დღიდან მისი გაჩენისა, რა ძალებს ემყარება საქართველოს განსათავისუფლებლად? როგორია მისი რწმენა და იმედები? (ამ კითხვებზე ჩვენ შემდეგ წერილებში ვუპასუხებთ).

ს. ჯირაქაძე.

## ისტორიის ამსიღანი

დღევანდელ საერთაშორისო არეც-დარევის ხანაში, ყველა სხვა საკითხებზე უფრო მტკივნეულად რუსულ პრობლემას განიცდის კაცობრიობა.

მის ჩიხში მომწყვედევამ, იძულებული ვახდა დასავლეთის კურნალ-გაზეთები და წიგნ-ბროშურები უფრო დაკვირვებული და გაბზირებული ყურადღება მიექცია ამ პირველ პრობლემისადმი, მაგრამ მოხერს დღესაც კულში ჩაჭიდებით უპირობენ შეანელებიონ გააფთრებული და გაცოფებული იერიშები და ჯერაც მას ვერავინ რტებში ზელი ვერ წავლო.

ლოლიკურია, თუ მიმომხილველნი, საკითხის რკვევის პროცესში ემიგრაციის მწვავე საკითხს ჩეხებიან. მაგრამ ის ან ცალმხრივად, გაურკვეველად და სუბიექტიურად არის დასმული, ანდა ამ წინასწარ დასახულ თეზას შემდეგ უძებნიან არგუმენტებს.

არარუსული ემიგრანტული ორგანიზაციებისა და მეთაურების გალაშქრება რუსული იმპერიალიზმის, აგრესიისა თუ კოლონიზატორული პოლიტიკის წინააღმდეგ დაცინვის ტონითაა მიწოდებული საზოგადოებრივი აზრისადმი და და-



სახულია, ან როგორც ემიგრანტულ პამფლეტად, ან როგორც კონტრ-რევოლუციონერების ვულგარული პროპაგანდის იარაღად.

ეს ცოდვით აღსავსე მიდგომა საკითხისადმი ერთგვარად არის წარმოებული მემარჯვენე თუ მემარცხენე ბანაკების მიერ.

ბოლშევიკურია ბეჭედიანი ორგანო, ბოლშევიზანური თუ მონარქისტული ან ბურჟუაზიულ ლიბერალური, მცირეოდენის გამონაკლისით, ყველა ერთნაირად თანაუგრძობს რუსულ პოლიტიკას—იმპერიის დაუქსაქსველობას. ყველას ასულდგმულებს ან დოქტრინალური, ან ტაქტიკური, ან ჯგუფური, ან კომერციული ინტერესი და არავის კი არ უნდა გაუწიოს ანგარიში იმ პირობებს და ეპოქას, როდესაც რუსული იმპერია ვერც წონასწორობისა და ვერც საკავშირო ურთიერთობაში ფასს აღარ წარმოადგენს. დღეს მას, თავისი, რუსული პოლიტიკა ასულდგმულებს და მილიტარული ძლიერების დაწესებით ეჭვი არ ეპარება ყველას მისი კონცეპციებიც მოახვიოს თავზე და პოლიტიკაც.

ვულგარული პროპაგანდა და მდაბიო ხარისხის პამფლეტები, ცინიკურად სჭარბობს რუსულ წითელ პრესაში. რადიოგადაცემებში, დიპლომატიურ გამოსვლებში, თვით O. N. U.-ს ორგანიზაციაში და სადაც კი რომელიმე მნიშვნელოვანი და პოზიტიური საკითხი წამოიჭრება კონკრეტულად და გაჩევის საგნად გადაიქცევა.—თანაარსებობაზე ლაყბობაც და იაფფასიანი ღიმილიც სწყდება და ადგილს იკერს მეცხიერებით განადგურების მუქარები.

თეთრი ემიგრაციის ორგანოები და პასუხისმგებელი პიროვნებანი კი ამავე საბოტაჟურ და ხელის შემშლელ ტაქტიკას უფრო მოქნილად და ყოველგვარის ნიღაბით აწარმოებენ იმავე დასავლეთის რესურსებით და წითლების უჩინარის კურთხევით.

ამნაირად, შეგნებითა თუ შეუგნებლად(?) ფარდის იქითა და აქეთ მყოფი რუსობა თავაუღებლად ერთს მიზანს ემსახურება—დიდი რუსული იმპერიის შემონახვას და ამით პრიორიტეტის ყველგან ხელში ჩაგდებას.

რუსეთის ისტორიაში ადგილი აქვს ისეთს ფაქტორებს, რომელზე შესაძლებელია დასავლეთის ხელმძღვანელ ინტელექტუალურ წრეებს წარმოდგენაც არ ჰქონდეს, მით უფრო, რომ აქ თვით რუსის ინტელიგენციაც თვალსაჩინოდ მოიკაჟულებს.

ერთი ამ ფაქტორთაგანი ის დუალიზმია, რომელიც იმ თავითვე დასჩემდა რუსეთის ხალხისა და ხელისუფლების ურთიერთობას. ეს დუალიზმი ადრიდანვე რომ მოსჩახდა ხელისუფლებისა და ინტელიგენციის შორის, მხოლოდ მაშინ მოისახა, როდესაც აჩქარებულის ტემპით გამოიჩვენა, რომ

რუსული რევოლუცია არა რუსის მასებმა წამოიწყა, არამედ «ინოროდებმა» და «ტუზემცებმა» მონაწილეობით და საფუძვლებლია, გავლენითა და წაქეზებითაც მეხვიით დაახეთქა თავს ამ მასებს უნიდაგო და ჩიტირეკია ინტელიგენციამ.

ტურგენიევა მის «რუდინ»-ში და გონჩაროემა «ო.ბ.ლო.მოვ»-ში უკვე მე-19 საუკუნის პირველსავე ნახევარში შეამჩნიეს ეს ფენომენი, გრიბოედოვმა კი უფრო ადრე მის «გორეოტ უმა»-ში და ამ ინტელიგენციის რეალური და მხატვრული სურათი «ლიზნიე ლიუდი» ს ეტიკეტის მიძღვნილ მიწოდეს საზოგადოებას.

მოულოდნელის სიჩქარით გამოიჩვენა, რომ რევოლუციის ამოცანები მხოლოდ იმ სფეროში ყალიბდებოდა და კრისტალიზაციას იღებდა, სადაც უნდა მოხერხებულყო ჯერ ერთგულ-პოლიტიკური, პიროვნული და მარტივი სოციალური თავისუფლების განხორციელება და შემდეგ, ევოლუციონურის ტემპითა და ეტაპებით უფრო რადიკალური რეფორმების გატარება.

ეს რომ ვერ მოხერხდა (მხოლოდ და მხოლოდ რუსი რევოლუციონერების შეურიგებელი წინააღმდეგობის წყალობით), დაიწყო იმპერიის დაშლა-დაკუწმაწების აჩქარებული და მეტად დრამატიული პროცესი და რუსულმა მასამ, ყველა მასში შემავალ ფენებით, ისე გარიყულად იგრძნო თავი თვით იმპერიაშიც და მსოფლიო სარბიელზედაც, რომ იმედ-გაწყვეტილმა წითელ წყალსა და თეთრ მეწყერს მისცა თავი.

ყველაზე ადრე გაიგო და გამოიყენა კიდევ ასეთი ვითარება ისტორიაში უბადლო იმპერიალისტმა, გენიოსურმა დემაგოგმა და უმაგალითო ტაქტიკოსმა—ლენინმა და მმართველობის საქმეებიც ადვილად და სწრაფად ჩაიგდო ხელში.

მდომარეობის ასე მოულოდნელად შეტრიალვის განხორჩის ხალხი მთელს ქვეყანას ამორფიულ მასად მოეყენა და მსოფლიოს იმ დროინდელმა მესვეურებმა მიუშვეს კიდევ ამ გზით წაზავებულიყო როგორც ხალხი, ისე ღენნი.

თორემ დასავლეთს რომ უნარი აღმოჩენოდა გამოერკვია მისთვის და საკუთარი თავისთვისაც ის მსოფლიო ისტორიაში უმაგალითო შეუთავსებლობა, რომელიც ისტორიულად და საუკუნოებით ახასიათებდა რუსულ საზოგადოებას, ესე იგი ხალხისა და მასების ერთის მხრივ და მეორეს მხრივ, მისი ინტელიგენციის, მისი ელიტის. მის მიერ არჩეულ წარმომადგენლებისა და აგრეთვე აღიარებული მთავრობის შორის და დახმარებოდა ამ საცოდავ მასებს განყენებულ და გაცოფებულ ინტელიგენციასთან ბრძოლაში, შესაძლოა მსოფლიო მდკომარეობა არსებულ გაურკვევლობასა და კატასტროფიულ ვითარებას ასცდნოდა და ერთა და სახელმწიფოთა ურთიერთობაშიც რუსეთი ნორმალური პარტნიორი გამხდარიყო.

ამ მიზეზმა და აგრეთვე იმანაც, რომ ევროპისა და განათლებული კაცობრიობის ბანაკში ტექნიკური პროგრესი მის მორალურ დონეს გადასცდა, დღეს ის ტრადიციული ლაბორინტი წარმოშვა, რომლიდან გამოსაველ გზებს ვერაფერს ნახულობს და ნახევარი საუკუნით ბოლშევიკების რუსეთში გაბატონების ბოლოსაც ბევრი ვერ ხედავს ახალი ომის გარეშე. საკითხის სიმძიმე კი არსებითად არა ბოლშევიკურ და კომუნისტურ რეჟიმშია საძებარი, არამედ რუსულ ნაციონალურ და ტრადიციულ თავგასულობაში მებრძოლებისა და დამონებული ერების მიმართ.

რა რეჟიმშიც არ უნდა დამყარდეს რუსეთში, თუ ის მის წარსულსა და აწ არსებულ პოლიტიკას შემოინახავს, კაცობრიობას საშუალება არ ექნება მშვიდობიანად ისუნთქოს და შემოქმედების გზას დაადგეს.

ერთად ერთი გამოსავალი რევოლუციის ხელ-ახალ წამოწყებაშია და ნახევარი საუკუნის ფუჟედ და უნაყოფოთ ჩატარების აღიარებაში.

გარკვეული დავინახეთ, რომ სოციალ-ეკონომიურ საკითხში მუშებისა და გლეხობის მოტყუებას თან მოჰყვა პიროვნული და ნაციონალური თავისუფლების მოტრფილად და მომლოდინე ხალხების ჯერ ხელახალი დაპყრობა და შემდეგ მათიც სიცრუის წუმპეში ჩახრჩობა.

რევოლუციის ხიშტმა სავსებით დაიმორჩილა რევოლუციონური ენტუზიაზმი და ზედ წამოაგო კიდევ გაოცებული და სახტად დარჩენილი იდეალისტები, რუსის ერშიც და «ინოროდცეშიც».—

აქა იქ თავწამოყოფილ პროტესტებს ურიცხვი დახვრეტები მოჰყვა განსაკუთრებით «ინოროდცების» წრეებში და ბევრი იდეური არა რუსი კომუნისტი მონანიების გზას დაადგა, მაგრამ ამ გზამ მისი ლიკვიდაციაც გამოიწვია.

ვერც ერთი პრობლემა, ვერც ერთი კითხვა და ამოცანა (ისე, როგორც არ იქნა მიცემული სიტყვის დაჭერა და ხელშეკრულებათა პატიოსანი გატარება), რუსეთის წინაშე წამოპრილი. ვერ გადასურა მან ვერც სახელმწიფოთა შორის შეთანხმების ბაზებზე და ვერც დემოკრატიულის, ან ჰუმანიური საშუალებით.

პირიქით, ყველა რთული და ისტორიული მნიშვნელობის საკითხები რუსეთმა ცალმხრივად და მარტოოდენ ძალმომრეობით გადასწყვიტა, მხოლოდ არა ძლევამოსილ მოწინააღმდეგეთა, არამედ მცირე რიცხოვანი ერებისა და ხალხების მიმართ და სადაც კი ხელი წასწვდა და ფეხი შეადგა ან მოიკიდა, ყველგან ყველას კისერი მოუგრიხა.

ეს არის ერთად ერთი ისტორიული სიმართლე და სხვა ტრადიციები ხომ არც წინამორბედ რეჟიმს მოეპოებოდა, თუ მხედველობაში არ მივიღებთ სასახლეებისა და არისტო-

კრატის მიერ იმ დროინდელი ევროპული ტანსაცმელით შემოსვას.

1960 წელს ზრუშჩოვის დაუშვებელი გამოსვლები უმაღლეს საფეხურებზე და თვით O. N. U.-შიც გვიმხელენ, რომ იარაღის ჩხარუნისა, უზრდელი ექსტეზისა და უზნეო პროპაგანდის გარეშე რუსეთს აღარა დარჩენია რა და ჰგულისხმობს, რომ ნახტომი არ შეეშლება, უკეთეს მსაფლიოს წაჩოქების მიზნით ისეთივე მანევრები მოიმარჯვა, როგორც სამხრეთ-ჩრდილოეთით და დასავლეთ-აღმოსავლეთით მდებარე მეზობელ დაუცავ ტერიტორიებისა და ერების მიმართ. ის ჰტიქრობს, და არც მალავს ამას, რომ ამ გზით ლელოს გაიტანს და გახდება სამყაროს სრული ბატონ-პატრონი.

ამნაირად. მიაჩვიეს რა დაუსჯელობას, ის დარწმუნებულია, რომ დათმობის პოლიტიკა მომავალშიდაც სავალდებულო გახდება დასავლეთისათვის და რუსეთი ნელ ნელა, სისტემატურად შეიჭრება როგორც კონტინენტის გულ-ღვიძლში, აგრეთვე მისი ყოფილი კოლონიების დაუშრეტელ სიმდიდრეებშიაც.

ნაწილობრივ მან ეს ოცნება განახორციელა კიდევ და მეტიჩრულის თავხედობით ერევა დედა-მიწის ზურგის ყველა კუთხეების შინაურ საქმეებში.

ბოლშევიკებზე ადრე, მეფეთა რუსეთმა გამოიჩინა ასეთი ტენდენციები, მაგრამ არა ასე უტიფრად, ცინიკურად და ახდილად, არამედ უფრო მეტის ტაქტიკითა და მოჩვენებითი წესიერებით. იოჰანე კალიტა, პეტრე დიდი მისი სასწაულებრივის ანდერძით, ეკატერინე დიდი, ალექსანდრე პირველი და სხვანი მრავალნი მხოლოდ ამ გზით აღწევდნენ ისეთი უზარმაზარი იმპერიის წამოყუდებას, რომელმაც დღეს ყოველად მოუფიქრებელ და აუწერელ დემორალიზაციაში ჩააგდო მთელი კაცობრიობა.

ეს უკვე მარტოოდენ სასოწარკვეთილურ თვითმკვლევლობას კი აღარ წაავაგს, არამედ უამრავი სისხლითა და შრომით მოპოვებული ცივილიზაციის მიმართ კრიმინალური ხასიათის ლაჩრული აქტის ფორმებს იღებს.

განა ბევრი მაგალითი მოვპოვებთ ევროპა-ამერიკას და თვით აფრიკა-აზიასაც, რომ რუსეთმა ვინმე, სადმე და ოდესმე დაინდო, დაზოგა და არ მოუჭრა მას განვითარებისა და თვით-სიცოცხლის გზები? დასარწმუნებლად საჭიროა არაა არქივის მტვერში ხელების ფათური და ისტორიული საბუთების გადაფურცვლა. კმარა ის სანახაეიც, თუ რა მდგომარეობაშია გერმანია, ჰუნგრეთი, პოლონეთი, ჩეხოსლოვაკია, ლიტვა ლატვია ესტონია, ბულგარეთი, რუმინია... თვით იაპონიაც კი შორეულ აღმოსავლეთში ორ ნაწილად გადატეხილი რამოდენიმე რესპუბლიკა ან სამეფო და მათზე ადრე კიდევ საქართველო, უკრაინა, თურქესტანი და სხ. და

სს., რომ სამოქმედო გეზი შეიმუშავოს ჯერ კიდევ თავისუფლად არსებულმა ქვეყნებმა, თორემ, შიში ვერ იხსნის სიკვდილსა და მონობის ვარეშე, ხოცვა-ჟლეტა ისეთსავე სახეს მიიღებს როგორც ჩვენში და თავიდან აუშორებელი გახდება საფრანგეთის, იტალიის, ესპანეთის, ბენელუქსის, ინგლისის და შემდეგ ამერიკის ხალხებისთვის, იგემონ ჩვენ მაგვარი მონობაც და ფიზიკური განადგურების პერსპექტივებიც.

პიროვნების არ იყოს, ერი და მისი ორგანიზაციულად ჩამოსხმული სახელმწიფო პარაზიტობას თუ მიეჩნია, მისგან ხსნა მიღწეულ იქნება არა მის თავზე ხელის მოსმით, არამედ, ან მისი პოლიტიკურ-სანიტარულ კარანტინში ჩასმით (რამოდენიმე საუკუნის განმავლობაში) ან მისი ადმინისტრაციული და დიპლომატიურ ორგანიზაციის დაშლა-განიავევით.

დღეს დასავლეთის პოლიტიკა და დიპლომატია ინიციატივა დაკარგულია და იძულებულია იმისდამიხედვით იმოქმედოს, თუ რა უდევს თავში რუსეთს. ამიტომ მთელი კაცობრიობა დამბლადაცემულია.

ის იმ თვალსაზრისს ეყრდნობა, რომ ამა თუ იმ სახელმწიფო ორგანიზმის შინაური წონასწორობა მუდრატო არის დამოკიდებული მისი საგარეო გავლენისაგან. ერთში განცდილი მარცხი ავტომატიურად იწვევს მეორე მარცხს. რასაკვირველია, ეს ჩინებულად ესმის ყოველგვარ ზნეობრივ ტრადიციას მოკლებულ რუსულ პოლიტიკასაც და რაც ბელშევიკური რეჟიმის წინამორბედმა რეჟიმებმა ვერ გაბედას. ის შემკვიდრე U. R. S. S.-მა მთავარ და სამკვიდრო-სასიცოცხლო ბაზად გაიხადა.

დასავლეთ-აღმოსავლეთის შორის რკინის ფარდის აღმართვამ საშუალება მისცა რუსეთს ყალბი ინფორმაცია მოეფინა ჯერ საკუთარ ტერიტორიაზე და დაპყრობილ ხალხთა მიწებზე და შემდეგ ფარდის გარეშე დარჩენილ ერებში და სახელმწიფოებში.

ამგვარად, თითქმის ნახევარი საუკუნის განმავლობაში, საბუთთა კავშირმა მოახერხა არა თუ რეჟიმის შენარჩუნება, არამედ ისეთი სამხედრო ძლიერების დაწესება. რომლის ბადალი ჯერ არც რუსეთს მოსჩვენებია და არც სხვა რომელიმე ქვეყანას.

მართალია, კონფლიქტის წარმოშობისთანავე, ეს ძლიერება ხელუფლასავით დაიშლება, ვინაიდან მას იგივე დაემართება, რაც წინა ორ დიდ ომში მოუვიდა. მართალია ისიც, რომ ამერიკის პოლიტიკური პრესტიჟი და სამხედრო ძლიერება ბევრად მეტია რუსულისაზე და მეტს მორალურ-გონებრივ ელემენტებსაც შეიცავს. და ეს რუსეთმაც კარგად იცის, მაგრამ თუ რუსეთის მტკივნეული პუნქტი (გეოგრაფიული რუქის მიხედვით) ჯერ მის მრავალრიცხოვან აქრელებულ



ეთნოგრაფიაში მოიპოვება, და შემდეგ კი, ჩინეთის მოსახლეობის აჩქარებული ზრდის და შიმშილის პერსპექტივების გამო ყვითელი საფრთხის პირველ მსხვერპლიანობაში. — ამერიკისა და მის მოკავშირეთა დრამატიული ვითარების ძირები ადვილად მოსჩანს პირველ ყოვლისა ურთიერთ შორის ჯიბრში და შეუთანხმებლობაში და შემდეგ იმ გაუგებარ ნდობაში, რომლითაც ესენი აჯილდოვებენ კომუნიზმთან ბრძოლის ნიღაბ ქვეშ ამოფარებულ თეთრ რუსებს. საბოტაჟითა და დივერსიით რომ ართმევენ არაქათს მთელი დასავლეთის საგარეო პოლიტიკას.

დასავლეთის საარსებო ორგანოები ისეა ამოვსებული პასპორტითა და გვარით გაამერიკელებული, გაფრანგებული, გაინგლისელებული რუსის ემიგრანტებით, რომ არც ერთ სახელმწიფოს და არც მათ რომელიმე კოალიციას აღარ შეუძლია ის პოლიტიკა გაატაროს, რომელიც მის ეროვნულსა და საკავშირო პროგრესს ემსახურება.

რუსეთის ასეთს ერთგულებას ჩვენ ვერ უსაყვედურებთ ემიგრანტ-რუსებს. თუნდაც იმიტომ რომ დათვის სამსახურს წაავას რუსეთის მომავლის მიმართ, მაგრამ ვერც ქათინაურებს მიუძღვნით კაცობრიობის ზურგში მახვილის ჩამცემ ელემენტებს. კოლექტიური სიგიჟე თუ არა, რა ახსნა უნდა მიეცეს იმ სიბრძნევს და განდიდების მანიას, რომლითაც შეპყრობილია თვით საბჭოთა მესვეურნიც და მათი «ანტაგონისტი» რუსული ემიგრაციის მეთაურნიც? მაგონდება 1921 წლის წითელი არმიის ჩვენში შემოჭრის პირობები და არც თავიდან და არც გულიდან არ ამოდის ის უზომო სიხარული, რომელიც წითლებისაგან ჯასრესილმა და წელში გატეხილმა თეთრმა რუსებმა გამოამქლავნეს საქართველოს დაპყრობის გამო.

ეს სულისკვეთება, იმთავითვე რომ განმტკიცდარუს ემიგრანტთა წრეებში, ვერ იქნა აღმოფხვრილი მათი ორმოცი წლის ემიგრანტობითაც კი და პირიქით, ისეა დღეს ჩაქსოვილი მათს ფსიქოლოგიაში და მოქმედებაში, რომ მათთან რაიმე თანამშრომლობაზე ფიქრიც კი წყლის ნაყვია და ჩვენი საქმისადმი ლალატით დაგვირგვინება.

ამიტომ ყველაფრის მიუხედავად ჩვენი გულისყური და რეალური პოლიტიკა იქით უნდა იყოს მიმართული, საიდანაც დასავლეთს უყოყმანოთ უნდა შეეწყოს ხელი რუსეთის აგრესიის წინააღმდეგ ბრძოლაში და გაუადვილოთ მას ეს ბრძოლა მისი თვალთახედვის და ყურთასმენის გამახვილებით.

ჩვენი ქვეყნისა და ერის სამსახური მისი სუვერენობისთვის ბრძოლაა. რუსეთმა გარკვევით, დაუფარავად და ურცხვად დაგვანახა, რომ ისეთი კეთილშობილური აქტის ჩადენა, როგორცაა ხალხის, ერისა და პიროვნების განთავისუფლება, მას არცა შესურს და არც ეხერხება.

თუ რუსული იმპერია არ დაიშალა, მსოფლიოს, რაგინდ პაქტები და ტრაქტატები არ შეკრას მასთან, მშვიდობიანობა არ ეღიროს და არც რუსის ხალხი ჩადგება მის ნორმალურ, ნაციონალურ კალაპოტში.

რუსული იმპერია, განსაკუთრებით კი მის ბოლშევიკურ რეჟიმში კონცენტრაციის სახით მოფარგვლა, ნამდვილი ისტორიული აქსიდანი აღმოჩნდა საკაცობრიო კატასტროფად რომ იქცა.

იმედი ვიქონიოთ, რომ საუკუნობრივ შეცდომების გამოსწორების ხანაც მოახლოვდა იმისდა მიუხედავად, რომ ამ იმპერიას ატომიური ყუმბარაც მოეპოება და გაგარინ-ტიტოვის კოსმოსში მოგზაურობის აპარატებიც. ასეთი ყუმბარები და კოსმოსში მოგზაურობა ვერ შეაჩერებს იმ ბრძოლას, რომელიც თავისუფლებას მიაჩივებს დამონებულ და დაპყრობილ ერებს, რადგან ამ ერთა სული და სიციცხლის სურვილი უფრო მძლავრია ვიდრე ატომიური ბომბა.

სამწუხაროა ის მოვლენა, რომ ყველა ქვეყნების საზოგადოებრივ აზრში და თვით მმართველ წრეებშიდაც ის რწმენა გამეფდა, რომ ატომიურ ხანაში ომი წარმოუდგენელია მდგომარეობის ასეთი ყალბი დაფასება კი, შესაძლებელია მეტად ძვირად დაუჯდეს კაცობრიობას.

შეიძლება ეს ლოლიკური დასკვნაა პუმანიურ, დემოკრატიულ და განათლებულ ხალხების, მაგრამ ასე არ ფიქრობენ დიქტატორები და ტოტალიტალური რეჟიმების მეთაურნი, განსაკუთრებით კი იმგვარი პარაზიტული იმპერიები. როგორც რუსეთია, რომელსაც არაფრად არ ეჭაშნიკება ისეთი კაცობრიობა, ისეთი კულტურა. ისეთი ცივილიზაცია. ისეთი პიროვნება და ისეთი ერი, რომელნიც არ დაემორჩილებიან რუსულ იმპერიალიზმს, კომუნისმის ნიღაბით რომ ევლინება მსოფლიოს.

რაეამსაც რუსეთი იანგარიშებს, რომ ის ომს მოიგებს, ის დაუყოვნებლივ ავანტიურაში გადავარდება და ამა თუ იმ საბაბის მომარჯვებით ცეცხლს წაუკიდებს ჯერ ახლო მდებარე ქვეყნებს და შემდეგ. საფრანგეთ-ინგლისში, შერცულ აღმოსავლეთში და აფრიკაში ბახების გაშენებით ატლანტიურ და წყნარ ოკეანეთა გადაღმა მდებარე სახელმწიფოებს.

საკითხი მხოლოდ იმაშია, მოახერხებს თუ არა დღევანდელი რუსეთა შინაური ნაციონალური პრობლემების კონსოლიდაციას და კონფლიქტის პერიოდში ჩინეთის მიერ ნეიტრალიტეტის დაცვას.

ამაზე შემდეგ.

o. b.

### ცობა ჩამ ლიბერატურულ საქართველოზე.

სხვა მრავალთა შორის—ერთი მნიშვნელოვანი მოვლენაა აღსანიშნავი, საბჭოთა სამყაროში—ესაა კომუნისტურ იდეოლოგიისადმი ნდობის დაკარგვა და ბოლომდე მოაზრება იმ ამბავისა, რომ ხალხისა და პარტიის ინტერესები სულ სხვადასხვაა. არასოდეს ისე არ ყოფილა გავრცელებულ იშვებულებას მთელი თავის დამაჯერებლობით. როგორც დღეს,—რომ «პარტიულობა», კერძოთ ლიტერატურაში და საზოგადოთ ხელოვნებაში და ხალხისადმი სამსახური—მორჩინადმდევე მცნებებია. და სწორედ ეს აწუხებთ და ეს აღელვებთ კომუნისტურ პარტიის იდეოლოგებს და ამით არის გამოწვეული. ენაშუენახავი ნიკიტა ხრუშჩოვის განცხადება—«პარტიის და ხალხის დაპირისპირება არა თუ შეუძლებელია, არამედ დანაშაულიც არის».ო. მაგრამ ნიკიტას ეს თქმა და განცხადება რჩება «თქმათ და ხმად მალადღებლისა უდაბნოსა შინა». ცხოვრება და შემოქმედება კი სხვას მოითხოვს და სხვა გააქვთ. მათ სხვა კანონი და სხვა წესი გააჩნიათ. თავისუფალი მსოფლიო ანტიკომუნისტურ მოძრაობას რუსულ ლიტერატურაში საკმაოდ კარგათ გაეცნო. იცნობს მთელ რიგ რუს მწერალთა სახელებს, რომელთაც თამამად უარყვეს ეგრედწოდებული სოციალისტური რეალიზმი—ეს უნიკო და უსაწყლესი მეთოდი ლიტერატურაში. მაგრამ თავისუფალი მსოფლიო სრულიად არ იცნობს (და საუბედულოთ ბევრი ჩვენს რიგებიდანაც) და ეს ჩვენი ბრალია—იმ ფაქტს, რომ საბჭოთა რუსეთის მიერ დაპყრობილ ერთა ლიტერატურაში არა ნაკლები ბრძოლაა გამართული კომუნისტურ იდეოლოგიისადმი—ბრძოლა უფრო ბასრი და პრინციპული ხასიათის, ვიდრე რუსულ ლიტერატურაში. დავასახელებთ საუკეთესო მებრძოლთ და მათ შორის საქართველოც იხსენიება.

მაშ სმენა და გავგონება საქართველოდან!

საქართველოს თანამედროვე ლიტერატურაში საბოლოოდ ჩამოყალიბდა ორი დიამეტრალურად მოწინააღმდეგე მიმართულება—პარტიული და პროგრესიული (თავისუფალი შემოქმედების დამცველი). რაოდენობითაც და თვისობრივადაც უკანასკნელი უფრო ძლიერი და ღონიერია. მიუხედავად ყოველგვარი დევნისა და «მზილებისა».

რასაკვირველია, პარტიულ მიმართულებების მწერლებზე ლაპარაკი ზედმეტია—რადგანაც ყველა ისინი ერთის სახისანი, ერთის ზნისანი და ერთის ლიტერატურული თვალტანადობის არიან. «ამ ქამად, ამბობს ცნობილი დამბეზღებელი სერგო ჭილაია,—როდესაც ასეთი ბრძოლაა გამართული ბურჟუაზიულ იდეოლოგიის წინააღმდეგ, განსაკუთრებით მნიშვნელობა ეძლევა პოლიტიკურ თვალყურის დევნას... აუცილებელია და სავალდებულო «პარტიულობის» დაცვა და

სოციალისტური რეალიზმის პრინციპების განვითარება ლიტერატურაშია. ესე იგი დაცვა პარტიული სიყალბის, თვალთმაქცობის და ფარისევლობის, ვიტყვი ჩვენ. სულსხვა პაერით სუნთქავს მოწინავე ლიტერატურული საქართველოს თავისუფალი შემოქმედება. ამის მკერმეტყველურ სანუთს იძლევა ლავროსი კალანდაძის ვებერთელა არტიკლი—დაბე-  
ქდილი «ზარია ვასტოკ»-ში 1959 წ. კითხულობთ მას და თქვენ რწმუნდებით, თუ როგორი წრფელი გულის ტკივილით «მო-  
თქვამს» ლავროსი კალანდაძე თავის მშობლიურ ლიტერა-  
ტურის უბედურებაზე.

«სიმართლის გრძობა სხვა გრძობათა შორის—ყველაზე უფრო ნათელია, ყველაზე უფრო მშვენიერი, მაგრამ ხშირათ მეტათ მძაფრი და მწველი. სიმართლე არ მდებარეობს მოვლენათა ზედაპირზე, ის მათ სიღრმეშია. ის არც ისე ადვილად მისაღწევია, როგორც ზოგიერთებს ჰგონიათ. იმისათვის, რომ ვწვდეთ მას, საჭიროა მსხვერპლის გაღება და დიდი გამბედაობა. დიდი ხანი არ არის მას შემდეგ, რაც ჩვენს რიგებში ადგილი ჰქონდა სტალინის შეუცდომლობაზე და ყოვლის შემძლელობაზე უდაოდ ყალბ წარმოდგენას.»

რა ლოლიკური დასკვნის გაკეთება შეიძლება ამ ანოტაციიდან—მხოლოდ და მხოლოდ ერთის: დადგა დრო სიმართლე დაეყენოთ პარტიის მალა. სხვა ახსნა-განმარტება კალანდაძის მოწოდებას არ გააჩნია. «რიცხვუდები სტრიკონები დაიწერა, განაგრძობს ლავროსი, სტალინის გენილობაზე. ვინ ვის არ ეჯიბრებოდა სტალინის ხოტბის შესხმაში (ნამდვილი, «დაეწიო და გაეასწრო» ს მარულა იყო გამართული)-თუმცა მსოფლიო ლიტერატურიდან ცნობილია, რომ ხოტბის-შესხმა მაშინ ჩაითვლება ლიტერატურათ, როდესაც ის მიმართულია უმალეს საკაცობრიო იდეალებისაკენ, როგორც არიან—თავისუფლება, სიყვარული, სიღამაზე და სხვა. იქ, სადაც საჭირო იყო ლიტერატურული ფაქტის დრმა ანალიზი, საკითხის დამოუკიდებელი დამუშავება, იქ ძალიან ხშირათ ლიტერატურული კრიტიკა სტალინის მზამზარეულ დებულებებით გადიოდა ფონს»-ო.

დადი უმრავლესობა საქართველოს შემომქმედ მუშაკებისა, ლავროსი კალანდაძის აზრს იზიარებს. რასაკვირველია მას უკუავადებენ პარტიული კრიტიკოსები და მწერლები, რომელთა ნაშრომებში კოლხოზების მონური შრომა გამოყვანილია, როგორც სადღესასწაულო დროს-გართობა. წინააღმდეგ სერავა ჟილაიასი, კალანდაძე მოითხოვს თავისუფლებას ლიტერატურაში. «როდესაც ადამიანთა აზრები და ემოციები ჩაქენილი არიან ვიწრო «სარეცელში» და მარად გასაქანს ვერ პოულობენ, მაშინ ზედმეტია ნამდვილ შემოქმედებაზე ლაპარაკი»-ო, იბადება კითხვა: როგორ გაუშვა ეს არტიკლი «ზარია ვასტოკ»-ის რედაქციამ? უთუოდ დიდი როლი ითამაშა



კრიტიკოსისა და რედაქტორის შეხედულებათა იგივეობამ. მერმედ, როგორც ეხლა ირკვევა ნაციონალურ ინტელიგენციის შეტევამ (ანალოგიურ ამბავს აქვს ადგილი ჩრდილოეთ კავკასიაში თურქესტანში, სასომხეთში და სხვაგანც). ასეთს პირობებში ლ. კალანდაძის წერილის გაშვება არ იქნებოდა ძნელი—პირიქით სრულიად კანონზომიერი. კიდევ მეტი: გაძვირდა რომანი, სადაც სასტიკი მიუდგომლობით ასახულია კომუნისტური რეჟიმი. ჩვენ მხედველობაში გვაქვს მწერალ ქალის თინა დონეაშვილის თხზულება—«ალაზანხე».

შთავარი გმირი ამ რომანის ლელიახის რაიონულ კომიტეტის მდივანია—გედონ ვარამიძე—დესპოტი, შეუბრალებელი, თვითნება. თავის კარიერის დასაწყისში ის ასე თუ ისე სარგებლობს მორალური ავტორიტეტით. მაგრამ მოკვლე ხანში ის გვევლინება ავანტიურისტის როლში, რომლის გარშემო თავმოყრილია პარტიული ინტრიგები და ბნელი პიროვნებები ვარამიძის ლექსიკონიდან მალე გაქრენ სიტყვები: «ხალხი», «ჩვენ» და მხოლოდ «მე» და «ჩემი რაიონი» გაისმოდა. რაიონში, სადაც შეფობს გედონი ხალხის გაქირვება და საპირობება დაიწყებულია. არა ნაკლებ შავი ფერადებით შემოსილია პარტიის ცენტრალურ კომიტეტის წევრი კორნელი ლოლაძე და განსაკუთრებით რაიონის აღმასკომის თავმჯდომარე ავანტიურისტი ფერაძე, ინტრიგანი და ქურდი დემურისშვილი და სხვა ბევრი პარაზიტი, რომლებიც დაუმსახურებლად მიიწვევენ სულ ზევით და ზევით.

თინა დონეაშვილი მხატვრული სიმართლით აგვიწვს ლელიახის რაიონის მშრომელთა მძიმე პირობებს, ზედმდვანელთა სულიერ სიმწირეს, მათ ზნეს და ხასიათს—სულს, რითაც ისინი სუნთქავენ და საზრდოობენ—ერთი-მეორის გამოყენება, პირწავარდნილი კარიერისმი, პარტიულობის სპეკულიაცია. მათ ერთი რამ ამოძრავებს: რაც შეიძლება მეტი წაგლიჯონ ცხოვრებას. ყველაფერი ეს ისეა ასახული და მოცემული მწერლის მიერ, რომ მკითხველისათვის ფაქტობრივად და არსებითად ნათელია, თუ სად მარხია ბოროტების ძირი—კომუნისტური რეჟიმი მისი დიქტატურა და მისი მოძღვრება—აი მიზნთა-მიზნები ხალხის ყველა უბედურებათა.

რომანი სავსეა მხილებებით და ზოგიერთი სცენა აღსავსე ღრმა შთაბეჭდილებებით. მაგალითად, კოლხოზის მუშაკები ერთხმად აშაებენ რაიონულ კომიტეტის კანდიდატს კომუნისტს და კოლხოზის თავმჯდომარეთ ირჩევენ ზნეკეთლ უპარტიო ნიკო ზელაშვილს. აქ ბევრი გესვია და მკაცრი ირონია, რომელიც ასე უღმობელად მიმართულია კომუნისტურ რეგენების და მკერებელების წინააღმდეგ. ძალიან ცდებიან, საბჭოთა კრიტიკოსები როდესაც ამბობენ მწერალმა დონეაშვილმა დიდი გულისტკივილით დაგვანახა ჩვენი ცხოვრების ნაკლი და უარყოფითი მოვლენებიო,—პირიქით



თინამ გულგრილი ღიმილით აღწერა ვარაშიძის «დალუპვა» და ეს არის სწორედ, რომ იტყვიან სუბსტანციური ნასკვი ამ ნაწარმოების. ეს კი რევიმის გასამართლებდა. ბუნებრივია ოფიციალური კრიტიკა, გულდამშვიდებით ვერ შეხვედბოდა ასეთ ნაწარმოებს და მწერალს დააბრალა საბჭოთა სინამდვილის გამრუდება-დამახინჯება, მაგრამ ნამდვილმა ლიტერატურულ საქართველოს ლიტერატურულმა კრიტიკამ ღირსეულად დაიცვა ქალბატონი მწერალი.

კრიტიკოსი დ. სტურუა აღნიშნავს, რომ «ნაწარმოების იდეური ღირებულება განისაზღვრება სიმარტლესთან სიახლოვით და არა დადგენილებებით»-ო. «მწერალი კრიტიკული თვლით შეკუყურებს ყოველივე დოგმატიზმს. უარყოფს ხელმძღვანელთა (პარტიის) შეუცდომლობას და მათ ნაირ-ნაირ მაღალ დევიზებიან ტრაბახს და ყალბ პათოსს სო. აუტანელია და დრამატიული სამწერლო მოღვაწეობა საბჭოთა სამეფოში. მწერლობა (ნამდვილი, თავისუფალი) იქ ის ბეწვის ნიღა, რომელზედაც გაეღას, გარდა გულწმინდანოიანობისა, მართლის თქმის სიყვარულისა დიდი გამბედაობა ესაჭიროება. რომანს «ალაზანზე» არც ერთი მათგანი არ აკლია, განსაკუთრებით კი გაბედულება.

«ალაზანზე» კონტრასტიულადაა განწყობილი კომუნისტურ რევიმთან, მთელი მისი გესლი და ზახვილი მის წინააღმდეგ არის მიმართული. ის არასოდეს რევერანს არ უკეთებს მას, პირიქით კისერ-გამართული ებრძვის. ლუთერი ამბობდა: «ძნელია არა მკვდრად ჩასვლა ჯოჯოხეთს, არამედ ცოცხლად ჯოჯოხეთს ჩასვლა ძნელი»-ო. თინა დონქაშვილმა თავისი მადლიანი კალამით ეს ჯოჯოხეთი სულიერ წარღვნათა და ვაებათ დაგვანახა და ამაში ვხედავთ ჩვენ მისი ნაწარმოების დიდ მნიშვნელობას.

ჩვენ არ ვიცით რა ბედი ეწვია ამ რომანს, ვიცით მხოლოდ სხვა მწერლები და მათი ნაშრომები უხეშ თავდასხმას განიცდიან პრესაში. საქართველოს კომუნისტური პარტიის ცენტრალურმა კომიტეტმა აკრძალა გამოცემა მრავალ, როგორც წმინდა ლიტერატურულ, ისე კრიტიკულ-ლიტერატურულ ნაწარმოებთა.—კერძოდ v. ხო დაადო ქართულ ლიტერატურის ისტორიის მესამე ტომის გამოშვებას—შედგენილს და დამუშავებულს რესპუბლიკის აკადემიის მიერ. შეჩერებულა გაერცვლება კონსტანტინე გამსახურდიას კრიტიკული წერილების კრებულის და მისი სამ ტომიანი რომანის «დავით აღმაშენებელი»-ს. რადგან კომუნისტების მიერ დასახიჩრებული მოწინააღმდეგე ბედი ვერ პოულობს მასში გამოაჩნილს. ყველაფერი ეს იმაზე ლაპარაკობს, რომ ხელისუფლებასა და ჯანსაღ ლიტერატურულ საქართველოს შორის სასტიკი ბრძოლაა გამართული.

მ. კალონდაძე.



**მკაცრი დემოკრატია**

**და რუსეთის კოლონიალიზმი**

კოლონიალური ეპოქის დასაწყისში—კულტურისა და ცივილიზაციის მაღალ დონეზე მდგარი, ინდუსტრიულ ურად განვითარებულნი. გეოგრაფიულად ადგილობრივ სხვადგარ დადებულნი, უარბი მოსახლეობის მცირე,—განსაკუთრებით ევროპის სახელმწიფოები, რომელთა მოთხოვნები და საკუთრებას ველარ აკმაყოფილებდა მათი საკუთარი მიწაწყალი. განვითარებული ინდუსტრიისათვის ნედლი მასალის მიწოდებით, ან მათ საქალაქო მეურნეობის ნაწარმოებს შინა ბაზარი ველარ იტევდა, უცხო და შორეულ, ჩამორჩენილი ქვეყნებისაქენ მიმართავდნენ მათ თვალყურს. იმათ ან ომით იპყრობდნენ ან მშვიდობიანი მოქმედებით იკავებდნენ; საკუთარ ზედმეტ მოსახლეობას. შემოქმედსა და საქმიანს ჩაახლებდნენ. თავისუფალ მიწებზე, სასოფლო მეურნეობას აუ სათომადნო წარმოებას წამოიწყებდნენ. იქედან ნედლი მასალა შემოქმედით, მეტროპოლიიდან კი ამ ახალი ქვეყნების ბაზარზე საქალაქო მეურნეობის, მხატვ თუ მძიმე ინდუსტრიის ნაწარმოები გაჰქონდათ.

ასეთი კოლონიალური პოლიტიკის მწარმოებელი ქვეყნები იყო. დიდი ბრიტანეთი, საფრანგეთი. გერმანეთი, იტალია, ბელგია, პოლანდია, პორტუგალია და სხვები

ესადა, მათი მამოძრავებელი მთავარი სტიმული მათივე ერისა და სახელმწიფოს ინტერესები იყო. იმავე დროს, მათ მიერ კოლონიებად ქცეული, ჩამორჩენილი ქვეყნებიც არ რჩებოდნენ უსარგებლოთ. მისულთ იქ სასოფლო თუ საქალაქო მეურნეობისა თუ სათომადნო მრეწველობის აღარძინებდასთან ერთად თავიანთი ცივილიზაცია, კულტურა და სასოფლო თუ საქალაქო მეურნეობის ცოდნა შექონდათ. მათ ადგილობრივი ცხოვრების მმართველობაში თუ ერეოდნენ, მათ რასიულ ასიმილიაციას და ეროვნულ გადაგვარებას არ ცდილობდნენ. ამ აზია აფრიკის ხალხების ცხოვრების დონე, კულტურა და ცივილიზაცია, ოდნავ მაინც ასწიეს, აამაღლეს და რასიულად მონათესავე ხალხების ეროვნულ ფორმაციასაც კი ხელი შეუწყვეს. მეცხრამეტე საუკუნის დასაწყისიდან. ეროვნულ სახელმწიფოთა ჩამოყალიბების იდეამ, რომ ძლიერი ფრთები გაშალა და იმ კოლონიებად ქცეულ ქვეყნებსაც მისწვდა მისი ამაცოცხლებელი სხივი, მათი გზაც გაიხსნა მომავლისადმი. ძველი დიდი ბრიტანეთის დანახურება იმაშია, რომ მან მაშინვე ააღო აულო ფესვმოდგმულ ახალ ერას: საკუთარი კოლონიების ეროვნულ ასპირაციას ანგარიში გაუწია, მოვლენებს წინ გაუსწრო, მათ თავისუფლება გაუფართოვა, ახალი რეჟიმი შეუქმნა, «დომინიონები»

კონსტიტუცია მიანიჭა და ინგლისის იმპერიის კავშირში შეიყვანა. ზოგიერთი კი თითქმის სრულიად გაანთავისუფლან. ვინც მის მავალით არ მიჰყვა, კოლონიები სრულიათ დაჰკარგა, ადგილობრივი თუ მსოფლიო ომების შემდეგ.

საფრანგეთის კეთილშობილ დიდ ერს, რომელიც პირველებისა და ეროვნების თავისუფლების მშობელად არის მიჩნეული და კანონიერადაც, არ შეეძლო სხვა მიმართულება აეღო: თუმცა დაგვიანებით, ისეც დიდი ბრიტანეთის გზით წავიდა. გაანთავისუფლა, პირველი მსოფლიო ომის შემდეგ მისი მფარველობის ქვეშ მყოფი სირია, სრული თავისუფლება და სუვერენობა მიანიჭა ტუნისს, მაროკოს, რომელიც დიდ მარშალ ლიოტეს მამობრივის ხელით ეროვნულ სახელმწიფოს სიმალემდე აიყვანა: დიდი ფრანგის დე ფაქტოს თანხმობით გაანთავისუფლა აფრიკის ხუთმეტამდე ერი და ისეთი ხალხებიც კი, რომელნიც ჯერ კიდევ ერის ატრიბუტებს ვერ ატარებენ. ამ სიტყვის ევროპიულის გაგებით. ისინი «საფრანგეთის სახელმწიფო კავშირში» შეიყვანა ურთიერთ თანასწორობის ნიადაგზე. საფრანგეთის მორალურ-მატერიალურის დახმარებით, ისინი თავიანთ ეროვნულ-სახელმწიფოებრივ ცხოვრებას საბოლოათ გაამაჯრებენ.

ალეირის საკითხი სპეციალური ხასიათისაა, განსაკუთრებული მნიშვნელობის. ფრანგის გენიალობა და კეთილშობილება, უთუოდ ამასაც მოუქმბნის გამოსავალს.

ამავე გზით მიდის ბელგიაც, რომელმაც, პირველ-ყოფილ ცხოვრებიდან გამოიყვანა კონგოელები. ევროპის ცივილიზაციასა და კულტურას აზიარა და მათ სრული თავისუფლება და სუვერენობა მიანიჭა.

დაბოლოს დიდ ბრიტანეთმა სრულიად გაანთავისუფლა და სუვერენობა მიანიჭა სპარსეთის ზღვის ყურეში პატარა პროვინცია-საემირო კოვეიტს, რომლის მოსახლეობა 25.000 სულს აღწევს.

დასავლეთის თავისუფალი მსოფლიო და მისი საუკეთესო მეთაურები, ანხორციელებენ მეცხრამეტე მეოცე საუკუნის მიერ წარმოშობილი, პირველებისა და ერთა თავისუფლების იდეას. ფეხდაფეხ მისდევენ ამ გზით მიმავალ ისტორიას. კიდევ მრავალი ერი და ხალხი მიიღებდა თავისუფლებას და თვითარსებობის უფლებას, რომ საბჭოთა რუსეთის მიერ მათი დაპყრობის საფრთხე არ არსებობდეს და არ აშინებდეს თავისუფალ მსოფლიოს მეთაურებს. თვით ამ ერებსა და ხალხებსაც ეშინიანთ, რომ ერთი პატრონისა და მფარველისაგან განთავისუფლებულნი, უფრო საშიშარ და ულმობელ მტერს არ ჩაუვარდნენ ხელში. ასეთი მაგალითები არა ერთი მომხდარა ამ უკანასკნელ ხანებში.

განვიხილოთ რა ვერობის სახელმწიფოთა კოლონიალიზმის ისტორია მოკლედ, შევეცადეთ აღვეწიქსნა მოკლედვე ის ობიექტიური მიზეზები: გეოგრაფიულ დემოგრაფიული, ეკონომიურ-მატერიალური, სულიერ დინამიური. რომელთაც, ნებითა თუ უნებლიეთ, კოლონიალური პოლიტიკისაკენ უბიძგეს მათ, საარსებო არესი და სივრცის მოსაპოვებლად.

ახლა განვიხილოთ ველიკორუსეთის კოლონიალიზმისა და იმპერიალიზმის საკითხი, რომელსაც ჩვენ არაერთხელ და არაორხელ შევხებივართ ამ უკანასკნელ სამიათიწლი წლის განმავლობაში, ჩვენი პერიოდული გამოცემების: «სამშობლოს», «ივერიის», «Prometei»-ს და «ქართული აზრი»-ს ფურცლებზედ.

რა უნდა ყოფილიყო ველიკორუსეთის, ძველი ხანისა და ეპოქის ცხოვრების, გეოგრაფიულ-დემოგრაფიული, ეკონომიურ-მატერიალური და სულიერ-დინამიური მდგომარეობა და პირობები, რომელთაც იმპერიალური და კოლონიალური პოლიტიკისაკენ ებიძგა და მიემართა მათი ყური და თვალი: მათი ისტორიული ხანის დასაწყისიდან, მათი მიწაწყალი ვრცელი იყო, ნოყიერი და მდიდარი, არ აკლდათ ვერედ წოდებული «Espace-Vital»-ი. არ ქონდათ მხოლოდ შორეულ ოკეანეზედ გასავალი საზღვაო გზები, მაგრამ არ აკლდათ: რით უნდა გასულიყვნენ, რა უნდა გაეტანათ, ან რა უნდა შეეცანათ მათ მაშინდელ ცხოვრებას რომ სპირდებოდა. აკლდათ მხოლოდ, ნიჭი, ცოდნა და უნარი, მათი საკუთარი ვრცელი, ნოყიერი და მდიდარი მიწაწყლის დამუშავების-ექსპლუატაციის, საკუთარი ცხოვრების აწყობის, სახელმწიფოს მართვა გამგებლობის. ამისათვის მათ მიიწვიეს ვარაგი რიურიკი. ეს არც ისე სათაკილოდ იქნებოდა მიჩნეული იმ ეპოქისათვის. მსგავსი მაგალითებით სავსეა ხალხთა ცხოვრების ისტორია. ბევრი მათგანის დასახელება ზედმეტია. ერთიც საკმარისია: ნახევარი საუკუნის წინ, ოსმალთაგან განთავისუფლებულმა რუმინელებმა გერმანელ პოგენკოლერების გვარიშვილი მიიწვიეს და კაროლ პირველის სახელით მათ სამეფო ტანტზედ დასვეს.

რუსეთის ნოყიერი და მდიდარი, მაგრამ დაუმუშავებელი მიწა წყალი,—კიდევ უფრო გადიდებული და გაშლილი, მათთან სლავიანური ტომების, ბელორუსების და უკრაინელების თანდათან, ნებით თუ უნებლიეთ შეერთებით, რამოდენიმე საუკუნის გასწვრივ—თვით იყო საკოლონიზაციო არედ მიჩნეული, ახლოს თუ შორს მყოფი არაბთა და მონღოლთა ხალხების მიერ. უკანასკნელი, რამოდენიმე საუკუნე ბატონობდა მათზე. დასავლეთიდან გერმანეთის იმპერიის თვალყურიც ვრცელი რუსეთის ტერიტორიისაკენ იყო მიქცეული. მის მიწაწყალზედ გაშლისა და ექსპანსიის მიზნით. უკანასკნელი თუ ამას ვერ ახერხებდა იარაღის საშუალებით, მშვი-

დობიანი გზით ცდილობდა ამ მიზნისადმი მიღწევას: გერმანული რასისა და შტოების ბალტიის ზღვის გადაღმა ნაპირზე და თვით შიდა რუსეთში ჩასახლებით, მის გავლენას აგრცხლებდა და ფეხს იკიდებდა. ასეთმა გარედან მიწოდებულმა, ცხადია ხელი შეუწყო რუსეთის ფარგლებში რასიულად მონათესავე სლავიანური ხალხების გაეროიანებასა და რუსული სახელმწიფოს ფორომაციას.

უნდა ვიფიქროთ, რომ მონღოლთა რამოდენიმე საუკუნით ბატონობამ მათი სისხლის რუსულ სისხლში ჰარბად შერევამ, მათმა სულიერმა გავლენამ თავისი დალი დასავა და მნიშვნელოვანად გარდაქმნა რუსის ხალხი. მათ წარმოშობიდანვე თანდაყოლილი სხვათა დაპყრობა,— დამონების ფსიქოლოგია გაუძლიერა; შურისძიების სურვილი აღუარა, და გაუღრმავა, სხვათა ქონების მითვისებისა და მიტაცებისა და უნარი გააუძლიერა. ამ ხნიდან სისხლიანი, იმპერიალიზმისა და კოლონიალიზმის, ჯერ ბილიკით და შემდეგ სამხედრო შარა გზით მიემართა რუსული პოლიტიკა, რომელიც სლავიანიზმისა და ქრისტიანიზმის ძალად შეტყუებულ ემბლემის ქვეშ ეხეთქებოდა, შორეულ აღმოსავლეთით მჭიდროთ დასახლებულ იაპონიას, დასავლეთით მჭიდროთვე დასახლებულ ევროპის ნაპირებს და სამხრეთით, უფრო ადრე კავკასიის დაპყრობის შემდეგ, ოსმალეთის იმპერიისა და სპარსეთის საზღვრებს. ასეთი პირდაღებული იმპერიალიზმისა და კოლონიალიზმის პოლიტიკური ხაზი საბოლოო პეტრე დიდმა დააფუძნა მის მიერ დატოვებული ცნობილი ანდერძით და მისი განხორციელების გზებიც დასახა.

ამ «ანდერძით», მთელი მისის «რელიგიით» ა და სიძლიერით, დაისვა აღმოსავლეთ-დასავლეთს შორის არსებული წინააღმდეგობა. დასავლეთ ევროპის სახელმწიფოთა მეთაურებს არ შეიძლებოდა არ სცოდნოდათა ამ «ანდერძის» არსებობა, რომელიც უკვე განხორციელების გზას ადგა რუსეთის იმპერატორ ნიკოლოზ პირველისა და ალექსანდრე მეორეს მეთაურობით.

ირკვევა, რომ კარლ მარქსს ლონდონიდან ამერიკაში ეურნალ «ნეი იორკ დეილ ტრიბუნ» ისათვის 1853—1856 წლებში წერილების მთელი რიგი გაუგზავნია, რომლებშიც ის აღმოსავლეთის საფრთხეზე განსაცვიფრებელის გონების სიფხიზლით მიუთითებდა, დასავლეთს რომ თავზე და აწვა რუსეთის სახით. ამ წერილთა კრებული მარქსის ქალიშვილს გამოუქვეყნებია 1897 წ., რომელიც ამ ბოლო წლებში აღმოუჩენია პროფესორ J. A. Doering Selwald-ის და თავის კომენტარებით გამოაუტია.

იმ დროს, როცა კარლ მარქსი იმ წერილებსა სწერდა, ევროპა დიდ კრიზისს განიცდიდა: ნიკოლოზ I-მა, მთელის მისი უხეშობით, წამოაყენა აღმოსავლეთის საკითხი, ვითომ.



და «წმიდა ადგილებისა» და მართლმადიდებელ ქრისტიანთა დასაცავად, არსებითად კი რუსული გეგმონიის დასამყარებლად აღმოსავლეთ ევროპაში, რომელსაც ოტომანთა იმპერია ფლობდა. რუსეთის განზრახვა, სწორედ ასე გაიგო დასავლეთ ევროპის მეთაურებმა და რუსეთის მიერ წამოწყებულ ყირიმის ომში, საფრანგეთი და დიდი ბრიტანეთი ოსმალეთის მოკავშირედ გამოვიდნენ. ეს ომი 1853 წლიდან დაწყებული 1856 წლის მარტში დამთავრდა რუსეთის დამარცხებით.

იმ ომის სახით კარლ მარქსმა დაინახა ორი მსოფლიოს «შოკი». ბრძოლა აღმოსავლეთიდან რუსეთის მიერ დასავლეთის წინააღმდეგ. ცხადია ის როგორც დასავლეთის შვილი, დასავლეთის მხარეზე იდგა და მას აფრთხილებდა: «საკითხი არა სდგას, ამბობდა ის, თუ ვინ იმეფებს კონსტანტინოპოლზე, საკითხი სდგას, თუ ვინ იბატონებს მთელ ევროპაზე. კონსტანტინოპოლისთვის ბრძოლა საკითხს აყენებს თუ დასავლეთის კულტურა უნდა შესცვალოს ბიზანტიურმა (byzantine) ან და თუ მათ შორის ანტაგონიზმი გამწვავდება და გაუკონარ საშიშ ფორმას მიიღებს»-ო.

კარლ მარქსი სასტიკი გამოთქმებით თავს ესხმის და ამხილებს რუსული პანსლავიანიზმის დაპყრობისა და დამონების ამბიციებს.—რომელსაც რუსულ ექსპანსიონიზმს უწოდებს. ის აღნიშნავს რომ ცარიზმის ასეთი საგარეო პოლიტიკა, მთელის სიძლიერით გამოსახავს რუსის ხალხის სულ იერ განწყობილებას და მიმართებას. რომელიც ღრმათაა დევნებ გადგმული რუსეთის ისტორიულ სინამდვილეში, პეტრე დიდზე და მის განსაცვიფრებელ ანდერძამდე და რომელიც საუკუნიდან-საუკუნეზე და შთამომავლობიდან-შთამომავლობაზე გადადისო.

«სლავიანური რასა,—ამბობს მარქსი—ხანგრძლივად გაყოფილი მათი შინაური უთანხმოებით. აღმოსავლეთისაკენ მირეკილი გერმანელების მიერ, დამორჩილებული ნაწილობრივად თურქების, გერმანელებისა და ჰუნგრელების მიერ. პანსლავიანიზმის უხეში აღმავლობით 1850 წლიდან უცბათ გავრთიანდა. ამ ერთობის დასაცავათ. ის იძულებული იქნება, შეუწყნარებელი ომი გამოუცხადოს, ლათინურს, კელტიურსა და გერმანულ რასებს, რომელნიც განაგებენ დღემდე ევროპის კონტინენტს. პანსლავიანიზმი არ არის მოძრაობა. რომლის ასპირაცია იყოს მხოლოდ მათი ეროვნული დამოუკიდებლობის დაცვა, არამედ ეს ის მოძრაობაა, რომელიც მიმართული ევროპისაკენ, გაანადგურებს ათასი წლის ისტორიის ნაყოფს. ის ვერ მიღწევს ამ მიზანს, ისე თუ ევროპის რუქიდან ვერ ამოშალა ჰუნგრეთი, ოსმალეთი და გერმანიის ერთი დიდი ნაწილი და ამ მიღწეულის შესანარჩუნებლად პანსლავიანიზმმა უნდა დაიპყროს და დაიმონოს ევროპა. ის

რაც გუშინ მხოლოდ იდეოლოგია იყო, დღეს პროგრამათ, უკეთ რომა ვსთქვათ, პოლიტიკურ მუქარათ იქცა 800.000 ხი-შტით ზურგგამაგრებული-ო.

აღწერს რა პანსლავიანური რუსეთის ცარიზმის მოქმე-დებისა და ცივი ომის მეთოდებსა და ტაქტიკას, რომელთაც ტყუპ-ძმასავით წააგავს დღევანდელი საბჭოთა რუსეთის მე-თოდი და ტაქტიკა, უსაყვედურებს ევროპას და განსაკუთრე-ბით საფრანგეთ ინგლისს მათ წაჩოქების პოლიტიკას, სიმზთა-ლესა და შიშს რუსეთის მუქარის პირისპირ. ის აღნიშნავს რუსის ხალხის ცხოველმყოფელობას, ენერგიას, და ამბობს: თუ მისმა ხელმძღვანელებმა შესძლეს შინაური უთანხმოების მოგვარება, მოსახლეობის სოციალ-ეკონომიური პირობების მოწესრიგება და ლიბერალური რეჟიმის დამყარება, გასაკვი-რი არ იქნება, რომ ერთ დღეს რუსის კოზაკები ევროპას დაე-პატრონონო. მარქსი, როგორც რუსეთის მოწინააღმდეგე არ ერიდება რუსის ხალხი «ბარბაროსული რასის» ეპიტეტით შეამკოს.

ჩვენ მომხრენი არა ვართ მტერი უღირსათ მოვიხსენიოთ, და უდიერი ლანძღვა-გინებით გაუმასპინძლდეთ, წმირათ გვა-წუხებეს ჩვენს თანამოაზრეთა და თანამებრძოლთა ასეთი ხასი-ათის გამოსვლები. კარლ მარქსის შაგივრათ აღბად მისი მან-დატორები მოიხდიან ბოდიშს, თუ მარქსისადმი სიტყვის შე-ბრუნებას გაბედავენ.

წინად, როცა ამ თემაზე ვწერდით, ჩვეულებად გვექონ-და, უცხო ქვეყნებში არსებულ, ისეთი მიმართულების წარ-მომადგენელთა, ნაწერებით დაგვედასტურებინა, ჩვენი აზრე-ბი და შეხედულებები, რომელიც თავიანთი მსოფლმხედვე-ლობით ენათესავებიან ჩვენს მიმართულებას. ეს საპიროდ მიგვაჩნდა, რათა ჩვენს მიერ გამოთქმული აზრები და შეხედუ-ლებები გაგვექლიერებინა.—გაგვემაგრებინა, დამაჯერებლ-თა და სარწმუნოთ გაგვეხადა. დღეს შემთხვევა გვეძლევა და-ვიმოწმოთ, იმ მოაზროვნის ნაწერები, რომლის სოციალურ-ეკონომიურ თეორიებს და ფილოსოფიურ კონცეპციას ჩვენ რადიკალურად ვეწინააღმდეგებით. სიამოვნებით აღენიშ-ნავთ, რომ ამ ერთი საკითხის შესახებ მაინც გამოუთქვამს, მარქს სალი და სწორი აზრი, მისი და ჩვენი ეპოქის ასპირა-ციას რომ ეთანხმება და ამაგრებს-აძლიერებს. თავისუფალ მსოფლიოში, მისი მიმდევართაგან მიტოვებული და უარყო-ფილი. იქნებ ოდნავ მაინც ანუგეშოს ჩვენში აღძრულ მა პა-ტარა თბილმა გრძობამ, მადლობის ნიშნად რომ მიუძღვნით, ამ აზრის გამოთქმისათვის. ვეუვობთ კი, ამ მცირე საფასუ-რით გამოისყიდოს მან ის გაუზომელი და მომაკვდინებელი ცოდვა, რომელიც მას გულზედ აწევს, კულტურული და ცი-ვილიზებული კაცობრიობის მიმართ რომ ჩაიდინა, მისი «კა-პიტალი»-თ კულტურული მსოფლიოს ცივილიზაცია და მო-

რალური საფუძვლები, რომ დააზიანა და ხიფათის წინაშე დააყენა.

1853—1856 წლებში, როცა მარქსი ამ წერილებსა სწერდა რუსეთის წინააღმდეგ, რა იცოდა და რას იფიქრებდა, რომ მის მიერ მის «კაპიტალ»-ში მოცემული სოციალ-დემოკრატიული ცხოვრების გარდაქმნისა და შეცვლის დოგმატიური თეორიები, ნოყიერ ნიადაგს იპოვიდა სწორედ, იმ «ბარბაროსულ რასაში» და არა კაპიტალიზმის განვითარების უმაღლეს მწვერვალზედ ასულ ქვეყნებში. ან რას იფიქრებდა, რომ მის მიერ დატოვებული «თორმეტი მიოქუელი» და მათ შორის, მისი სამშობლოს სოციალისტური პარტიაც, «შამლის ყივილზე» თუ არა, მისი სიკვდილიდან დაახლოებით პირველი საუკუნის მზის ჩასვლის წინ, უარს ეტყობდნენ და გაემიჯნებოდნენ მათ სულიერ მამას.

ეს «შორსმკვრეტელი» და «წინასწარმეტყველი» რას იფიქრებდა და რა იცოდა, რომ მის მიერ, «ცოდვილი ქვეყნის» სახსნელად მიცემული «კლასთა ბრძოლისა» და «პროლეტარიატის დიქტატურის» «ლიბერალური» თეორიები, სწორედ იმ «ბარბაროსულ რასაში» კპოებდა მახინჯ განხორციელებას და რომ ერთ დღეს ლიბერალურ ევროპას მოადგებოდნენ მის დასაპყრობლად-დასამოწმებლად და მისი «კაპიტალის» გასანადგებლად. ეს რომ დასიზმრებოდა მაინც, იცნებ თავს შეიკავებდა და არ აწყენინებდა მის მომავალ იდეურ პირმშო შვილებს.

და ან მარქსმა რა იცოდა და ან რას იფიქრებდა რომ ეს მის მიერ «ბარბაროსულ რასად» მონათლული რუსის ხალხი, პროლეტარული დიქტატურის ფორმით სახელმწიფო დქვეული, მისი დროში—«პროლეტარებო ყველა ქვეყნისა შეერთდით»—, მისი არქაიული წვერიანი სახის და მისი პირმშო შვილის ვლადიმერ ულიანოვის, მონღოლური რასის გამომეტყველების, მაგრამ «ბარბაროსული რასის» შვილის სურათებით, 800 000 ხიშტით ზურგ გამაგრებული, პანსლავიანიზმის და მარქსიზმის ემბლემით, თავს დაესხმოდა, სისხლში ჩაახრჩობდა, და ხელახლად დაიპყრობდა ახალ განთავისუფლებულ ერებს და მათ შორის კავკასიასა და საქართველოს, რომლის პირველი დაპყრობის დროს, თურმე, მას პროტესტიც განუცხადებია და სადაც მარქსი არანაკლებ «ფაორში» და პატივისცემაში იყო რესპუბლიკის მეთაურთაგან.

ბოლშევიკური ველიკორუსეთი. 1917 წლის ოქტომბრის რევოლუციის დასაწყისიდან მსოფლიოს ახალი დეკლარაციით წარუდგა:—ხალხთა თანასწორობა და სუვერენობა, თვითმართველობისა, თვითგანგების და სრული დამოუკიდებლობის უფლებით. ფაქტიურად კი ქველი რუსეთის პანსლავიანიზმის, ექსპანსიონიზმის და მსოფლიოზედ გაბატონების

იმპერიალისტური პოლიტიკით გამოვიდა. მარქსისა და ენგელსის ინტერნაციონალური დროშით, ორმოცი წლის მანძილზე, მეფის რუსეთისაგან, 1917—1918 წლებში გამოყოფილი რამოდენიმე ათეული ერი ხელახლად დაიპყრო. პეტრე დიდის, ნიკოლოზ პირველის და ალექსანდრე მეორის მიერ მიუღწეველ სურვილებსაც გადააჰარბა, შავსა და ბალტიის ზღვებს გადმოსცდა და აღმოსავლეთ და ცენტრალურ ევროპის თითქმის ათიოდე დიდი ეროვნული სახელმწიფო ფაქტიურად დაიპყრო. მეორეს მხრით, ცენტრალურ აზიაში ძველი რუსეთის საზღვრებს გადასცილდა. კასპიისა და არალის ზღვისა და ბალღაშის ტბის ხაზიც უკან მოიტოვა, მთელი რიგი მაჰმადიანი ერებისა: თურქმენები, უზბეკები, ყირგიზები, ტაჯიკისტანელები დაიპყრო და ირან-ავღანისტან და პაკისტან-ჩინეთის საზღვრებს მიადგა, ინდოეთს თავზე დაადგა და შორეულ-აღმოსავლეთისა და აზია-აფრიკისაკენ გასავალ გზებს კონტროლს უწევს და ზვერაავს. პეტრე დიდსა და მის მიმდევარ იმპერატორებს რომ ეს დასიზმრებოდათ, სიხარულით ლოგინიდან გამომოვარდებოდნენ.

— როგორი არის ველიკოროსთა პოლიტიკის მთავარი ხაზი. მათ მიერ დაკავებულ-დაპყრობილ ქვეყნებში, ეგრედწოდებულ საბჭოთა სოც. რესპუბლიკების ყალბი სახელწოდებით რომ გადაქიმულა მსოფლიოს ერთ-მეოთხედ ფართობზე; რას და ვის ემსახურება იგი?

ყველა მათ მიერ დაპყრობილი ერებისა და ხალხების რასიულ-ფიზიკურ გადაგვარება-ასიმილიაციას, მათი ცხოვრების მთავარი სულიერი თუ მატერიალური ღარგების გარდაქნა-აწყობას რუსულ ყაიდაზე, მათ დაკავშირებასა და გადაბმას ველიკორუსეთთან. მათი მატერიალური თუ სულიერი ცხოვრების ყველა გზები ამ ახალი რომისა—მოსკოვისაკენ—მიდიან: სასოფლო თუ საქალაქო მეურნეობა ამ ნიშნითა და გეგმით არის ნაკარნახევი და აწყობილი. ამ დაპყრობილი ქვეყნების მეურნეობა არ არის აწყობილი მათი შინაური საპიროებისა და მოთხოვნილებებისათვის, არამედ რუსეთის ცენტრალური ბაზრისათვის: სიტრუსებისა და ჩაის კულტურის პლანტაციები, სამთომადნო ნაწარმი, საქართველოდან, ბამბის პლანტაციები კასპიის ზღვის გადაღმა ქვეყნებიდან, ბაქოს ნავთი (სხვა რომ არ დაევასხელოთ) რუსეთის შინაბაზრისა და ინდუსტრიისათვისაა საპირო და მისი ექსპორტის გზაც იქეთკენაა მიმართული. ხრუშჩოვი ყაზახისტანის «ვანთავი სუფლებს» ორმოცი წლის თავის დღესასწაულზე მათ ურჩევსთ დასთესონ რაც შეიძლება მეტი სიმინდი და სპამონ ცხენის ხორცი, ალბად იმიტომ, რომ ცხერის ხორცი მოსკოვს გაუჭნავნონ.

ხორბალი და მძიმე თუ მსუბუქი ინდუსტრიისა და ფაბ-

რიკების ნაწარმოები, შიდა რუსეთიდან უნდა მიიღონ ამ ქვეყნებში, როგორც მოწყალება.

მოსახლეობის მოძრაობაც იმავე მიზნით არის მოწყობილი. ხელაოვნურად შექმნილი სხვადასხვა ხასიათის პირობები თუ მიზეზები, რომელიც ხელს უწყობს და უბიძგებს მას. მსოფლიოს ერთ-მეოთხედზედ გადაჭიმული ქვეყანა «საბჭოთა კავშირი» რომ ეწოდება «თავისუფალი» მოედანია და არც გადასახლება-გადმოსახლებისათვის. საბჭოთა კავშირში აღარ არსებობს ადგილობრივი, სახლვარ დადებული სამშობლო, მამული და მამულიშვილი. მთელი საბჭოთა კავშირის ტერიტორია კიდით-კიდემდე საერთო სამშობლოთაა მიჩნეული. მის ფარგლებში შეტყობილ ერებისა და ხალხებისათვის დაწყებულია მოფიქრებული და გაზომილი გეგმით, იმ ათეული ერებისა და ხალხების ერთმანეთში არევა-გათქვეფა, ერთი ნაციის ხელაოვნურად შექმნა და მათ საბოლოო სახელწოდებათაა განხრახელი, თერმინი «საბჭოთა ნაცია» ხანდისხან რომ მორცხვით ხმარობენ, როგორც ზერელე უშინაარსო თერმინს. არსებითად კი ცდილობენ დაპყრობილი ერების გადაგვარებას, რუსიფიკაციას. ამისათვის საკმაო დოზა არ არის მარტო 80 მილიონი ველიკოროსი, უთუოდ ამიტომ. ამ მიზნით გამოყენებულია იმათთან რასიულად მონათესავე სლავიანური ხალხები: უკრაინელები, ბელარუსები და ყაზახები. ამ მეთოდით ორი კურდღელის დაჭერას ფიქრობს ველიკორუსეთი: შეამკიროს უკანასკნელთა მოსახლეობა მათ მიწა წყალზე, და ამით დაასუსტოს მათი ეროვნული ბრძოლა დამოუკიდებლობისათვის. ამ სლავიანური ელემენტების, შორეულ სხვა ერებით დასახლებულ ქვეყნებში კოლექტივიტით, უკანასკნელთა გადაგვარება-გარუსებას ცდილობს, ვინაიდან ამ ქვეყნებში ჩამოსახლებული, მოსკოვის განკარგულებით, ველიკოროსი, ბელარუსი, უკრაინელი. თუ ყაზახი, ნებით თუ უნებლიეთ ველიკოროსების პანსლავიანიზმის დროშითა და სახელით ევლინებიან სხვა რასისა და ხშირად სხვა სარწმუნოების მოსახლეობას და მათი გადაგვარება-გარუსებისათვის არიან გამოყენებულნი. ღმერთმა გაამართლოს ქართული თქმულება და ორი კურდღლის მდევარს ვერც ერთი ვერ დაეპიროს.

ველიკორუსეთის მიერ დაპყრობილ არასლავიანური ერების შორის, ქართველი ერი ყველაზედ უფრო ძნელი მოსაწვლელია ველიკორუსეთის კუჭისათვის: ის რასიულადა და ეთნიურად ათეულ საუკუნეთა ისტორიის მიერ სრულიად ჩამოსხმული და გამოკვეთილია, მისი ეროვნულ-სახელმწიფოებრივი შეგნებაც და ყალიბიც დავაჟაკებულია; მისი კულტურა, ცივილიზაცია, ენა და ლიტერატურაც თავისებურია და რუსული და სლავიანური რასის ხალხებისაგან სრულიად განთვისებული. რუსეთში ეს კარგად იცის. ამიტომაც,



რომ მისი გადაგვარება და სლავიანურ ხალხებში გათქვეფისათვის საგანგებოთ შესწავლილი ზომებია მიღებული: მისი დაპყრობის პირველი დღეებიდან, რუსეთი შეუდგა ქართული სახელმწიფოს ტერიტორიის შემცირებას, ოსმალეთს. ახერხებდა ახსნა თუ სომხეთს მისი მიწა წყლის ერთი მეთხედი მიართვა. მისი ქართული მოსახლეობით. დარჩენილ მიწა-წყალზე, ხელოვნურად გამოჰკვეთა ავტონომიური რესპუბლიკები: აზერბაიჯანის, აჭარის, ოსეთისა; უკანასკნელი ჩრდილო-კავკასიის ოსეთთან შეაკავშირა შეაერთა. დაარღვია ქართველი ხალხის ეროვნული და ტერიტორიულ ერთობა. მრავალსაუკუნეთა ისტორიული პროცესის მიერ შექმნილი და მიღებული.

— დარჩენილი მოსახლეობა, ნიშანშია ამოღებული მისი ისტორიული მტრის მიერ: ყოველი მიწები, ყოველი ზომა. მისაღებია და გამოყენებული ქართული მოსახლეობის შემცირებისა და გადაგვარების მიზნით: როგორც, არასანდო ელემენტის სიკვდილით დასჯა და მასიური გადასახლება რუსეთის იმპერიის შიდა და განაპირა ქვეყნებში, უკრაინაში, სიბირში, ყაზახისტანში თუ სხვაგან. «ნებაყოფლობით» სამუშაოთ ათი ათასობით მათი გადაყვანა იმავე ქვეყნებში. სწავლა-განათლების საქმეც ისეთი გეგმით არის აწყობილი, რომ იმავე მიზანს ემსახუროს. ყოველ ათას სულზე სამასი საშუალო განათლებითაა, ოცდაათი კი უმაღლესი ცოდნით. ეს თავისთავად კარგია და სასარგებლოც, რომ ადგილობრივ ეროვნულ მოთხოვნილებებსა და საჭიროებებს მიხედვით იყოს განზომილი, სწავლა-განათლების დარგები. სწავლა-დამოუკიდებელი ექიმ ინჟინერ ტექნიკოსისათვის, დიდი რუსეთის ქვეყნებია გახსნილი. 1959 წლის ოფიციალური სტატისტიკის მიხედვით, ასეთი კატეგორიის 58 000 ქართველია რუსეთში ჩასახლებული. მათგან მეტად მცირე ნაწილი თუ დაუბრუნდება სამშობლოს, დანარჩენი რუსულ-სლავიანურ მასაში გაითქვამება.

საქართველოს ინდუსტრიის იმ დარგებისათვის, რომელნიც მოსკოვის გეგმით ნებადართულნი არიან, საჭიროა მუშა ხელი, შავი თუ დახელოვნებული, ინჟინერი თუ ტექნიკოსი. ქართველი გლეხი კოლხობებშია შერევილი, მათი დიდი ნაწილი ქალი და კაცი სიტრუსებისა თუ ჩაის პლანტაციებზედ მუშაობს. ქართული ტექნიკური ძალები რუსეთში მიჰყავთ. მათ ადგილას, საქარხნო თუ სამთომადონო ინდუსტრია-წარმოებისათვის ასიათასობით მოჰყავთ ცოლშვილით, დახელოვებული მუშები და ტექნიკოსები, უკრაინელები, რუსები, ბელორუსები. ამით ქართველ ხალხს აჩვენებენ. რომ ურუსეთით მათ არ შეუძლიათ ამ ინდუსტრიულური დარგების წარმოება. ეს ასიათასობით ჩამოსახლებული რუსები თუ სლავიანები, საქართველოს მიწა-წყალზე ფეხს იკიდებენ და რჩებიან.

1939 წლის ოფიციალური სტატისტიკის მიხედვით, საქართველოს ტერიტორიაზე (69,7 ათასი კვ. კილომეტრი) 3.54.000 მცხოვრები იყო.

1959 წლის მოსახლეობის აღწერის თანახმად 4.044.000 მცხოვრებია, რომელთაგან ქართველი მხოლოდ 2.660.1000—მცხოვრებთა 64 პროცენტია. ველიკოროსი—408.000.—მცხოვრებთა 10,1 პროცენ., უკრაინელი 52.000.—3,3 პროც., სომეხი—443.—11 პროც. აზერბაიჯანელი 154 000.—3,8 პროც., ოსი 141.000.—3,8 პროც. ბერძენი 73.000.—1,8 პროც. რუსის ებრაელი 52 000 —1,3 პროც. ქურთი 16.000.—0,4 პროცენტი.

— უნდა ვივარაუდოთ, რომ მიუხედავად ოფიციალური სტატისტიკისა, სლავიანურ-რუსული, უკრაინული და სხვა უცხოელების რიცხვი სტატისტიკით ნაჩვენებ რაოდენობას აღემატება (ამ სტრიქონების დამწერი განათლებით და მცირედი პრაქტიკითაც სტატისტიკოსია და იცის, თუ როგორ ჯამდება აღწერის ციფრები, ზემოდან მიღებული ფარული ინსტრუქციებისა და მიხედვით).

ღმერთმა ნუ ჰქნას, რომ საქართველო კიდევ ორმოცი წელიწადი დარჩეს საბჭოთა რუსეთის ულლის ქვეშ. მათი ასეთი რუსული-კოლონიალური პოლიტიკის შემდეგ, რაღა დარჩება ქართული მოსახლეობიდან და რაც დარჩება, მას რა ქართულ-რასიული, ეთნიური და სულიერი თვისებები შერჩებათ. ალჟირის მაგალითი ხომ ჩვენს თვალთაწინ გვაქვს. საბჭოთა რუსეთის ეროვნებათა კონცეპციის თანახმად, საქართველო, როგორც ავტონომიური რესპუბლიკა, თავისთავად დაკარგავს ამ მცირე უფლებასაც და, მისი სახელიც კი ამოიშლება რუქიდან და ველიკორუსეთის რესპუბლიკის ფარგლებში მომწყვდეული უსახელოთ შევა საბჭოთა სოციალისტური რესპუბლიკის ფარგლებში. ასეთი მაგალითი უკვე ჩვენს თვალთაწინ მოხდა, ყირიმის ოლქის უკრაინულ სოც. რესპუბლიკაში შეყვანით. როგორც შემდეგი სტრიქონებიდან დავინახავთ, ასეთი ბედი მალე ეწვევა საბჭ. რესპ. სოც. კავშირში მყოფ რამოდენიმე ავტონომიურ რესპუბლიკას.

— ზანგრძლივი ისტორიის მანძილზე, მრავალი ერი და ხალხი გამქრალა, დედამიწის პირიდან აღუგავს ისტორიულ ქართველებს, სხვადასხვა სახით, რომ ევლინებოდა მსოფლიოს. ისტორიას ძნელად ახსოვს მათი და მათი ნაბინძურალი ქვეყნის სახელები. აი ის დიდი საფრთხე ქართველ ერს რომ უახლოვდება და შთანთქმით ემუქრება. ეს უნდა იყოს ქართველი ხალხის დღევანდელი მეთაურებისა და ხელმძღვანელების. მისი მოწინავე საზოგადოების, ყურადღებისა, ზრუნვისა და მოქმედების უპირველესი და მთავარი საგანი. ძველი «ცხოვრებაჲ ქართველისაი» და ისტორიის შესწავლა, არქეოლოგიური გათხრები და ძველი განძეულობა-სამკაულების აღმოჩენა, ძველი ცხოვრების შესწავლა, ძველი ლიტერატუ-

რა და ახალიც ვის უნდა დარჩეს, ვის უნდა გამოადგეს, თუ ქართული რასა, ქართული მოდგმა-გაიფანტა: გადაგვარდა-გადაშენდა, თუ მას საკუთარი ეროვნული მიწა-წყალი სპარსულ ხალხისავეთ ფეხის გულიდან გამოეცალა, და მისი წნაც მასვე მიჰყვა. დიდი ილიას და მისი სახელოვანი დასის მოღვაწეობა და მოქმედება სანიმუშოთ უნდა მიიჩნიოს ქართველი ხალხის დღევანდელმა მოწინავე დასმა. მათ მიერ გათვლილი ბილიკი და გზა, საკუთარი ნატურფალით უხდა გაათვროს, შარა გზათ აქციოს, რომ საქართველოს ქართველი ხალხი შეუნახოს, ქართველ ხალხს კი საქართველო და მისი «პატრიმონია», რომ ამ საშინელ ქარტეხილს, კავკასიონის ქედიდგან, რომ გადმოვადრინილა და ჩვენს ერსა და სამშობლოს ბუნდღლივით ანიავებს, უქანასკნელმა გაუმაგრდეს და გაუძლოს.

არა ნაკლების სიძლიერით, უხეშობითა და შეუწყნარებელის ხელით დაეტაკა საბჭოთა რუსეთი ჩვენს ბედში ჩავარდნილ ერებსა და ხალხებს, რკინის ფარდის იქეთ რომ მოამწყვდია: ბალტიის მხარის კულტურულ და განათლებულ პატარა ერებს, —ლიტველებს, ესტონელებსა და ლატვიელებს. მათი მასიურად გადასახლებით მისი იმპერიის აღმოსავლეთისა თუ ჩრდილოეთის შორეულ ქვეყნებში და მათ მიწა-წყალზე რუსულ-სლავიანური ელემენტების მასიურადვე ჩამოსახლებით. მათ ეროვნულ არსებობასაც გაქრობას უმზადებს. ასეთივე სიძლიერით და უხეშობით ანადგურებს ჩრდილო კავკასიის თავისუფლების მოყვარულ ტომებსა და ხალხებს, რომელთაგან ერთი უკვე გეროციდიის გზით, მოსპო და ამოშალა კავკასიის რუქიდან.

მთელი მისი სიმძიმით აწევბა საბჭოთა რუსეთი კასპიის ზღვის სანაპიროებისა და მის გადაღმა მობინადრე მუსულმანურ ქვეყნებს: აზერბაიჯანს, ყაზახისტანს, უზბეკისტანს, თურქესტანს, ყირგიზსა და ტადჯიკისტანს. ეს ქვეყნები დასახლებულია შედარებით დაბალ კულტურის საფეხურზე მდგომი მუსულმანური ხალხებით. მიწებიც ბევრია ჯერ დაუსახლებელი და გამოუყენებელი. რუსეთი იქ აწარმოებს პირწავარდნილ კოლონიალურ და ექსპანსიურ პოლიტიკას. ასიათასობითა და მილიონობით მიჰყავს და ასახლებს. მისი იმპერიის სხვადასხვა ქვეყნებიდან სლავიანურ ელემენტებს: რუსებს, უკრაინელებს, ბელორუსებს, კაზაკებს, თან ლიტველებს, ესტონელებს, ლატვიელებს. ავსებს მათ თავისუფალ მიწებს. ყირგიზის მოსახლეობა 1959 წლის სტატისტიკური აღწერის თანახმად 2 მილიონს აღწევს, რომლის მხოლოდ 40 პროცენტია ყირგიზელი და თითქმის ამდენივე 36,8 პროც. მიყვანილი და ჩასახლებული რუსი თუ უკრაინელია. უფრო დიდის მასშტაბით სწარმოებს ყაზახისტანის კოლონიაცია:

1945 წლიდან 1959 წლამდე რუსეთს იქ მიუყვანია და ჩაუსახლებია ასიათასობით რუსი, უკრაინელი და ბელორუსი. დღეს ამ ქვეყნის მოსახლეობა შემდეგ სურათს იძლევა: ველიკოროსი—43,1 პროც., უკრაინელი—8,2 პროც., ბელორუსი—1,2 პროც. სულ სლავიანები ერთად მთელი მოსახლეობის—52,5 პროც. შეიცავს. ადგილობრივი მუსულმანური მოსახლეობა კი—მხოლოდ 29,6 პროცენტს. ყაზახისტანის რესპუბლიკა არსებითად უკვე აღარ არსებობს. ამდენი წმინდა ველიკოროსი რათ ჩაასახლა მოსკოვმა ამ ქვეყანაში? ეს აღბათ ველიკორუსეთის საიდუმლო პოლიტიკის გეგმის საგანია. ეს მუსულმანური რესპუბლიკა სლავიანურ ხალხთა ზღვაში ჩაიძირა.

აი როგორის ტემპით მიმდინარეობს ამ ექვს მუსულმანურ რესპუბლიკაში—რუს-სლავიანების ჩასახლება 1939-დან 1959-წლამდე: უზბეკისტანში—სლავიანური მოსახლეობა 5,6-დან 14,3 პროც-მდე გაიზარდა, ყაზახისტანში 32,9-დან 52,5 პროც-მდე, ახერბაიჯანში 9,7-დან 13,9 პროც-მდე, ყირგიზში—22,4 დან 36,8 პროც-მდე, ტადჯიკისტანში 3,3-დან 14,7 პროც მდე, თურქმენისტანში 7,5-დან 18,7 პროცენტამდე.

საერთოდ 1959 წლის მოსახლეობის აღწერით მოცემული ცნობებით ამ ექვსი რესპუბლიკის მოსახლეობის რიცხვი 16 069.000 აღწევდა, რომელთაგან თითქმის ნახევარი 7.923 000 ჩასახლებული რუს სლავიანების ხვედრია. შორს არ არის ის დრო, როცა კასპიის ზღვის გადაღმა მყოფი 5 ავტონომიური რესპუბლიკა, ეროვნებათა საკითხის საბჭოთა კონცეპციის თანახმად, დაქარაგვს მათი ავტონომიური რესპუბლიკის სახელწოდებას და მათ ველიკორუსეთის სლავიანურ რესპუბლიკას შეუერთებენ. იქნებ ამიტომაც ჩაასახლეს ყაზახისტანში 43,1 პროც. ველიკოროსი.

რუსისა და საერთო სლავიანური რასის ექსპანსიის ტენდენციის ნათლად წარმოსადგენლად. საპირობო მიგვაჩნია შემდეგი ციკლი: 1939-დან 1959 წლამდე, ურალის გადაღმა მდებარე ცენტრალურ-აზიის მოსახლეობა 38 პროცენტით გაიზარდა, შორეული აღმოსავლეთის 70 პროცენტით. იმავე დროის განმავლობაში რუსეთის ცენტრალურ ევროპის ნაწილში მხოლოდ 9,5 პროცენტით. როგორც დავინახეთ, ეს ზრდა არ არის შედეგი, მოსახლეობის ნორმალური გამრავლების-დაბადებით, არამედ ხელოვნური გადასახლება ჩასახლების.

აქ მოყვანილი ციფრები აშკარად ამოწმებენ, საბჭოთა სოც. რესპუბლიკათა რეალში მომწვედველ სახლგრებზედ მყოფ ქვეყნებში მოზინადრე სხვა ერების სწრაფ რუსიფიკაციასა და სლავიანიზაციას. ველიკორუსეთი, უცხო ქვეყნების სახლგრებზე, მოწინავე პოზიციებს იკავებს და ამავრებს რუსულ სლავიანური მოსახლეობით, მოსკოვის მიერ მსოფლიოს

დაპყრობის პოლიტიკისათვის, საიმედო ელემენტებით, და საბოლოო გარდამწყვეტ ნახტომისა და დანარჩენი თავისუფალი მსოფლიოს დაპყრობისათვის ემზადება.

ბოლშევიკური რუსეთის ლექსიკონში თერმინს «კოლონიალიზმს» ორი შინაარსი აქვს, საგარეო და საშინაო. რკინის ფარდის გადმოდმა კოლონიალიზმი, კაპიტალისტური სახელმწიფოების მიერ თავისუფალი ერებისა და ქვეყნების დაპყრობა-დამონებას, მათ ასიმილიაციას, მათი ქონებისა და სიმდიდრის, მეტროპოლიის მიერ შითვისებას-ჩაყვას—იმპერიალიზმს ნიშნავს. რკინის ფარდის გადაღმა კი, განაპირა მობინადრე ერებისა და ხალხების ვინმეს ბატონობისაგან დახსნას, მათი ეროვნული შეობის გამაგრებას, მათდამი დახმარებას, მათი მატერიალური და სულიერი ცხოვრების დონის ამაღლებას—ძმობა-ერთობას-თავისუფლებას!.

ბოლშევიკური რუსეთის მიერ ოქტომბრის რევოლუციის დღიდან ხელახლად, ქვეყნების ცეცხლითა დახიშვით, ერთიმეორის შემდეგ დაპყრობილ, თავისუფალ ერებს, შორს-გეოგრაფიულ უწყობენ და დიდის «ენტუზიაზმით» უმართავენ «თავისუფლებისა» და «დამოუკიდებლობის» დღესასწაულს!

ბოლშევიკური რუსეთის წითელი კოლონიალიზმის დროშა და ემბლემა—ნამგალი და ჩაქუჩი, —რომლითაც კისერს სპრიან თავისუფალ ერებს, და შუბლს უტეხენ,—ერთა თავისუფლების დროშათ აქეთ გამოკიდებული, კაპიტალისტური ქვეყნების კოლონიალიზმის დროშა კი ერების დაპყრობა-დამონების დროშათ.

ბრუშოვი, რომელსაც ერების თავისუფლების ციხისა და საპყრობილის ქანგიანი კლიტე წელზე ჰკიდია, აზია აფრიკის კოლონიების განთავისუფლების ჩემპიონად გამოდის.

გაერთიანებული ნაციათა კავშირის (O. N. U.) ერთერთ სხდომაზე; ბრუშოვი ინტიმარგაუტეხელად აცხადებს: «კოლონიალიზმი ვახდა უსაშინელესი და უმძიმესი ტერორი იმ ქვეყნებისა და ხალხებისათვის, რომელთა განთავისუფლების საათის ზარმა უკვე დაკრა». «კონგოში, ლაოსში, კუბაში, ალჟირში, სისხლიანი ბრძოლები, იმის მაჩვენებელია, რომ კოლონიალიზმისაგან ხალხების განთავისუფლებისათვის მოქმედება და ბრძოლა კიდევ მეტს მოქმედებას, ბრძოლას და აქტიობას მოითხოვს». «ჩვენი უპირველესი დანიშნულება და მოვალეობა, რომ ხალხთა ნება სურვილი, რომელიც გამოთქმულია გაერთიანებულ ერთა კავშირის (O. N. U.) დეკლარაციაში, არ დარჩეს ცარიელ სიტყვათა და თეორიათ, არამედ კონკრეტულ საქმიანობაში განხორციელდეს!»... იგივე ბრუშოვი, ერთერთ მის საჯარო დეკლარაციაში, რომელსაც მოსკოვის «კომუნისტი» აქვეყნებს, უსირცხვილათ აცხადებს: «ყველგან, სადაც არ უნდა აენთოს თავისუფლებისათვის ბრ-



ძოლის ცეცხლი, ს. ს. რ. კ. (U. R. S. S.) დაპყრობილი ხალხის მხარეზე დადგება»-ო. (Sic! რუსეთის მიერ დაპყრობილმა ერებმა რა დააშავეს, რომ მათ ეროვნულ განმანათავისუფლებელ მისწრაფებას სისხლის ზღვაში ახრჩობენ?).

სინამდვილეში კი ხრუშჩოვი თვით ანთებს ასეთ ცეცხლს, აზია ამერიკის თუ ამერიკის კონტინენტზე, სადაც და როდესაც ამას ხელსაყრელად დაინახავს: კონგოში, ლაოსში, ვიეტნამში, კუბაში, თუ სხვაგან, არა ამ ხალხების განთავისუფლების, არამედ დასავლეთის დასუსტებისა და ამ პატარა ხალხების ხელში ჩასაგდებად. ის ცდილობს, დასავლეთის მიერ განთავისუფლებული ერები მისი გავლენის სფეროში მოაქციოს, რუსეთის კოლონიად გახადოს და მხარში ამოიყენოს თავისუფალი მსოფლიოს წინააღმდეგ ბრძოლაში. მსოფლიოზე რუსეთის იმპერიალიზმის, და მისი, ჯერ არ ნახული კოლონიალიზმის დასამყარებლად. ის აშკარად ამბობს დასაქვეყნოდ, რომ მისი საბოლოო მიზანია, მთელი მსოფლიოს დაპყრობა, მოსკოვის გავლენის ფარგლებში მოქცევა, კომუნიზმის გამეფება და მისი ე. ი. მთელი ქვეყნიერების საბჭოთა რუსეთის ნამგალ-ჩაქუჩის ემბლემის ქვეშ დაყენება.

მეტის გარკვეულობით, როგორ უნდა გამოსთქვას. ან მეტი მაღალი ხმით, ან მეტი მაღალი ტრიბუნიდან. ხრუშჩოვმა ველიკორუსეთის ეს ამბიციური მიზანი. მისი რა ბრალია თუ თავისუფალი მსოფლიოს მებაირახტრენი ყურს იყრუებენ. თვალებს ხუჭავენ და მათ კარზედ მომდგარი საფრთხე არ ესმისთ? ისინი მეტს ყურადღებას აქცევენ და ბევრს სჯერა კიდევ. რუსეთის დიქტატორის მიერ ხანდისხან ბანკეტებზე გამოთქმული, ორი მსოფლიოს მშვიდობიანი თანაარსებობა Coexistace-ი.

დასავლეთის თავისუფალი ქვეყნების მეთაურთა წაჩოქების პოლიტიკამ და სილაჩრემ იქამდე მიიყვანა ხრუშჩოვი, რომ აშკარა მუქარაზე გადავიდა, ის არ ერიდება განაცხადოს «ექვსი ჩემი ატომიური ბომბი H საკმარისია დიდი ბრიტანეთის კუნძულები გავანადგურო და ცხრა დანარჩენით კი საფრანგეთი»-ო. ცნობილი ეურნალისტი Josep Alsop ი სამართლიანად ზედავს ხრუშჩოვსა და ჰიტლერს შორის ზოგიერთ მსგავსებასა და ანალოგიას. ამბასადორი A. die F. en. Poi cet დიდ მსგავსებასა ჰხედავს კომუნისტსა და ჰიტლერიზმის შორის. «ამერიკა» აღმოაჩინეს. მაგრამ ვერც კოლუმბის მიერ მართლა აღმოჩენილმა ამერიკისა და ვერც ვეროპის ხელმძღვანელებმა ნამდვილი საფრთხე და ნამდვილი მტერი ჯერაც ვერ აღმოაჩინეს და ვერ გამოარკვეიეს, მიუხედავად იმისა რომ ორი საუკუნის მანძილზე მის შემოტევებს განიცდიან. ისინი კომუნისტზე ლაპარაკობენ. საბჭოთა ხალხებზე, საბჭოთა კავშირზე, «საბჭოთა ნაციონალზე». «საბჭოთა კავშირი» რა შუაშია. მისი სამიმეოთხედი, უცხო ერები და ხალხები თვით

დაპყრობილი იარაღიან დაგამოყენებულნი დიდი რუსეთის მიერ, რომელიცა თავისუფალი მსოფლიოს—ამერიკისა და ევროპის ისტორიული მტერი. ეს ხალხები და ერები, ველიკორუსეთის კოლონიებად ქცეულნი, თვით იბრძვიან, თავიანთი ეროვნული თავისუფლებისა და დამოუკიდებლობის აღდგენისათვის. ბუნებრივად და ფაქტიურად დასავლეთის თავისუფალი ქვეყნების მოკავშირენი არიან, რომ დასავლეთს უნარი ჰქონდეს მათდამი დახმარების, მათი გამოყენების, ისეთივე, როგორც ხრუშჩოვის.

— საბჭოთა რუსეთმა, ამდენი მუქარის შემდეგ ბერლინის აღმოსავლეთით 67.500 ჯარისკაცი მოიყვანა 1205 ტანკითა და 292 ჯავშნოსანით. სწორედ მეორე დღეს ამერიკის პრეზიდენტი კენედი მოუწოდებს მას, როგორც უკანასკნელი მსოფლიო ომის მოკავშირეს სადაო საკითხების მოსაგვარებლად «კონსტრუქტიული თანამშრომლობისაკენ».

რამდენად მართალია, ცნობილი პოლიტიკური და სახელმწიფო მოღვაწე პოლ რეინო, რომელიც, სწორედ იმავე დღეებში, ასე ახასიათებს ევროპის პასიობას: საბჭოების სანხედრო სამხადისს, რომლის მიზანია კიდევ უფრო გააძლიეროს მათი კლასიკური და ატომიური იარაღი, რას უპირისპირებს დასავლეთი ევროპა, მოსახლეობით და სიმდიდრით უფრო მეტი, ვინემ რუსეთია და რომლის ტერიტორიაზედაც ომი უნდა მოხდეს? იმის ნაცვლად, რომ გაერთიანდეს, შეიარაღდეს და კლასიკური იარაღი და ძალა მისცეს ლენინალ ნორს ტადს, მთელი მათი ცდაა მოუწოდონ ამერიკას, მაგრათ დაუდგინდეს საბჭოებს და დასკვნის «ევროპა, როგორც ურედექსო ბებერი ქალი აღარ იბრევა. მან ჯერაც ვერ გაიგო კლასიკური იარაღის მნიშვნელობა მომავალი ომის დროს».

ჩვენ ვკადნიერდებით და დაუმალვებთ, ვერც ვერა პან და ვერც მთელმა დასავლეთმა ჯერაც ვერ გამოიღო ნიკიტის პირდაპირ ნიშანში ამოსაღები მტერი და ვერც ის საფრთხე შეიგნო, მთელი მისი საშიშროებით, მას რომ განადგურებდა-დანგრევით, დაპყრობითა და დამონებით ემპტრება და ამ მუქარას თანდათანობით ანხორცილვებს.

მაინც გვირდა იმედი გამოვსთქვათ, რომ ეს შეგნება შევა და ფეხს მოიდგამს თავისუფალი მსოფლიოს მეთაურებში და თანაც ერთი იმედიც უნდა დავსძინოთ: იქნებ პიტლერის მსგავს ხრუშჩოვისაც პიტლერისავე ბედი ეწვიოს.

ამ ჩემი წერილის დამთავრებიდან, რამოდენიმე ხნის შემდეგ «პრავდა»-ში გამოქვეყნდა კომუნისტური პარტიის მე-XXII კონგრესზე ხრუშჩოვის მიერ წაკითხული მოხსენება, რომელიც ახასიათებს კომუნისტური რუსეთისა და თავისუფალი მსოფლიოს ისტორიულ ევოლუციას 1919-დან 1961

წლამდე. ეს მოხსენება იმდენად მჭერმეტყველურად და რელიგიურად ადასტურებს ჩემი წერილის მთავარ თეზას, რომ საჭიროთ მივიჩნეე მისი მთავარი ადგილების აქ მოყვანა, რომელიც ბუნებრივ დასკვნას უკეთებს ამ წერილს:

ხრუშჩოვი ეხება რა მის მიერ იმპერიალისტურად წოდებულ სახელმწიფოებს: შეერთებულ შტატებს, ინგლისს, გერმანიას, საფრანგეთს, იაპონიასა და იტალიას, ამბობს:—ამ სახელმწიფოების ტერიტორია, მეტროპოლია და კოლონიების ფართობი 1919 დან 1961 წლამდე 60,3 მილიონი კვ. კილომეტრიდან 18,6 მილ. კვ. კილომეტრამდე შემცირდა, მათი მოსახლეობა კი იმავე ხნის განმავლობაში 855 მილიონიდან 541,5 მილიონამდე დაეცაო. მათ მხოლოდ მეტროპოლია შეერჩათო. ვინაიდან ამასი არ შედიან პატარა კოლონიურ სახელმწიფოები: ბელგია, პოლანდია, პორტუგალია და სხვ. ხრუშჩოვი დასძენს: მთელი კოლონიალური მსოფლიოს სივრცე 1919 დან 1961 წლების პერიოდში 104,5 მილ. კვ. კილომეტრიდან 14,2 მილ. კვ. კილომეტრამდე შემცირდაო და მოსახლეობა კი 1 მილიარდ 230 მილიონიდან იმავე პერიოდის ბოლოს მხოლოდ 85,4 მილიონს შეიცავს. ე. ს. 42 წლის განმავლობაში შერჩა მისი ტერიტორიის 14 პროც. და მოსახლეობის მხოლოდ 4 პროცენტიო.

— იმავე პერიოდის განმავლობაში, ხრუშჩოვისავე მოხსენებით «საბჭოთა ბლოკის» ე. ი. რუსეთის იმპერიის ტერიტორიის სივრცე 21,7 მილიონ კვადრ. კილომეტრიდან 35,1 მილიონ კვადრატ. კილომეტრამდე გადიდებულა ე. ი. 13,4 მილიონ. კვ. კილომეტრით. რაც საფრანგეთის ტერიტორიას 24 ჯერ შეიცავს. იმავე რუსეთის იმპერიის მოსახლეობა კი იმავე პერიოდში 138 მილიონიდან—1 მილიარდ 72 მილიონამდე გაზრდილა. რომ უფრო ნათელი გახდეს, ერთის მხრივ რუსეთის იმპერიის და მეორეს მხრივ დასავლეთის სახელმწიფოების ისტორიული ევოლუცია, იგივე ხრუშჩოვი პროცენტულად გამოხატავს მის მიერ მოცემულ აბსოლუტურ ციფრებს: 1919 დან 1961 წლების პერიოდში დასავლეთის დიდი სახელმწიფოების ტერიტორიის სივრცე მთელ დედამიწის 44 პროცენტიდან 13,7 პროცენტამდე შემცირდაო. მისი მოსახლეობა, რომელიც მთელი მსოფლიოს მოსახლეობის 48,1 პროცენტს წარმოადგენდა 1919 წელს, მხოლოდ 17,9 პროც. აღწევსო. შედარებისათვის საინტერესოა როგორი პროცენტით გაზრდილა იმავე პერიოდში რუსეთის იმპერიის ტერიტორია და მოსახლეობა. აი ხრუშჩოვის მიერვე მოცემული პროცენტული ცნობები: იმავე პერიოდში მოსკოვის კონტროლს ქვეშ მყოფი ტერიტორია, მთელი მსოფლიოს 16 პროცენტიდან 26-მდე გაზრდილა და მისი მოსახლეობა კი მსოფლიოს მოსახლეობის 7,8 პროცენტიდან 35-ამდე.

— სხვადასხვა გამოცემებიდან გაჭივრებით მოკრებილი ცნობებით მძიმეთ დატვირთული აღმართ-აღმართ მძიმეთ მივიდოდი და ამ დროს ჯოჯოხეთისაკენ დაღმართ-დაღმართ მიმავალი ხრუშჩოვი მომეშველა და ტვირთი შემიმსჯტუა.

ამ მოხსენების გამოქვეყნება, რომლითაც ის მისდაუნებლიეთ დადებითათ ახასიათებს და მორალურ ძალას უდასტურებს მისადმი მოწინააღმდეგე «იმპერიალისტურ» სახელმწიფოებს და მის რუსეთის საბჭოთა კავშირს ბრალდებულის ადგილზედა სვამს, მსოფლიო სინიდისის მიერ გასასამართლებლად, არ უნდა იყოს დიდი უკუის ნაყოფი. ფაქტებისა და მოვლენების სიძლიერემ მას მისდაუნებურათ ათქმევინა (და აწი გვიანდა არის ენაზედ კბენა): რომ «იმპერიალისტურმა და კოლონიალურმა» სახელმწიფოებმა 42 წლის განმავლობაში დეკოლონიზაციის გზით გაანთავისუფლა 1 მილიარდი და 228 მილიონი ადამიანი, მათთვის თავისუფალი სახელმწიფოების შექმნით. იმავე დროის განმავლობაში კი საბჭოთა რუსეთმა, თავისუფლებისა და ძმობა-ერთობის დროშით, რომ მოველინა კაცობრიობას და ანტიკოლონიალური წითელი დროშით გამოდის საგარეო პოლიტიკურ ბაზარზე. მრავალი ძველი კულტურულ-ცივილიზებული ერები და სახელმწიფოები დაიპყრო, და ეროვნული და პიროვნული თავისუფლება წაართვა და 934 მილიონი ადამიანი, მონად აქცია.

ამ თავის ბრალმდებელ და მისდა უნებურათ «აუტოკრიტიკული» ხასიათის მოხსენებით გამოსვლა ზედმეტი უკუისა და იმავე დროს მისი და მისი პარტიის მატერიალისტურ-ფილოსოფიური მსოფლმხედველობის შედეგია და ნაყოფი. მათი შეგნებიდან აბსოლუტურად გამორიცხულია სულიერ-მორალური ღირებულება და სიუბსტანსი. «გორე ოტ უმა» — «გორე ოტ მატერიალნი ფილოსოფიი».

ჟღ. პატარძიქ.

## ოკმოსი წლის თავი.

საქართველოს დემოკრატიული რესპუბლიკის დამარცხებიდან და რუსეთის ხელახლად შემოსვლიდან ორმოცი წლის თავი, 1961 წლის თებერვლის დღეები. — რომელიც რუსეთის იმპერატორთა უგვირგვინო მოადგილე ხრუშჩოვმა «თავისუფლების დღესასწაულად», დიდის აღლუმით გაუმართა. ცოტა დაგვიანებით. სწორედ, საქართველოს დამოუკიდებლობის — მაისის თვეში, ქართველ ხალხს, — სადგარგეტში მყოფმა ქართულმა ემიგრაციამ, ეროვნული გლოვის ხიშნის ქვეშ გადაიხადა და აღნიშნა:

ქართველ პოლიტიკურ პარტიათა და ეროვნულ დაწესებულებათა წარმომადგენელთაგან საგანგებოდ შედგენილმა

კომისიამ. სათვისტომოს გამგეობასთან ერთად, ქართულ ეკლესიაში მოაწყო, ამ ორმოცი წლის მანძილზე, ეროვნულ-თავდაცვით ომში და აჯანყებებში, თავდადებულ მამული-შვილთა სულის მოსაგონარი პანაშვიდი, და ამავე დროს პარაკლისი, რომელსაც მთელ ემიგრაციასთან ერთად, საღრანგეთის ოფიციალური, თუ ოფიციალური და ჩვეს ბედში მყოფი ერების ემიგრაციების მნიშვნელოვანი წარმომადგენელი დაესწრნენ.

ქართული ეკლესიის ღირსეულმა მოძღვარმა და მრევლის სულიერმა მეთაურმა, მამა ილიამ პანაშვიდის დაწყებამდე, უცხო დამსწრე საზოგადოებას, მოაგონა-გააცნო ქართველი ერის ბედი და ქართველობას რწმენით აღსავსე მამავლის იმედი დაუსახა.

პანაშვიდის და პარაკლისის შემდეგ, რომელიც, ლოტბარ ალ. ნაკაიძის ხელმძღვანელობით გუნდის მიერ, საუცხოვეთ შესრულებული მრავალ-ჟამიერით დამთავრდა, დამსწრე საზოგადოება საფრანგეთის «უცნობი ჯარისკაცის» საფლავზედ შეიკრიბა. საფრანგეთის სათანადო დაწესებულების წარმომადგენელისა და უცხოელთა თანადასწრებით, ქართველ ეროვნულ სამოსელსა და ახალგაზრდებმა, ეროვნულ ფერებით მორთული ცოცხალ-ყვავილების გვირგვინი დაადეს «უცნობი ჯარისკაცის», საფლავს, რომლის წინ, ნიშნად ჩვენი პატივისცემისა და მადლობის გრძობისა, ქართველი დროსა დაპხარა მედროშემ და საზოგადოებამ ქედი მოიხარა.

კომისიამ, თანაგრძნობის, საქართველოს დამოუკიდებლობის აღდგენის ურყევი რწმენისა და ქართველი ხალხის გამხნევების მრავალი წერილი მიიღო საფრანგეთის პოლიტიკურ-პარტიებისა და მიმართულების, იმ მეთაურთაგან, რომელნიც ვერ დაესწრნენ პანაშვიდსა და პარაკლისს.

— იმავე დღეებში, იმავე კომისიის მოწვევით, ქართული საზოგადოება შეიკრიბა, პოლონელების სახლის, შავით გადაფენილ ეროვნულ დროშითა და ეროვნული ემბლემით საგანგებოთ მორთულ, დარბაზში. სამგლოვიარო კრება დიდების სიმღერით გაიხსნა. ქართული ასოციაციის თავმჯდომარე ბ. ლ. ზურაბიშვილის მოკლე და გამამხნევებელი მოკლე სიტყვის შემდეგ, ამ დღისა და მომენტისათვის შესაფერი სიტყვები წარმოსთქვეს მომწუხობი კომისიის სახელით ბბ. პ. სარჯველიაძემ, ელ. პატარაძემ და კოლონელ კ. თოხაძემ. ორატორებმა, მოაგონეს საზოგადოებას, ქართველი ხალხის ეროვნული ბრძოლის ეტაპები. ქართველი ერისა და მისი თავისუფლების საკითხის მდგომარეობა და გამოსთქვეს ქართული ემიგრაციის უტეხი რწმენა საქართველოს განთავისუფლებისა და აღდგენისადმი.

დაბოლოს წაკითხულ იქნა კომისიის მიერ მიღებული



წერილები და დეპეშები, ფრანგ და უცხოელ, საქართველოს მეგობრებისაგან.

ეს გლოვის დღეები, ქართული ემიგრაციის სულიერი ერთობის გამომჟღავნების ნიშნის ქნეშ იქმნა ჩატარებულ ი.

კომისიამ, ქართული პოლიტიკური პარტიების სახელით, გამოსცა, ფრანგულ ენაზე, ვრცელი მიმართვა თავისუფალი-განათლებული მსოფლიოსადმი, რომელიც დაუგზავნა: საფრანგეთის რესპუბლიკის პრეზიდენტს, მთავრობის წევრებს, პარლამენტისა და სენატის წევრებს, მთავარ ეურნალებს საფრანგეთსა და უცხოეთში, მათ მნიშვნელოვან თანამშრომლებს, რადიო სადგურებს და თავისუფალი ქვეყნების მთავრობებს, პარიზში მყოფ, მათი დიპლომატიური წარმომადგენლების საშუალებით.

— ამ დღის აღსანიშნავად, წერილები მოათავსა უცხო ენაზე გამოსულმა ქართულ ორგანოებმა: «La Nation Georgienne» და «Le Droit du Peuple» მა და მიმართვის საგანგებო ტექსტიც დაუგზავნა მკითხველებს. უცხოეთის ზოგიერთმა პრესამაც აღნიშნა საქართველოს დაპყრობის თებერვლის დღეები, თავისუფალი მსოფლიოსადმი მიმართვის გამოქვეყნებით. თუ კერძო წერილებით. მათ შორის «La Nation Roumaine» მა და «Tydzien Polski» მ, რომელმაც 11 თებერვლის ნომერში გამოაქვეყნა, პოლონეთის სოციალისტური პარტიის თავმჯდომარე Adam C o kusz-ის ვრცელი და შინაარსიანი სტატია საქართველოს დაპყრობის შესახებ. ამავე ნომერში მოთავსებულია ჩვენი თანამემამულის პ. უგრეხელიძის წერილი «საქართველოს დრამა»...

სიტყვა წარმოთქმული ვლ. პატარძლის მიერ

40 წლის თავზე გამართულ სამკლდეიანო შეკრებულეშიაქ.

გულში ღრმად დაპირილი, ქართველი ერის, ტანჯვა-წამებით მძიმედ დატვირთული, ორმოცი წელი, დროით გვაშორებს, თანაც სულიერად გვაახლოებს. იმ სისხლიანი ბრძოლების, ძაძით მოსილსა და გლოვის თებერვლის დღეებს, რომელთა განმავლობაში ქართველმა ერმა, საუკუნე-ნახევრის მანძილზე, მეორეთ დაპყარვა მისი სახელმწიფოებრივი არსებობა-დამოუკიდებელი და თავისუფალი, ჩაესვენა მხე-ციური წყარო სითბო-სინათლისა, ქართველი ერის სიცოცხლე ცხოვრებისა.

ქართველმა ხალხმა, ასჩვიდმეტი წლის მანძილზედ, შეუდარებელი სიმბნეით. გამძლეობით და თავდადებით ნაწარმოები ბრძოლებით, ქართულ ასპარეზზედ მშვიდობიანი მოღვეწობითა და მოქმედებით შეინარჩუნა სხეულეებრივი და სულიერი ერთეული მეობა. მისი პირმშო და საამაყო შვილის დიდი ილიას მიერ, ერთეული პოლიტიკის პროგრანის ღერძით მიცემული აზრი, «ჩვენი თავი ჩვენვე უნდა გვეუღა-

ნოდესა-ო, საკუთარ დევიზათ დაისახა. 1918 წლის 26 მაისს, ბუნების მიერ სადღესასწაულოთ ვარდ ყვავილეზით მართულ ქვეყანას დაეუფლა—ქართველი. მისი ისტორიული უფლებები აღიდგინა, დემოკრატიული რესპუბლიკის სახით, სახელმწიფოებრივი ცხოვრება განაახლა და კულტურული მსოფლიოს წინაშე წარსდგა დამოუკიდებელი და სუვერენი, მისი ისტორიული სამფერი დროში.

1918—1921 წლების მანძილზე, განათლებულმა კაცობრიობამ: «მოკავშირეთა უმაღლესმა საბჭომ» და მსოფლიოს თითქმის ყველა დიდმა და პატარა სახელმწიფომ, იცნო სინამდვილეთ ქვეული საქართველოს სახელმწიფო, აღიარა მისი ისტორიული უფლებები, დაადსტურა ქართველი ერის სუვერენობა და კულტურულ-თავისუფალ მსოფლიო ოჯახის სრულ-უფლებიან წევრად მიიღო.

ალბათ მათი ცრემლით დაწერილი, 1920 წლის 7 მაისის ხელთშეკრულებით, საბჭოთა რუსეთმა იცნო საქართველოს სუვერენული უფლებები.

— საბჭოთა რუსეთმა ერთი წელიწადი ცკი ვერ დაიჭირა მსოფლიოს წინ გაცემული სიტყვა: ჯერ ამ ხელშეკრულების აქტის მეღანიც არ გამშრალიყო, რომ უმიზეზოთ, ომის გამოუცხადებლათ, მახინჯ-ნიღაბ აფარებულნი, თავს დაესხა გუშინ მის მიერ ცნობილ საქართველოს რესპუბლიკას; წითელი ჯარები შემოუსია ყოველის მხრითგან საქართველოს. ექვსი კვირის განმავლობაში, მეომარ ძალთა უსწორო პირობებში, მდგარი და თავგანწირული ბრძოლების შემდეგ დამარცხდა, ისტორიის საშოთან შელახლად შობილი. ჯერ კიდევ არა საკმაოთ გამაგრებული საქართველოს რესპუბლიკა. რუსეთმა განათლებული მსოფლიოს თვალთა წინ, დღის სინათლეზედ, ზღვა სისხლში ჩაახრჩო ქართველი ერის თავისუფლება და ყაჩაღურათ მიიტაცა, თოვლის თეთრ სუღარში გახვეული დაჭრილი საქართველო.

— ორმოცი წელიწადია, საბჭოთა რუსეთი მთელის მისის სიმძიმით, სიტლანქითა და სიმკაცრით, სისხლიანი შუბლით, გულ-მკერდზედ აწევს დაკოდულ-ძარღვებ გახსნილ ქართველ ერს, სწნებსა და სისხლისაგან ცლის. ანადგურებს და აჩანავებს ქართულ ეროვნულ სხეულსა და მეობას. რაც სასწაულებით გადაურჩა ძველი რუსეთის მიერ ასრვიდმეტი წლის ბატონობას. მოსკოვის მიერ ნიშანშია ამოღებული ქვეყნისა და ერის სხეულებრივი და სულიერი საფუძვლები: მიწა-წყალი, მოსახლეობა, სარწმუნოება. მორალი. ეროვნული შეგნება და ტრადიციები. სასოფლო თუ საქალაქო მეურნეობა და მრეწველობა რუსეთის სასიცოცხლო ინტერესებს ემორჩილება. ქართველთა მასიური გადასახლებით რუსეთის შორეულს მხარეში და მათ ადგილას რუსების მასიურადვე ჩამოსახლებით, ქართველთა რასა ითქვიფება რუსულ-სლავიანურ მასა-

ში, საქართველო თანდათანობით იცლება ქართველებიდან და ივსება რუსებითა და უცხოელებით.

მხადდება ქართველი ხალხის რასიულ-ფიზიკური და ეთნიური მოსპობა. საქართველო უქართველებოდ და მისი სახელის ამოშლა მსოფლიო გეოგრაფიის რუკიდან. ეგრედ წოდებულ «საქართველოს საბჭოთა რესპუბლიკის» «მმართველი» ორგანოები საბჭოთა რუსეთის ცენტრალური ხელისუფლების ქვე-უწყებებია და «კანცლარები», რუსული საიმპერიო კანონმდებლობისა და გეგმების უსიტყვო აღმასრულებელი და ქართულ ცხოვრებაში გამტარებელი.

საქართველოს დღევანდელი მდგომარეობა, რუსული იმპერიალიზმის, რუსული კოლონიალიზმის სანიმუშო და კლასიკური მაგალითია თანამედროვე მსოფლიოში.

ქართველი ხალხისათვის, რომელსაც მის საკუთარ სამშობლოსა და მიწა-წყალს, სპარსულ გაქონილ ხალხისათვის, ფეხის ქვეშიდან აცლიან, სამშობლოთ მიჩნეული აქვთ დედამიწის ერთ მეოთხედის სიკრცეზედ გაშლილი საბჭოთა რუსეთი, შავი ზღვის ნაპირებიდან ჩრდილოეთის მყინვარ ოკეანემდე, ბალტიის ზღვიდან შორეულ აღმოსავლეთ კამჩატკასახალინის კუნძულებამდე.

სრული ორმოცი წელიწადია, ქართველი ერი, ხანგრძლივი ისტორიის მანძილზე მრავალჯერ ნაცადი ხერხითა და გამოაცდილებით, დროსა და მდგომარეობის შესაფერ ბრძოლასა და მოქმედებას აწარმოებს; ხან იარაღ ახსმული, ხანაც მშვიდობიანი საქმიანობით, ჩრდილოეთიდან შემოჭრილი, ისტორიული მტრის წინააღმდეგ, მისი ეროვნული მეობის დასაცავად, ძალით წაქცეული სახელმწიფოს აღსადგენად, წარმეული თავისუფლებისა და სუვერენობის დასაბრუნებლად:

1921 წელსივე სვანეთის სპონტანიური აჯანყება; 1921-22 წლებში, ქართველ სამხედრო წრეების შეთქმულება, კონსტანტინე აფხაზის მეთაურობით და მათ მიერ მოწყობილი ფშავ-ხევსურეთის აჯანყება; ქართლ-კახეთში და იმერეთ-გურიაში ერთი მეორეზედ მიმდევრო პარტიზანული რაზმების ბრძოლები; ქართული ინტელიგენციის—სტუდენტთა და მოსწავლეთა ახალგაზრდობის გამუდმებული დემონსტრაციები; ქარხნის მუშების სისტემატიური გამოსვლები; ეკლესიის მეთაურთა, სამღვდელოებისა და მორწმუნეთა წინააღმდეგობა და გაბედული აშკარა გამოსვლები; დაბოლოს 1924 წლის აგვისტოს ამბოხება «დამოუკიდებლობის კომიტეტის» მიერ მოწყობილი, დღეს ეროვნულ გმირათ მიჩნეულ, კაიხოსრო ჩოლოყაშვილის მეთაურობით, საქართველო, კიდით კიდემდე რომ გაიშალა, რამოდენიმე ათას საუკეთესო მამულ იშვილთა სისხლში რომ ჩაახრჩო საბჭოთა რუსეთის წითელ მა არმიამ.

ამ საერთო აჯანყებამ, დასავლეთ ევროპაში დიდი პლატონური თანაგრძობა გამოიწვია, ბევრი მელანიც დაღვარა. რაც დამაშუშებელ მალამოდ დაედო ქართულ სხეულზე, ხელახლად გახსნილ ურილობას, მაგრამ ვერ განკურნა.

1930—1938 წელთა შორის, ეროვნულ-პოლიტიკური შექმნულებები, მიხ. ჯავახიშვილისა და გრ. ლალიძის მეთაურობით, რამოდენიმე ათეულ საუკეთესო მამულიშვილ მარტომ პასუხი ავო საკუთარ თავთა ერის სამსხვერპლოზნედ ზვარაკად მიტანით: თვით ქართველთა კომუნისტური პარტიის მეთაურთა «ეროვნულ-უკლონისტური» მოძრაობა საბჭოთა რუსეთის საწინააღმდეგოთ: მეორე დიდი მსოფლიო ომის დროს, ეროვნული ემიგრაციის ინიციატივით რამოდენიმე ათიათასი მეომრისაგან შემდგარი ქართული ლეგიონი. საბჭოთა რუსეთის წინააღმდეგ მებრძოლი მათი ერისათვის თავისუფლების აღდგენის მიზნით: დაბოლოს 1956 წელს თბილისსა და მთავარ ქალაქებში სტუდენტთა და მოსწავლე ახალგაზრდობის თავგანწირული სისხლიანი გამოსვლები და ასობით მსხვერპლი.

მტრის მიერ ყოველმხრივ ცეცხლის რკალ შემორტყმულ კავკასიის ყურეში, მღელვარე შავიზღვის ნაპირებიდაც — ცოხუცი თეთრი კავკასიონის მთების კალთებამდე, ქართველი ხალხი პირაქრული, ხელფეხზედ ქანგიან ბორკილ დადებული «ბევრჯერ დაპყრობილი, არასოდეს დაშორჩილებული» თავგამეტებით იბრძვის, მისი ბუნებრივი მოკავშირეთა, ქრისტიანული და განათლებული თავისუფალი მსოფლიოს მიერ, მის ანაბარათ მიგდებულ-მიტოვებულ, მისი «პატრიონი»-ის დასაცავათ, მისი შებღალული ეროვნული ღირსებისა, «ეროვნული მეობის» აღსადგენად.

სრული ორმოცი წელიწადია, რაც დამარცხების დღიდანვე, ევროპაში გამოხიზნული ქართველი ერის მეთაურობა, ოფიციალური თუ ოფიციალური, პოლიტიკური თუ მებრძოლი წრეები—მთელი ეროვნულ-პოლიტიკური ემიგრაცია, იქ ბორკილდადებული დაპირაქრული, სასიკვდილოთ მკერდში დაჭრილი ქართველი ერის «პორტპაროლათ» ქცეული, სამფერი დროშის ქვეშ იბრძვის და იღწვის: თავისუფალი მსოფლიოს ყურადღებას წამებული ქართველი ერისადმი მოუწოდებს, სახელმწიფოთა მმართველ წრეებს, საერთაშორისო დაწესებულებებსა თუ კონფერენციებს შემორანდომებრთ მიმართავს, საქართველოს საკითხის დაყენებასა სთხოვს. მათ მიერ ორმოცი წლის წინ გაცემული სიტყვის განაღდებას, ქართული სახელმწიფოს აღდგენასა და მისადმი ისტორიის მიერ მიკუთვნებულ თავისუფლებისა და სუვერენობის აღდგენას მოითხოვს, საერთაშორისო სამართლის თანახმად.

ამ დიდ ისტორიულ ეპოქაში, რომელიც ეროვნული თა-

ვისუფლებების ნიშნისა და დროშის ქვეშ მიმდინარეობს, როცა თავისუფალი მსოფლიოს დასავლეთის დიდი სახელმწიფოების თანხმობითა და ხელისშეწყობით, უკანასკნელი მსოფლიო ომის შემდეგ, რამდენიმე ათეულმა ერმა მოიპოვა სახელმწიფოებრივი თავისუფლება და დღეს კიდევ აზია-აფრიკის კონტინენტზედ, ათეულ ერს ანთავისუფლებენ, ისტორიულის აუცილებლობით. ქართული ეროვნულ-პოლიტიკური ემიგრაცია, ახდილათა და ხმაზალა მიმართავს თავისუფალი მსოფლიოს მეთაურებს.—დასავლეთ-აღმოსავლეთის უმდილეს წარმომადგენელთა შეხვედრის დროს, დაუყენონ.—საერთაშორისო მორალისა და სამართლის თანახმად, საბჭოთა რუსეთის მთავრობას, რომელიც, სიტყვით ერთა თავისუფლებისა და ანტიკოლონიალიზმის მებაირადტრედ გამოცის, რუსეთის მიერვე დაპყრობილი და კოლონიათ ქცეულ, რამდენიმე ათეული ერის განთავისუფლების და მათ შორის, რუსეთის პირველი მსხვერპლის—სამიათასწლოვან, ქრისტიანულ კულტურულ, რასიულათ გამოკვეთილ—მის საკუთარ ტერიტორიაზე, სახელმწიფოებრივ მომხადებულ ქართული ერის, თავისუფლებისა და დამოუკიდებლობის საკითხი.

იქ საქართველოში, მოსკოვი უსირცხვილოთ ემხადება, ქართველ ხალხს მისი დამარცხებისა და დაცემის თებერვლის შავი დღეები აღდგომისებურ დღესასწაულად მოაწყობინოს. ეს არ უკადრია არც თემურლანგს და არც შახაბაზს!

ეროვნულ პოლიტიკური ემიგრაცია თებერვლის დღეებს, ეროვნული დამარცხებისა და დაცემის, ეროვნულ გლოვისა და ძაძის დღეებათ აცხადებს, სამძიშარს უთვლის მშობელ ერსა და ქვეყანას და ფიცსა სდებს მათ წინაშე გაასკეცბულის ენერგიითა და სიმხნევით განაგრძოს მათი დიდებისა და გამარჯვებისაკენ მიმავალი, ეკლოვანი და აღმართი გზით სიარული, საბოლოო გამარჯვებამდე.

## „26 მაისი“

«26 მაისი», ქართველი ერის ეროვნული დღე, რომელსაც, რუსეთის მიერ დაკავებულ სამშობლოში, ქათველი ხალხი, სიჩუმით და საიდუმლოთ, მის გულში დღესასწაულობს. საფრანგეთის ქართულმა ემიგრაციამ მეორმოცდჯერ გადაიხადა, მთელი მისი ენტუზიაზმით, ეროვნული შეგნებისა და სულის ერთობის ნიშნის ქვეშ, მომავლისადმი შეუწყველის ოწყენით.

დღესასწაული გადახდილ იქმნა Hoch-ის, ეროვნული დროშებითა და ემბლემით მორთულ, დარბაზში. ლოტბარალ. ნაკაძის ხელმძღვანელობით გუნდმა შეასრულა დიდება



და მარსელიონა. ასოციაციის თავმჯდომარე ბ. ლ. ზურაბიშვილის გასახსნელ სიტყვის შემდეგ, მეტად შინაარსიანი მოსასალმებელი სიტყვა წარმოსთქვა. ქართველი ხალხისადმი თანაგრძობით აღსავსე, დღესასწაულის საპატიო თავმჯდომარეთ მოწვეულმა, უცხოელ მუშათა დამხმარე საზოგადოების თავმჯდომარე—ბატონ Le Bourr მა, რომელმაც ქართველობას მოულოცა «26 მაისი» პარიზის მუნიციპალიტეტის სახელითაც. მოსასალმებელი სიტყვები წარმოსთქვეს მოწვეულ უცხოელ დელეგაციების წარმომადგენლებმა, მათ შორის: პოლონეთის ეროვნული საბჭოს თავმჯდომარე ბენდენიეცკიმ, უკრაინულ-პროფესორმა ა. კულჩინსკიმ და ლატვიის ყოფილმა მინისტრმა ბ. ტურაუშკამ.

ამის შემდეგ, როსტომ წერეთელის ხელმძღვანელობით ახალგაზრდა მოცეკვეთთა ანსამბლმა შეასრულა მთელი რიგი ქართული ჯგუფური ცეკვებისა, რომელმაც დიდი აღფრთოვანება გამოიწვია დამსწრეთა შორის. პოეტ გ. ყიფიანმა მოხდენილად წაიკითხა მის მიერ «26 მაისი»-სათვის მიძღვნილი ლექსი. მისივე ლექსები წაიკითხეს რუსუდანა და ნანუსტურუებმა. დაბოლოს რამოდენიმე ქართული სიმღერა შეასრულეს ჩონგურზე დანძმან—გულნარა და ოთარ პატარიძეებმა.

შემდეგ გაიმართა ქართული სუფრა—ჭეიფი და ცეკვა-სიმღერები. უცხოელ მოწვეულ სტუმრებისათვის გამართული იქმნა დარბაზის შუაგულში საპატიო სუფრა, ქართული ტრადიციის მიხედვით.

დღესასწაული დილის 5 საათზე დამთავრდა. სიამოვნებით უნდა აღინიშნოს, რომ უცხოეთში დაბადებული და შეძლებისდაგვარად ეროვნულ-ტრადიციებით აღზრდილი, დაახლოებით 150 ახალგაზრდა, დედ მამათადმი ჩვეულებრივი ეატუზიანებით, ეროვნულ შეგნებითა და რწმენით ეგებებიან «26 მაისს». ეს იმედს გვაძლევს ვიფიქროთ, რომ ამავე ენერგიითა და რწმენით გააგრძელებენ ეროვნული თავისუფლებისათვის მოქმედებასა და ბრძოლას.

ქართული ასოციაციის თავმჯდომარემ, უამრავი მოსალოცი დეპეშები და წერილები მიიღო უცხოელ მეგობრებისაგან, რომელთაც ვერ შესძლევს, «26 მაისი»-ს დღესასწაულზე დასწრება.

უადგილობის გამო ვაქვეყნებთ მათგან, მხოლოდ რამოდენიმეს:

ბატონ თავმჯდომარე!

სამწუხაროთ, შაბათობით დაკავებული ვარ ჩემ საარჩევნო ოლქში, და ვერ შევძლებ დავესწრო და მონაწილეობა

მივიღო თქვენი ეროვნული დღესასწაულის ზეიმში. ვსარგებლობ ამ შემთხვევით და მოგიძღვნით თქვენა და ქართულ ეროვნულ ემიგრაციას ჩემს მზურვალე თანაგრძნობას და თქვენი საქმისადმი ურყვე ეოთვულებას.

პატივისცემით: მოწის მუჟანი

საფრანგეთის ეროვნული საბჭოს  
საგარეო საქმეთა კომისიის თავმჯდომარე.

**ბატონო თავმჯდომარე!**

იტალიაში ყოფნის გამო, სამწუხაროდ, ვერ ვესწრები თქვენს ეროვნულ დღესასწაულს. გარწმუნებთ, რომ საფრანგეთი არ იეიწყებს საბჭოთა რუსეთის ტყვეობაში მყოფ ერებს, და სურს მოესწროს მათი დამოუკიდებლობის აღდგენას, და მათ მოწყობას იმავე ერთობის სახით, როგორც დღეს დასავლეთ ევროპაში ნორციელდება: სრული თანასწორობისა და თავისუფლების ნიადაგზე.

კეთილშობილსა და მხნე ქართველ ერს გრძელი და მდიდარი ისტორია აქვს და მისი ეროვნული ასპირაცია, რომელსაც ვერ დათრგუნავს ვერცერთი ძლიერი დამპყრობელი.

უძვენი საუკეთესო სურვილებს საფრანგეთის ქართველთა სათვისტომოს.

რენე გარნიე

საფრანგეთის ამბასადორი.

**ძვირფასო მეგობრებო!**

თქვენი საქართველო და ნება მიბოძეთ ვთქვა, ჩვენი საქართველო, დღეს ტყვეობაში მყოფი, მგლოვიარებაში ზეიმობს მის დამოუკიდებლობის აღდგენის «26 მაისის» დღეს.

ის ტყველქმნილია ავაზაკ იმპერიის მიერ, მაგრამ მისი გული და სული კოცხალია და განაგრძობს ჩვეულებრივის ენერგიით და გამბედაობით, მისი ათასწლოვანი ეროვნული მეობის დაცვას და ბრძოლას დაკარგული ეროვნული თავისუფლების მოპოებისათვის, იმ რწმენით, რომ შორს არაა ის დრო, როცა ნათელი დღენი შესცვლიან ტყვეობის ბნელს დღეებს.

მონობაში მყოფ საქართველოს ფხიზელი გუშაგები თქვენა ხართ ძვირფასო მეგობრებო, თქვენ გეყრდნობათ იმედი და რწმენა თქვენი სამომბლოს მომავლისა. დარჩით ერთგულნი თქვენი იდეალისადმი. თავი არ მისცეთ არც მოდუგულნი და გადაეკით, თქვენი წმიდა იდეალი, გამძლეობა და იმედი მომავლისა.

მრწამს და გრწამდესთ, რომ დიდი ბრწყინვალე წარსულის მქონე ქართველი ხალხი ადრე თუ გვიან დაიბრუნებს ეროვნულ თავისუფლებას, დამოუკიდებლობას და აღიდგენს საკუთარ სახელმწიფოს.

მარად თქვენი უან მარტენი.  
საქართველოსათვის არსებული  
საერთაშორისო კომიტეტი.  
ჟენევა.

ძვირფასო მეგობრებო!

საქართველო ის ქვეყანაა რომელზედაც, ყველა სხვაზე ხშირად. ვოცნებობდი სიყრმეში. წაითხული მიადგილებდა წარმოშედგინა მისი ბუნების ჩარჩო, და არაჩვეულებრივი სილამაზეთა თავმოყრა. ვიცილი კიდევ, რომ იქ შეჩერდნენ, დამკვიდრდნენ, და გვერდიგვევრდ დაეწყენენ. კაცობრიობის ელემენტები რომელნიც ეკუთვნოდნენ თეთრი რასის უკეთილ მობილეს შტოებს.

უეჭველია საქართველო იქნებოდა საგანი პირველის ჩემი დიდ მოგზაურობათაგან, რომ გარემოებას არ აეგო, მის და ჩვენ შორის, ზღუდე—რომლის გადალახვის სურვილი არ მქონდა. ამ ზღუდეს აგების პასუხისმგებლად ჩვენ არ ვთვლით ქართველ ხალხს. მით უფრო ძვირფასი იყო ჩვენთვის. შემდეგში ცნობა, რომ ამ ხალხს ხელი არ აუღია იმაზე, რაც შეადგენს მის მეობას, და მის თვითარსებობის უფლებას.

ჩვენ ეცხოვრობთ აბსურდის და პარადოქსის მსოფლიოში. სწორედ ისინი ვინც ყოველნი მითხროვენ დამოუკიდებლობას, ისეთი ტერიტორიებისათვის, რომელთაც ჯერ შეგნება არა აქვთ იმისა თუ რა არის თავისუფლება, და სადაც ცივილიზაცია, დროთა მანძილზე დღემდე, მხოლოდ გარედან მორთმეული საჩუქარია არა სცნობენ სრულწლოვანად, და შემძლე თავისი-თავი განაგოს. ჩვენი ძველი კონტინენტის, ამ ერთ-ერთს, უმდიდრეს ისტორიის, ტრადიციების და კულტურულ შემოქმედებათა პატრონ—ხალხს.

დღევანდელი—ქართული ეროვნული დღესასწაულის—ზეიმობა, არ წარმოადგენს თავისთავად არც საკმაო ნუგეშს, და არც რაიმე კომპენსაციას, მაგრამ წარსული გვასწავლის, რომ სწორედ როდესაც ბოროტება, და მისი მსახურნი, აღწყვდნენ თავზედობის უმაღლეს წერტილს,—ამგვარი ხელში-შველი მოწმედ-მოხმობა უკუნიით უფლებებისა, და უკუნიითვე მორაღისა, წინ უძღოდა და მოასწავებდა: ისტორიის მიერ—ზარალის ანაზღაურებას!

კიულ ლემენ.

საფრანგეთის აკადემიის წევრი.



### თენგიზ დაღეშქელიანის დაკრძალვა

1961 წლის ოქტომბრის 7-ს ლევილის «ქართულ ძმათა» სასაფლაოზე დასაფლავებულ იქმნა, ქართული ჯარის ყოფილი უფროსი ოფიცერი, ეროვნულ-დემოკრატიული პარტიის წევრი, თავადი თენგიზ დაღეშქელიანი.

თენგიზის კუბოს ირგვლივ შემოიკრება. თითქმის პარიზის მთელი ქართველობა. მისადმი მიძღვნილ გვირგვინთა შორის გამოირჩეოდა, მისი მნიშვნელობით. ცოცხალი სამყვრი ყვავილ ბით შემკული ჯვარი, რომელიც ქუთაისის ქართული გიმნაზიის ყოფილმა მოსწავლეებმა მიუძღვნეს მათ უფროს სკოლის ამხანაგს, რომლის გაცივებულ გულზე საქართველოს ერთი მუჟა მიწა დააყარეს.

სიტყვები წარმოსთქვის: საფრანგეთში მცხოვრებ ქართველთა სათვისტომოს თავმჯდომარემ ბ. ლ. ზურაბიშვილმა, ქართული გიმნაზიის ყოფილ მოსწავლეებმა ბბ. ვიკ. ნოზაძემ და ელ. პატარიძემ.

დასაფლავებიდან 40 დღის-თავზე, პარიზის ქართველთა წმიდა ნინოს ეკლესიაში უამრავ ქართველობის თანდასწრებით გადახდილ იქმნა მისი სულის მოსახსენებელი პანაშვიდი, რომლის შემდეგ, მის ნათესავ გ. ჩხეიძის ოჯახში გაიმართა გარდაცვალებულის ხელისვახსნის სადილი, რომელსაც საქართველოს ჯარების მთავარსარდალ ლენ. კვინიტაძესთან ერთად, თენგიზის ახლობელი ნათესავები და მეგობრები დაესწრნენ.

მოსმენილ იქმნა სერგო იანგთელის მიერ შედგენილი და მაგენტოფონზე გადატანილი სიტყვა და განსვენებულთან უკანასკნელი საუბარი.

### თენგიზ დაღეშქელიანი

1961 წლის 4 ოქტომბერს პარიზის მახლობლად, პატარა ქალაქ არპაეონის საავადმყოფოში გარდაიცვალა თენგიზ დაღეშქელიანი.

კიდევ ერთი მამულიშვილი გამოაყლდა უცხოეთში მყოფ ქართველობას. კიდევ ერთი ლტოლვილის ცხედარი მიიზარა ქართულ მადლიან მიწასთან ზიარმა ლევილის სასაფლაოზე. განსვენებული თენგიზი ძირითადად ჩრდილო ამერიკაში იყო დიდი ხნიდან დამკვიდრებული, მაგრამ იგი კარგად ცნობილი იყო უცხოეთში ყველა ქართველისათვის. თენგიზი

ერთი იმ ქართველთაგანი იყო, რომელმაც ყველაზე მეტი იმოგზაურა სამშობლოს მიღმა, ევროპისა თუ ჩრდილო და სამხრეთ ამერიკის ქვეყნებში; მას გული მიუწევდა ყველგან იქ, სადაც ეგულებოდა თავისი მიწა-წყლისანი. «ამჟღად-შივლებთან ურთიერთობაში კპოვებდა იგი უსამშობლოთ გამოწვეულ გულისტკივილების დაყუჩებას.

მის პიროვნების კეთილშობილური თვისებები იყო: კაცთ-მოყვარეობა, თავმდაბლობა, თავაზიანობა და ღვთაებრივი თავყვანისცემა ყოველგვარი ქართულ ადათებისა. ორმოც წელზე მეტი უცხოეთში ყოფნამ მასში ოდნავადაც ვერ ჩა-კლა ქართული ელემენტები.

გარეგნობითაც ხომ თვალში ისევე იყო მისი პიროვნე-ბა! პირველ შეხვედრისთანავე იპყრობდა იგი მნახველის ყუ-რადლებას თავისი გოლიათური მოყვანილობით. ძველ წინ წარმოგიდგებოდათ ჩვენი სახელოვანი წინაპრების სახე მუხა-რად ასხმული. რომ ერკინებოდნენ ურჯულ მტრის მოქნე-ულ ხმალს საუკუნეების მანძილზე. ამ სახელოვან წინაპრების ნაშვირი იყო თენგიზი სისხლითაც. მაგრამ მას არ ჩვეოდა მე-დიდური ქედმაღლობა იგი იყო მართალია უაღრესად თავ-მოყვარე, მაგრამ თავმდაბალი, სადა და ყველასი პატივმცე-მელი. ყოველ ქართველთან შეხედრდა მასში იწვევდა გულ-მართალ სიხარულს და თავის სიცოცხლის უკანასკნელ მაგა-ლითითაც დაამტკიცა გახსვენებულმა ეს მგრძნობიერება; ამიტომაც დაიმსახურა მან თანამემამულეებში თანაგრძობა და სიყვარული. მის დასაფლავებას დაესწრო პარიზის ქარ-თულ სათვისტომოს უმეტესობა და მგრძნობიარე სიტყვე-ბით შეამკეს მისი საფლავი.

დიდიხანია თენგიზი შეპყრობილი იყო განუკურნებელი ავადმყოფობით—კიბოთი. ამ სატკივრებისაგან სამკურნა-ლოდ მას არ დაკლებია ამერიკის ცნობილ საავადმყოფოებში განთქმულ ექიმების ხელი, მაგრამ თანამედროვე მედიცინა ჯერ კიდევ უქალურია ამ სატკივართან ბრძოლაში.

ავადმყოფმა ადრიდანვე იგრძნო თავისი ხეველი, ექიმებ-მაც არ დაუშალეს, რომ მას არ ეწერა დიდი ხნის სიცოცხლე. უღმობელი სენი დაეუფლა მის გოლიათურ სხეულის ყველა უჯრედს და სანთელივით დაუწყო დნობა. ყოველი დღე, ყო-ველი საათი თუ წუთი სწრაფი ნაბიჯით მიახლოებდა იყო სი-კვდილთან. მაგრამ თენგიზი ღრმად-მორწმუნე ადამიანი იყო. იგი არ მიეცა სასოწარკვეთილებას. «ეს უფლის ხებაა!» სთქვა მან, თუმცა მაშინვე აღეძრა ერთი ნატვრა, ერთად ერთი სუ-რვილი, უკანასკნელი სათხოვარი ღვთაებასთან: მისცეს მას ძალა და სამუალება ჩააღწიოს ამერიკიდან პარიზამდე, სა-დაც მას ეგულებოდა თავის საყვარელ დასთან ერთად სხვა მრავალი გულ შემატკივარი ქართველი. სურს დაიმარხოს ღვეი-ლის ცნობილ სასაფლაოზე, სადაც მრავალ თანამემამულეთა



სამარეს მიმატებია რამდენიმე მუჭა კურთხეული ქართული მიწა, რომლის სიმბოლიური მნიშვნელობა გულს უთბობს და რალად მალულ ნუგეშს აძლევს ყოველ ქართველ უცხოეთში. აი აქ, თუ სამშობლოში არა, აქ ქართულ მიწასთან ზიარ ლევილის სასაფლაოსაკენ მიუწევს მას გული. თან სურს სიკვდილამდე კიდევ ერთხელ იხილოს პარიზის ქართველები, რომელთანაც მას წარსული ტკბილი მოგონებები აკავშირებს.

თენგიზს ეუბნებიან, რომ ძნელი იქნება ასეთ მძიმე ავადმყოფისათვის ამ შორ მანძილზე მოგზაურობა. მითუმეტეს დიდხანია მისმა ორგანიზმმა შეწყვიტა საკვების მიღება. იქაური ქართველებიც ურჩევენ მას ხელი აიღოს ამ სახიფათო გადაწყვეტილებაზე. იქნებ გემზე გზაში დალიოს მან სული მარტოდ-მარტომ უცხოელებთან. აქ მაინც რამდენიმე ქართველი უპირისუფლებს მომაკვდავს; მაგრამ გარდაუვალა მისი გადაწყვეტილება. თენგიზი გულისძახილს მიჰყვება. გული კი ეუბნება, რომ უფალი უსათუოდ შეუხსრულებს მას ამ უკანასკნელ თხოვნას.

მალულმა იმედმა მხნეობა შემატა ავადმყოფს. მუხლებში თითქო ძალა ჩაუდგა, თავი უკეთ იგრძნო და სამუდამოდ დაემშვიდობა ამერიკას, რომლის ქვეშევრდომიც იგი იყო.

გამართლდა მისი წინასწარმეტყველება საშინელ ყოფაში, მაგრამ მაინც ჩამოიტანა სული მან პარიზამდე. განსვენებული ამ სატკიელმა გულისხმიერი ალტკინება და თახაგრძნობა გამოიწვია პარიზის ქართულ სათვისტომოში. ერთი თვის განმავლობაში მას თავსებუივნენ თანამემამულენი და მასთან ხანგრძლივი საუბრით უმსუბუქებდნენ იმ უემურ ტკივილებს. უნკურნებელი სატკივარი რომ აყენებდა მის სხეულს. პირველხანებში განცვიფრებაში მოყავდა თენგიზს მნახველები. იგი სასიკვდილოდ განწირულს კი არა, უფრო ნაადამყოფარსა ჰგავდა გამოჯანსაღების პროცესში რომაა და მხიარულ ამბების თხრობით იქეთ, რომ ართობს მნახველებს, მაგრამ ეს ყველაფერი მოჩვენებითი იყო. დღედაღღე გაიძდა ფესვი მის ორგანიზმში სატკივარმა და სულ ერთ თვეში გათავდა მოხეტიალი ვაჟაკი.

უკანასკნელ დღეებში მის სანახავად მისულთ თვალში ეცემოდათ ის კონტრასტი, რომელიც იქმნებოდა მის საწოლის კედელზე დაკიდულ ვაჟაკის ტანისამოსსა და ამქამად, იქვე ლოკინზე დაღეულ სხეულს შორის. წყველი სატკივარი მიწედა მის ორგანიზმის ყველა უჯრედს და სიკვდილის წინ ერთი დღით ადრე მეტყველების უნარიც წაართვა. 4 ოქტომბერს ნაშუადღევს მან სამუდამოდ განუტევა სული.

წავიდა ჩვენი საყვარელი თენგიზი ამ ქვეყნიდან, მაგრამ მან დაგვიტოვა ბევრი რამ მისაბაძი. პირველყოლისა უღრმესი რწმენა ღმერთისა, უსაზღვრო სიყვარული თავის ქვენი-

სა, გულშემატკივრობა თანამომეტა ბედისა და ქედმოუტე-  
ბელობა სიკვდილთან. აი თვისებები, რომლითაც მან უფი-  
წყობის ძველი დაიდგა თანამემამულეთა გულში.

განსვენებული ისე მსჯელობდა სიკვდილისა და სიცოც-  
ხლის საკითხებზე, რომ ადვილად გაეუშხილეთ სურვილი ჩა-  
გვეწერა იგი, რომ დავერჩეოდა მისი ხმა სიკვდილის შემდეგ-  
თენგიზი კმაყოფილებით დაგვთანხმდა ამაზე და სიცილით  
სთქვა: «გიტარაზე ისეთ ლექურს დაგიკრავთ ფეხები აგითა-  
მაშდებათ»-ო. იგი იმ ხანებში ჯერ კიდევ ღონებე იყო, სამ-  
წუხაროდ ეს განზრახვა დროულად სისრულეში ვერ მოვი-  
ყვანეთ, ამასობაში კი იგი ისე დასუსტდა, რომ ჩაწერის დღეს  
უკვე ლაპარაკიც უკირდა. მიუხედავად ამისა, მაგნეტოფონ-  
ით საავადმყოფოში მისულთ მხიარულად შეგვხვდა და ჩა-  
წერაზე უარი არ გვითხრა.

ვიდრე მაგნეტოფონს ჩასაწერად მოვაწყობდით, ოთახში  
რალაც უხერხული სიჩუმე ჩამოვარდა, თითქო საიდანლაც  
უღმობელ სიკვდილის აჩრდილმა გაიფლავა, ყველასი გული  
სევდამ მოიკვა. აქამდე მხიარული თენგიზი დადუმდა და მის  
მუდამ მომღიმარე სახეზე ნალველი აღიბეჭდა. იმ მომენტში  
სიკვდილზე ფიქრებს მიწვდა ოთახში მყოფთა გონება და მწა-  
რე ფიქრებმა დააღონა თვითულის გული. წარმოუდგა ყვე-  
ლას რომ რამდენიმე დღეში სამუდამოდ დადუმდება სიცო-  
ცხლით სავსე ვაქაცის ბავებები, რომლისთვისაც ამ წუთში  
მაგნეტოფონია ჩასაწერად გამზადებული.

აი, ასეთ სევდიან ყოფაში მივუახლოვე მაგნეტოფონი  
სასტუმლიდან წამოწეულ თენგიზს რომ თავისი უქანასკნელი  
სურვილი გვამცნოს და აი მისი პასუხი: «... ჩემი უქანასკნე-  
ლი სურვილთაგანია შემდეგი ... ქრისტემ აკურთხოს საქარ-  
თველო ... გაუმარჯოს მის ძლიერებას ... და ვეცადოთ ქარ-  
თველმა ერმა დავამტკიცოთ, რომ ჩვენ ვიყავით კურთხეული  
მაცხოვრისა და ღვთისმშობლის მიერ .....

გაუმარჯოს საქართველოს და გაუმარჯოს კარგ ქართვე-  
ლობას....

..... ბევრი მინახავს, ბევრი მივლია, მაგრამ არსად არ შე-  
მიძინევია ისეთი თვისებები, როგორც მინახავს ქართველთა  
შორის... ესაა სულის სიძლიერე, რომელიც მოგვანიჭა ჩვენ  
უფალმა, რომელსაც ჩვენ ვიკუთვნებთ, მაგრამ ეს ღვთის გან-  
გებაა. ღვთის სიძლიერე ჩვენში...»

ნაწყვეტ ნაწყვეტად ამბობდა განსვენებული ამ სიტყვებს.  
რამდენიმე წუთს საუბრობდა იგი თავის დასთან სვანურადაც,  
მაგრამ მალე ძალა აღარ იყო და მისი უქანასკნელი სიტყვები  
იყო «მეტეი აღარ შემიძლია»-ო...

ექვსი დღის შემდეგ მან საბოლოოდ განუტევა სული.  
საუკუნოდ იყოს ხსენება მისი!

ხერგო იანვთელი.

## სრულიად მართლმადიდებელ

## ეკლესიათა კავება.

(ჩვენი ეკლესიის წყობა და პრეტესტი)

ამა წლის 24 სექტემბრიდან 1 ოქტომბრამდე საბერძნეთში შესდგა სრულიად-მართლმადიდებელ ეკლესიათა წარმომადგენლების კრება—რომლის დანიშნულება იყო საერთო მართლმადიდებელ ეკლესიათა მომავალი მსოფლიო ყრილობისათვის წინასწარი შეხვედრის მომზადება.

ჩვენი ცნობით, შორეულ წარსულში. მე-7 საეკლესიო ყრილობის შემდეგ, ასეთ კრებებს აწყობდა და მეთაურობდა 4 აღმოსავლეთის პატრიარქი: კონსტანტინოპოლის, აღმოსავლეთის, ანტიოქიისა და იერუსალიმის.

სრულიად მართლმადიდებელ ეკლესიათა წარმომადგენელთა ყრილობის მოწვევა განიზრახა 1920 წლიდან კონსტანტინოპოლის პატრიარქმა. 1930 წელს ათონის მთაზე მოწვეულ იქმნა წინასწარ მოსამზადებელი კრება, რომელსაც რუსეთის ეკლესიის წარმომადგენელი ვერ დაესწრო, საბჭოთა რუსეთის კომუნისტური მთავრობისაგან ნებართვის მიუღებლობისა გამო.

ამა წლის საეკლესიო კრებას დაესწრო, სხვათა შორის, სრულიად რუსეთის ეკლესიის წარმომადგენელი, მიტროპოლიტი ნიკოდიმი, კონსტანტინოპოლის პატრიარქის მიერ წინასწარ მიცემულ იმ თანხმობის შემდეგ, რომ ამ კრებაზე მოწვეულ ყოფილიყვნენ, საბჭოთა რუსეთის გავლენის სფეროში მომწყვდეული: ჩეხოსლოვაკიის, რუმინეთის, პოლონეთის და ბულგარეთის მართლმადიდებელ ეკლესიათა წარმომადგენელნიც. საქართველოს ავტოკეფალური ეკლესიის მანდატი მითთვისა რუსეთის ეკლესიის წარმომადგენელმა. მიუხედავად მისი მომხრეების მოყვანისა კრების პრეზიდიუმში არ იქმნა არჩეული რუსეთის მიტროპოლიტი.

უკანასკნელის ეს მანევრი, ივერიის ავტოკეფალური ეკლესიის მიმართ, ამჟღავნებს იმავე იმპერიალისტურ პოლიტიკას, რომელსაც ატარებს საბჭოთა რუსეთის მთავრობა ქართველი ერისა და საქართველოს მიმართ.

ქართველმა ერმა, რუსის ხალხზე 4 საუკუნით ადრე მიიღო ქრისტიანობა. ივერიის ავტოკეფალური ეკლესიის დამოუკიდებლობა, საქართველოს სამეფოს ძალა დაუქმებისა და დაპყრობისას, მეცხრამეტე საუკუნის დასაწყისშივე გააუქმა რუსეთმა. 1917 წელს, ეროვნული დამოუკიდებლობის გამოცხადებთან ერთად, სრულიად საქართველოს ეკლესიამაც აღიკვირა ავტოკეფალია, რომელიც მხოლოდ 28 წლის შემდეგ, სახელდობრ 1943 წელს მიიღო და იცნო რუსეთის ეკლესიამ.

ასეთი ძველი და მნიშვნელოვანი ივერიის ეკლესიის გამოარცხვა მსოფლიო მართლმადიდებელ ეკლესიათა საერთაშორისო კრებულიდან, უთუოდ გამოიწვევს ქრისტიანულ ქართველ ხალხის გულისწყრომას.

საფრანგეთში მყოფ ქართველთა ასოციაციის გამგეობამ, სათანადო საპროტესტო ნოტიო მიმართა მათ უუწმიდესობას კონსტანტინოპოლის პატრიარქსა და არშევექ ათინაგორას. ნოტაში გამოთქმულია ქართული ემიგრაციის გაკვირვება და გულისწყრომა, საქართველოს მართლმადიდებელი ეკლესიის მიმართ, ასეთი ისტორიულად გაუმართლებელი მოქცევისა გამო.

«ივერია»-ს რედაქციაც, ქართული ეროვნული და დემოკრატიული წრეების სახელით, მის მართალ გულისწყრომას და პროტესტს გამოსთქვამს და მოუწოდებს სრულიად საქართველოს ეკლესიის მეთაურობას, სამშობლოში მყოფ ქართველ ქრისტიანულ ხალხსა და სხვა ქვეყნებში გამოხიზნულ ქართველობას, ხმა აღიმალონ და დაიცვან, სრულიად ივერიის მართლმადიდებელი ეკლესიის ღირსება და მისი უზენაესი-უწმიდესი უფლებები. ქართული ეკლესია ისტორიულად ერთ-ერთი შემქმნელია ჩვენი ეროვნული ცხოვრების, მისი სულიერ-მორალური ფუძეა და ბჭე დასაყრდენი. მისი ღირსებისა და უფლებების დაცვა, ქართული ეროვნული მეობის დაცვაა.

### „საბჭოთა პოლიტიკური ომი“-სადმი საწინააღმდეგო კონგრესიის მიერ კონგრესი.

ამაწლის ნოემბრის 18—22-ს, რომში, შესდგა და ჩატარდა «საბჭოთა პოლიტიკური ომისა»-დმი საწინააღმდეგო მეორე კონგრესი. რომელიც მოწვეული იყო თავისუფალი ქვეყნების ცნობილ სახელმწიფო და პოლიტიკურ მოღვაწეთაგან შემდგარ საინიციატივო კომიტეტის მიერ (პირველი კონგრესი შესდგა შარშან, დეკემბერში პარიზში).

რომის კონგრესს დაესწრო, მთელი თავისუფალი მსოფლიოს დიდი და პატარა სახელმწიფოთა პოლიტიკური წარმომადგენლნი, 350 კაცამდე. მათ შორის, საბჭოთა რუსეთის მიერ დაპყრობილ ერთა ემიგრაციების წარმომადგენლნი.

პარიზის ბლოკის სახელით ბბ. ნ. ცინცაძე, კანტემირი და აბრამჩიკი.

ქართული ეროვნულ-პოლიტიკური ცენტრიდან ბბ. ლ. ზურაბიშვილი, ელ. პატარიძე და მათთან ერთად—ბ. ჯ. გვაზავა—ჭურნალისტი და ახალგაზრდა რ. პაპუაშვილი, როგორც მეთვალყურე. კონგრესის ერთ-ერთი სხდომის საპატიო თავ-

მჯდომარედ წინასწარ შეტანილი იყო სიაში, ცნობილი პოლიტიკური მოღვაწე და დამფუძნებელი კრების წევრი ბ. ი. გობეჩია, რომელიც კონგრესს ვერ დაესწრო.

პარიზის ბლოკის სახელით სიტყვა წარმოსთქვა ბ. ნ. ცი-ნცაძემ.

ბ. ლ. ზურაბიშვილმა წაიკითხა ქარ. ეროვ.-პოლიტიკური ცენტრის მიმართვა კონგრესისადმი—მემორანდუმი. რომელიც რუსეთის მიერ დაპყრობილ საქართველოს მდგომარეობას აღნიშნავს და მისი გათვლილი ეროვნული უფლებების აღდგენას მოითხოვს. მოკლე სიტყვა წვრთმისთქვა, ქართველი ერის უფლებების დასაცავად ბ. ჯ. გვახავამ.

კონგრესის ოთხი დღის რვა სხდომაზე დაახლოებით ოთხმოც ორატორმა ილაპარაკა, თავისუფალი მსოფლიოს პოლიტიკურმა წარმომადგენლებმა. ყველანი ამხელდნენ საბჭოთა რუსეთის მიერ წარმოებულ პოლიტიკურ ბრძოლას, თავისუფალი მსოფლიოს მიმართ, და მოითხოვდნენ დასავლეთის და მისი ცივილიზაციის დასაცავად საწინააღმდეგო ბრძოლას და სათანადო საერთაშორისო ორგანიზაციის შექმნას. ორატორთა მიერ ხშირად იყო ნახსენები განსაკუთრებით უკრაინა და საქართველო.

კონგრესის მთავარი ხაზი იყო საბჭოთა ქვეყნების მიერ წარმოებულ საერთო პოლიტიკურ ბრძოლისაგან თავისუფალი მსოფლიოს თავისუფლების იდეისა, დემოკრატიული წყობილებისა და ცივილიზაციის დაცვა. საბჭოთა რუსეთის მიერ დაპყრობილ ერების და განსაკუთრებით უკრაინელ და ქართველ დელეგატთა შეთანხმებული გამოსვლებით, ხდებოდა ეროვნული თავისუფლების ელემენტის შეტანაკონგრესის მუშაობაში.

საინიციატივო კომისიის მიერ წარმოდგენილი საერთო რეზოლიუცია, რომელიც დასავლეთ ქვეყნებისაგან მოითხოვდა საბჭოთა ქვეყნების მიმართ პოლიტიკური ბრძოლის წარმოებას და სამისო გეგმას სახაედა, საბჭოთა რუსეთის მიერ დაპყრობილ, და განსაკუთრებით ცენტრალური და აღმოსავლეთ ევროპის ქვეყნების «სატელიტებია-სათვის. «ოტოდენტერმინაციას» მოითხოვდა. ეს დამაკმაყოფილებელი არ აღმოჩნდა «საბჭოთა რუსეთის» მიერ დაპყრობილი ერების წარმომადგენელთათვის. უკრაინელებსა და ქართველებს მოუხდათ. სათანადო განმარტებების სახით ბრძოლის მიცემა, რათა მათი და სხვა ერების თავისუფლების საკითხი გარკვეულად ყოფილიყო შეტანილი რეზოლიუციაში. უკრაინელებმა, სათანადო კატეგორიული განცხადებით, დასტოვეს სხდომა. ქართველთა დელეგაციამ გარკვეული დამატებითი რეზოლიუცია წარადგინა: «იმ თავისუფალი და დამოუკიდებელი ერებისათვის,—რომელნიც დაპყრობილ იყვნენ საბჭოთა რუსეთის მიერ,—მოვითხოვთ მათი თავისუფლებისა და დამოუკი-



დებლობის ავტომატიურ აღდგენას»-ო. და დასძინა თუ ეს წინადადება მიუღებელი აღმოჩნდება, ჩვენც დავსტოვებთ სხდომასო. სხდომის თავმჯდომარემ ამ რეზოლუციას უყარა კენჭი და მიღებულ იქმნა აბსოლიუტური ხმის უმრავლესობით 2 ხმის წინააღმდეგ.

ქართული ეროვნული ცენტრის წარმომადგენლებმა კონგრესის წევრებს დაურიგეს, პარიზიდან მხად წაღებული მემორანდუმი კონგრესისადმი, ერთი წლის წინ «ოთხ მთავარ სახელმწიფოს მეთაურთა პარიზის შეხვედრაზე» გადაცემული მემორანდუმის ასლები და საქართველოს დაპყრობის 40 წლის თავზე, პოლიტიკური პარტიების მიერ გამოცემული მიმართვა თავისუფალი მსოფლიოსადმი.

### აღმოსავლეთ და ცენტრალურ ევროპის „კაპტივი“ მართა მე-V საბანგეო სესია

ამა წლის ოქტომბრის 18—20-ში პარიზში შესდგა ცენტრალურ და აღმოსავლეთ ევროპის «კაპტივი» ერების (სატელიტების) მე V საბანგეო სესია, რომელზედაც მიწვეულ იყვნენ, საპატიო სტუმართა შორის, ქარ. ეროვნულ პოლიტიკური ცენტრის წევრები ბბ. ლ. ზურაბიშვილი და ელ. პატარაძე.

უკანასკნელმა სესიის პრეზიდენტს გადასცა ეროვ. ცენტრის მისალმება და თან განმეორებითი თხოვნა, სათანადო განმარტება-დასაბუთებით, ქართ. ეროვ. ემიგრაციის პოლიტიკურ წარმომადგენელთა «კაპტივ» ერების საზოგადოებაში დაშვების შესახებ. ეს წინადადება დასმულ იქნა სესიის საბანგეო კომისიაში, რომელმაც ვერ შესძლო საბოლოო პასუხის გაცემა.

«კაპტივ» ერთა თავმჯდომარე ბ. ფერანს ნაგი მ ეროვ. ცენტრის წევრებთან კერძო საუბრის დროს დასაშვებად მიიჩნია ეროვ. ცენტრის წინადადების გადატანა და დასმა საბოლოო პასუხისათვის კაპტივთა საზოგადოების მთავარ ორგანოში.—რომელიც ამერიკაში არსებობს.

აღსანიშნავია და საიმედოა, რომ სესიის შესამე სხდომაზე, პოლონეთის ეროვნული საბჭოს თავმჯდომარემ ყურადღება მიაქცია «კაპტივთა» გარეშე დარჩენილი, საბჭოთა რუსეთის მიერ დაპყრობილი ერების საკითხს და სასარგებლოთ მიიჩნია «კაპტივ» ერების საზოგადოების გაფართოება ამა თუ იმ სახით იმ ერების მიწვევით.

ქართველთა მეგობარმა ფრანგმა Le Bourr-მაც ხაზი გაუსვა საქართველოს საკითხს და ურჩია «კაპტივ» ერთა საზოგადოების მეთაურობას ქართველთა და მათ ბედში მყოფი ერების წარმომადგენელთა მათ წრეში დაშვება.

### აკაკი წერეთლის დღე.

ამაწლის ოქტომბრის 22 ს. პარიზში, ქართველ მწერალთა და ეურნალისტთა კავშირის გამგეობამ მოაწყო, აკაკი წერეთლის დღე, მისი დაბადებიდან 120 წლისთავის აღსანიშნავად.

სადღესასწაულო სხდომა გახსნა კავშირის გამგეობის თავმჯდომარე ბ. შ. კალანდაძემ.

აკაკი წერეთლის ლიტერატურულ შემოქმედების შესახებ მოხსენება გააკეთა ბ. პ. სარჯველაძემ; აკაკის საზოგადოებრივი ხასიათის მოღვაწეობის შესახებ—ბ. გოგი წერეთელმა.

მგოსნის ხსოვნას, ღირსშესანიშნავი ლექსი მიუძღვნა პოეტ გ. ყიფიანმა. ქბ რ. სტურუას ასულმა მოხდენილად წაიკითხა აკაკის ცნობილი ლექსები: «ჩრდილოეთო დამეხსენია» და «სიყვარული».

უადგილობისა გამო, ვათავსებთ მხოლოდ თავმჯდომარე ბ. შ. კალანდაძის მიერ წარმოთქმულ სიტყვას:

საქართველოს მეცხრამეტე საუკუნეს მრავალი დიდი პოეტის, მწერლის და საზოგადო მოღვაწის სახელი ამშვენებდა. დავასახელებთ საუკეთესოთ მათ შორის და აკაკი წერეთლის სხელიც იქ იხსენიება. აკაკი წერეთელს მოუხდა მოღვაწეობა სწორედ იმ შავ დროს, როდესაც ჩრდილო ქერას წყალობით ქართველ ერს მაინც და მაინც უნდა დაეკარგა თავისი ეროვნული სახიერება რაც მას ათიულ საუკუნეთა განმავლობაში ზღვა სისხლით დაეცვა და შეენარჩუნებია. აქ ძველებურად არც ხარკი შევლოდა და არც კლდეთა და ღრეთათვის თავის შეფარება. სამარის პირზე მისული ჩვენი ეროვნული ცხოვრების განსაცდელისაგან გადარჩენისთვის სხვა უფრო გაშლილი გზები არ არსებობდნენ. მაშინ ვიწრო, მიხვეულ-მოხვეული ბილიკებით სიარული იყო საჭირო, რათა ზოგი რამ დაზოგვილიყო, ზოგი რამ გადარჩენილიყო. საბედნიეროთ ერს გამოუჩნდა მოღვაწენი, რომლებმაც ეროვნულ თვისებათაგან განძარცული ცოცხალ-მკვდარი ერი ვითლახარე საფლავიდან ამოიყვანეს.

სულით დაცემული, სულიერად აღადგინეს, თვისი სახე და მეობა დაუბრუნეს. ურგო დაატოვებინეს, სარგო შეუნარჩუნეს. ერთი სიტყვით ჩვენი წაქცეული ვინაობის აღდგენისათვის რაც კი იყო საჭირო არაფერი დაივიწყეს. ამ მოღვაწეთა შორის აკაკი ერთი პირველთაგანია. ის უწინარეს ყოვლისა მგოსანია, მწერალია. მწერლის მნიშვნელობა იმდენად დიდია, რამდენადაც ძლიერად შეეხალა იგი თავის საუკუნის უსამართლობის არტახებს. აკაკი დიდი სიმამაცით ეკვეთა მას. თვალმეუღდამია, საოცარი და ძლიერ ლამაზი ამ ბრძოლის ისტორია. მაგრამ ამას უკეთ მომხსენებლებიდან მო-

ვისმენთ. მოვისმენთ სიტყვას ქართულს, გულწრფელს და მართალს. საქართველოშიაც დღესასწაულობენ ასეთ თარიღებს. მაგრამ იქ ქართული აზრი დატყვევებულია, ქართული სიტყვა დამუნჯებული. ილია დაასახიჩრეს, ვაჟა დაამახინჯეს. აქაკი გაამრუდეს. ყველაფრის მითვისების და გაყალბების კომუნისტურმა უნარმა ქართული მწერლობა უშნოთ ჩაჭყლიტა მის ბინძურ სარეცელში და დაუქარგა აზრი და დანიშნულება.

ქართული ემიგრაცია თავისუფალი საქართველოა მინიატურაში. ქვის გული უნდა ჰქონდეს საქართველოს შვილს. რომ ეს ისტორიული მოვლენა—მისი დანიშნულება და ხვედრი, სავე მაღალი ტრადიკული მნიშვნელობით ვერ გაიგოს ისე, რომ დარდით და ნალევლით გული არ აეცოს. ქართული სიტყვა და აზრი უშიშრად თავისუფლად აქ ითქმება—აკაკის მოღვაწეობის და შემოქმედების მთლიანობა ყველა სახსრების მიხედვით იქნება გადახსნილი, ვნახავთ, რომ აქაკიმ ამ ქვეყანაზე იარა ქართველი ადამიანის მგრძნობიერი გულით. ვნახავთ როგორც მოწამეს ქართველი ერის სულიერ წარღვნათა ჯოჯოხეთისას, მაგრამ როგორც მახარობელს ცისკარის განწმენდისას საქართველოს მათა კირჩხირებზე გადმომდგარს.

აკაკის, როგორც საზოგადო მოღვაწეს და ქართველი ერის უბადლო ჰირის-უფალს, ვკუთვნის ჩვენი ღრმა ფიქრი მისი დაბადების ას ოცი წლის თავზე.

### „საქართველო“-ს უკანასკნელი ნომერი

ჩვენს ხელთ არის, საქარ. ეროვნულ-დემოკრატიული პარტიის მთავარი კომიტეტის ორგანო «საქართველო»-ს 1921 წლის 21 თებერვლის, ჩვენის ხსოვნით, უკანასკნელი ნომერი.

საქართველოს დამარცხების ორმოცი წლის თავზე, საჭიროდ მივიჩნევთ, იმაში მოთავსებული ზოგიერთი ადგილები მოვიყვანოთ, რათა მკითხველმა იმ შავი დღეების მდგომარეობა.—ქართველობის სულიერი განცდები მოიგონოს და ერთხელ კიდევ განიცადოს:

სრულიად საქართველოს ქათალივღს-პატრიარქ ლეონიდის მოწოდებიდან: «ქენო ქართლისაო! სრულიად საქართველოს ვაქაოცნო და ქალნო! მადლი და კურთხევა იესო ქრისტესი თქვენდა.

საუკუნოებით განწირულ საქართველოს საღმრთო განგებამ არგუნა ხვედრი, გახდეს სამარედ სკვითებისა, რომელთაც შემუსრეს და დასცეს რუსეთი და რომელნიც აზია-ევროპაში მხოლოდ ყველასფერს ანგრევენდენ და ანადგურებდნენ. თითქოს უკეთურნი უახლოვდებოდნენ ჩვენს ღედა-

ქალაქს და დამშეულნი ელოდნენ თბილისში გემრიელი პურიით და ღვინით გაძლომას, თბილისის განთქმულ აბანოებში დასუფთავებას. მაგრამ როგორც არასოდეს მტკვარი პირს არ იბრუნებს უკულმა, ისე ჩვენი ვერაგი მტკრი ვერ მიადღვეს ბოროტ-განზრახვას, ღმერთი არ აღირსებს მას საქართველოს დაპყრობას. ყოვლად წმიდა ღვთის მშობელი ცეცხლად შეარგებს მას ჩვენი მამულის პურსა და ღვინოს, რომელსაც ქართველობა ვხმარობთ სეზისკვრად და ზედაშათ.

საყვარელნო, ფრონტის ზურგში მყოფნო! შევინარჩუნოთ სრული დარბაისლობა, გულის სიმშვიდე და ხასიათის სიმტკიცე-ნუ მივეცემით საშინელ და ცრუ ხმებს»....

«ენდეთ ჩემს ჭაღარას, როგორც ვერავეითარი ძალა ვერ მოგლვეს თავის ძირიდან კავკასიონს, თუ არა მიწის ქვეშიდან ამოხეთქილი ძლიერება, ისე ვერავეითარი ბლოშევიკები და სომეხ-ახერბაიჯანელები (!?) ვერას დააკლებენ, სახელოვან კახელ-ქიზიყელისა, თუშ-შეშა-ხევესურ მთიელებისა, უტუხი ქართლელებისა და ამაყ იმერ-ოდიშარ-აფხაზ-სვანთავან შემდგარ საქართველოს ლაშქარს, თუ ფრონტის ზურგი მტკიცედ გვექნება დაცული. გთხოვთ ჩემო ძენო და ასულნო, სამშობლოს სიყვარულით გაიმსჯვალოთ».

«ღმერთმა აკურთხოს და ჩქარი ძლევა-მოსილებით შემოსოს ჩვენი ამაყი ლაშქარი!»

ყოვლად წმიდა ღვთისმშობელმა დაიკვას და იფაროს თავისი დედობრივი კალთით მისი წილხდომილი საქართველო! ქება-დიდება და მარადისობა ქართველ ერს!»

— საქართველო დაეცა სკვითების ზელით და დიდი კათალიკოს პატრიარქიც მის მაღალ სამსხვერპლზე.

დამძვქმნებელი კრების წევრ გიორგი ავახავას წერილიდან:

«გერ ომი სწარმოებს. საშინელი ომი, მაგრამ საქართველოს გულიდან, თბილისის კლდეებიდან, უკვე აღმოხდა «ვაშა!» და გამარჯვების გრიალი ეფინება ქვეყნიერებას. რუსეთის დამშეულთა ურდოები, რომელნიც ემუქრებიან წიელს განათლებულ კაცობრიობას, წარღვნით და წალეკვით, უკვე ეხეთქა ირაკლი მეფის სტრატეგიულს ხაზებს, ესლა გაქვით-კირებულს ჩვენი მამულიშვილების მკერდით. ეხეთქა, დაიმტერია შუბლი და დამარცხებული იხვეს უკან.

ვაშა საქართველო!

მოხდა დიდებული და გმირული საქმე. მწყდება ბედი არა მარტო საქართველოსა, არამედ მთელი კავკასიის და მთელი წინა აზიისა. ამ წამს, განცვიფრებული ქვეყნიერება დაპყურებს საქართველოს რუქას: როგორ? ამ პატარა ერმა მოახდინა ეს სასწაული?!

ამწამს ლოიდ ჯორჯი, მილლიერანი, ვილსონი თუ ჰარდინგ. უსათუოდ ხელახლად გადასინჯავენ თავიანთ პოლი-

ტიკის გეგმას, იძულებულნი არიან შეუფარდონ იგი ახალ ფაქტორს, მსოფლიო ისტორიისას—საქართველოს. ლენინი, ცნობილი ლენინი, შუბლშეხრილი და დაღვრემილი იყურება სამხრეთისაკენ: ნუ თუ აქ საქართველოს საზღვრებზე, უნდა დამარცხდეს და განიადეს, მისი ველური ოცნება? ნუ თუ აქ არის შეურყვეველ და მტკიცე ზღუდე განათლებისა და თავისუფლებისა?! ჰეიქრობს იგი.

დიად, აქ არის! ქართველ ერს არ ეტყობა დაღლილობა, თვითული ჩვენგანი გრძობს საიდუმლო ეროვნულ სულს... ცაში დადის ლანდები ჩვენი წინაპრებისა..... საფლავებს უცლის ქრუანტელი სიცოცხლისა.

ვაშა საქართველო!

ვაშა ლენერალ კვინიტაძე!

— ამ სტრიქონების დამწერი, შეუდრეკელის ნებისყოფით განაგრძობდა საქართველოს დამარცხების შემდეგ დაკარგული თავისუფლების მოპოებისათვის ევროპაში მოქმედებასა და ბრძოლას უკანასკნელ ამოსუნთქვამდე.—საფლავის კარებამდე.

✓ რევაზ გაბამევილის წერილიდან:

«ლომებივით იბრძვიან იუნკრები, საერთო ხმაა და, მართლაც, ყველა ნაწილებიდან იუნკრები ყველაზე მედგრა: და განუწყვეტლივ ამაგრებენ ფრონტსა. ზურგიდან გამაგრებულ არტილერიით, ისინი ჩასაფრებიან წუნკალა მტერსა და მთელი დღე და ღამე, როგორც ზღვის ტალღებს, უკან აქცევენ ბოლშევიკების იერიშებს. განდევნილი კოჯრიდან და ქოროლიდან, უკანასკნელი ასკდებიან ტაბახშელის მალლობებს, მაგრამ ამაოდ. ზარბაზნები, ტყვისმფრქვეველები, დაქრილ-დახოცილნი და სურსათი გაბნეულა მთელს მტრისაგან დატოვებულ, ბრძოლის ველზედ და სისტემატიურად ახევიანებენ უკან მალლობიდან მალლობზედ და უმზადებენ საერთო ტომარას..... ყველგან ერთი და იგივე ხმა: «არას გზით მივცემთ თბილისს. ბოლშევიზმი საქართველოდან იწყებს მისი საფლავის თხრასაო!».

შეუპოვარის წერილი: ლენერალი კვინიტაძე.

«მისი სახელი ეყერა პირზე ყველას, მტრის ვერაგულ და თავზედ შემოსევის პირველსავე გაგებაზე.....

მისკენ პქროდა გონება ყოველი ქართველი პატრიოტი-სა, ვისაც სწამდა და სწამს ბრწყინვალე მომავალი სამშობლოსი. მისი ძალა და უნარი მტერთან საბრძოლველად.... მის სახელოვან გმირის შარავანდედით მოსილ პიროვნების გარშემო, შეიკრიბა სხივები ეროვნულ ენტუზიაზმისა, ერის ცხოველმყოფელ იმედისა, გამარჯვების ნებისყოფისა. მისმა «მომქმედ ძალად» გადაქცევამ. მისმა მოწოდებამ სამოქმედო ასპარეზზე—იმედით აღავსო ქვეყნის გული. განამრთულა და



განამტკიცა იმედი და რწმენა ქვეყნის ხსნისა და გამარჯვებისა.

იგი კვლავ მეთაურობს უძლეველ მხედრობას, კვლავ მის მძლავრ მარჯვენას ჩაჰბარდა განწირვის ქამს ბედი ქართლისა.

კურთხეულ იყავნ მარჯვენა შენი გმირო ქართლისაო! გზა გამარჯვებისა იყავნ მუდმივი და განუწყვეტელი ხვედრი შენი და ძლევამოსილ შენის მხედრობისა! იხსენ ერი შენი განსაცდელისაგან!»

— ომის, ბოლოდღეებში სარდალთ მიწვეული, ლენერალი კვინიტაძე «სასწაულმოქმედებას» ვერ იზამდა და ერს განსაცდელისაგან ვეღარ იხსნიდა.

— ქართული ლაშქრის ამ მცხოვან სარდალს 87 წელი უსრულდება. ვსარგებლობთ შემთხვევით, რომ საქართველოს დამარცხების ამ ორმოცი წლის თავზე, უღრმესი მადლობის გრძნობები მიუძღვნათ, მის მიერ ერისა და სამშობლოსადმი გაწეული სამსახურისათვის. მრავალ-ქამიერი სიცოცხლე უსურვოთ.

## შოთა აუსთაველის საფლავი იერუსალიმში.

(გვ. აბულაძის მიერ ნათარგმნი)

ამ სათაურით დაიბეჭდა წერილი, ნიუიორკის და პარიზის პრესაში, რომლის ავტორიც არის ცნობილი ჟურნალისტი გერშონ სვეტი. მოგვყავს, ამ წერილის მოკლე შინაარსი, რომელიც შეიცავს მკითხველისათვის, საინტერესო ცნობებს:

იერუსალიმის, რეზავიას უბანში აგებულია წმ. ჯერის მონასტერი.

ძველი ლევენდის მიხედვით, ამ ადგილზე მდგარი მუხის შტოები. გამოყენებულ იქმნა იმ ჯვარისთვის, რომელზედაც ქრისტე, ჯვარცმულ იქმნა.

მეოთხე საუკუნის დასაწყისში, ქართველ ბერებს, აქ აუგიათ მონასტერი და საუკუნოების განმავლობაში აქ მოდიოდნენ, ქართული ეკლესიის მსახურნი, ცნობილი ქართველი მეცნიერნი და სწავლულნი.

ჩამოსულა, იერუსალიმში, თამარ მეფეზე, უიმედოთ შეყვარებული, ქართველი ეროვნული მგოსანი შოთა რუსთაველი.

რუსთაველი, აქ წმ. ჯერის ქართულ მონასტერში, ბერათ აღკვეთილა და დარჩენილა, სადაც მეცხრამეტე საუკუნის დასაწყისში გარდაცვლილა. და იქვე დაკრძალულ იქმნა.

ეს დასხვა მრავალი ცნობები, იერუსალიმის წმ. ჯერის ქართული მონასტრის შესახებ გამოაქვეყნა იზრაილის სარ-

წმუნობათა სამინისტროს მრჩეველმა, იერუსალიმის უნივერსიტეტის ყოფ. დოცენტმა, დოქტორ ხაიმ ვარდიმ, ინგლისურ ყოველთვიურ ჟურნალში «ქრისტიანული ამბები იზრაილიდან». «წმ. ჯვრის მონასტრის» სათაუროთ მოთავსებულ, წერილში.

ხსენებულმა წერილმა გამოიწვია დიდი ინტერესი ქართველ მეცნიერთა შორის. ზედუვი არის ის, რომ იზრაილში—საქართველოდან, ჩამოვიდა დღეგაცია: პროფესორ ორიენტალისტების გიორგი წერეთელის, აკაკი შანიძის და მწერალი ირაკლი აბაშიძის შემადგენლობით.

ქართველებმა თან ჩამოიტანეს საჩუქრები, იზრაილისთვის, ახლა-ხან მცხეთაში გათხრების დროს, ნაპოვნი ძველი ბიბლიური ხელნაწერების და ებრაულ-არაბული წარწერების მიკროფილმები.

დოქტორ ვარდის ცნობით, იერუსალიმის ქართული წმ. ჯვრის მონასტრის დაარსების სწორი წელი, აქამდე გამორკვეული არ არის.

ლევენდის თანახმად ხარჯები, ქართული სავანის დასაარსებლათ იერუსალიმში, კონსტანტინე დიდის მიერ დათმობილ მიწის ნაჭურზე, გაიღო საქართველოს მეფე ვახტანგ გორგასლანმა, რომელიც მეფობდა მეხუთე საუკუნეში.

ზოგიერთ, საშუალო საუკუნოების, ქართულ ქრონიკებში აღნიშნულია, რომ მე-XI საუკუნეში, 1038 და 1057 წლებს შორის,—ქართველმა ბერმა პორფირემ (გერმონ სვეტის და დრ ვარდის ცნობით. პროზორმა ააშენა, საყდარი წმ. ჯვრის მონასტერში. საქართველოს მეფე ბაგრატ მეოთხის, ანტიოხიის, იერუსალიმის და სინაიის, ქართველ ძმათა სავანეების, ფინანსური დახმარების, მეოხებით.

დოქტორ ვარდის წერილის მიხედვით, ეს მოხდა ეგვიპტის ხალიფის მუსტანსირის (1034—1094) დროს. როდესაც ბიზანტიის იმპერატორებმა მიხეილ მეოთხემ (1034—1041) და კონსტანტინე მონომახმა (1042—1055) რესტორაცია უქმნეს, უფლის კუბოს ტაძარს და სხვა ქართულ წმიდა ადგილებს, პალესტინაში (რომლებიც დანგრეულ იქმნენ 1009 წელში).

იმ ხანებში ქართული მართლ-მადიდებელი ეკლესია მეფის კარის შემწეობით ძლიერ აქტიური იყო, იერუსალიმში, და ეს არც გასაკვირია—რადგან ბაგრატიდების დინასტია სთვლიდა თავის თავს, მეფე დავითის შთამომავალათ.

საქართველოდან, პალესტინაში მოდიოდა, დიდძალი მლოცველები და საქართველოს ეკლესიისთვის შეიქმნა აუცილებელი, თავისი საკუთარი მონასტრის იერუსალიმში აგებდა.

მისს აშენებას, ჯერ ფიქრობდენ, გოლგოთის მთასთან

—შემდეგ კი ის აგებულ იქმნა, იმ მუხასთან რომლის შტა-  
ებისგან გაკეთდა ჯვარი, რომელზედაც ქრისტე ჯვარცმულ  
იქმნა.

ამ მონასტრის მოძღვარი—იყო იმავე დროს—გოლგოთა-  
სთან აშენებული ტაძრის მოძღვარიც და ინიშნებოდა თვით  
საქართველოს მეფისგან.

ჯვაროსნებმა, ქართველები შეავიწროეს და აიძულეს  
დაეტოვებინათ გოლგოთის მიდამოები. მაგრამ წმ. ჯვრის  
მონასტერს კი, ხელი ვერ ახლეს. იმ დროს საქართველო  
იყო სერიოზული ფაქტორი მსოფლიო პოლიტიკაში.

მე-XII საუკუნე, თამარის მეფობის დრო (1184—1212 წ.)  
იყო საქართველოს, გაფურჩქვნის ეპოქა.

ქართველ მღვდლებს, იერუსალიმში მინიჭებული  
ქონდათ განსაკუთრებული უპირატესობანი, სხვებთან შედა-  
რებით, რაც მათ შეინარჩუნეს, მე-17 საუკუნემდე.

სწორედ, ამ ეპოქაში მოვიდა იერუსალიმს, ქართველი  
ეროვნული მგოსანი შოთა რუსთაველი და მოუტანა მონას-  
ტერს ძვირფასი საჩუქრები, თამარ მეფისგან. მგოსანი აქ  
ბერათ აღიკვეთა, მიიცივალა და აქვე დაკრძალულ იქმნა.

მეთოთხმეტე და მეთუთხმეტე საუკუნეებში, პალესტინა-  
ში, ქართული კოლონია, ჯერ კიდევ, დიდათ გავლენიანი  
იყო. ქართველები ფლობდნენ მრავალ ტაძრებს და მონასტ-  
რებს. წმ. ჯვრის მონასტერი კი იყო, ქართული სულიერი  
და ადმინისტრაციული ცენტრი.

ამ მონასტერს ქონდა დიდი მამულები, როგორც პალეს-  
ტინაში, ისე საქართველოში.

მეთექვსმეტე საუკუნეში, მას შემდეგ რაც პალესტინა  
გადავიდა თურქეთის მმართველობის ქვეშ, ქართველების  
გავლენა თანდათან შემცირდა. არტულობის დროს მოესპო  
საშუალება ქართველ მეფეებს, დახმარებოდნენ იერუსალიმის  
მონასტერს. რომელიც ბოლოს გადავიდა, საბერძნეთის პა-  
ტრიარქის ხელ-ქვეით.

1643 წელს, არქიმანდრიტ ნიკიფორემ, თავადი ომან ჩო-  
ლოყაშვილის შვილმა—პალესტინაში ჩამოსულმა, შეაკეთა  
წმ. ჯვრის მონასტერი და ტაძრის მხატვრობაც განაახლა.  
მეფე ლეონ მეორე, დამიანის დახმარებით.

როდესაც მონასტრის ფინანსიური მდგომარეობა ხელ-  
ახლათ გაუარესდა, საბერძნეთის პატრიარქმა, დოსითეოსმა,  
დაფარა მისი დავალიანება და აიყვანა მონასტერი თავის  
მფარველობის ქვეშ. ამის შემდეგ წმ. ჯვრის მონასტერი,  
იმყოფება საბერძნეთის პატრიარქის გამგებლობაში.

### მაზრისილება და ჩივისა.

ამ უკანასკნელი წლების განმავლობაში, ადგილი აქვს, საბჭოთა რუსეთის აგენტების აშკარა პროპაგანდასა და მოქმედებას, რომლის მიზანია ჩვენი ეროვნულ პოლიტიკური ემიგრაციის რიგებში, გაუგებრობა, არეფ დარეფა, უთანხმოება შეიტანოს და დაშალოს მისი სულიერი ერთობა. ამისათვის გამოყენებულია, ხელთნაწერი, უმსგავსო, ცილისმწამბელი ბარათები, ტელეფონი, ზეპირი უორები. მათ ზურგს უმაგრებს, აღმოსავლეთ ბერლინიდან მოსული და ემიგრანტებისათვის დაგზავნილი, პრიმიტიული კედლის გაზეთი «სამშობლოს ხმა», სამშობლოში დაბრუნებისათვის და თანამემამულეებთან კულტურული კავშირის განვითარების კომიტეტის გამოცემა. ამ საბავშვო გაზეთს დევიზათ აწერია — იდიდე მარად ჩემო სამშობლო. — !!

გაზეთი არავითარ უხნეო საშუალებას არ ერიდება, უორების გავრცელებით, სახელი გაუტეხოს ეროვნული ემიგრაციის პოლიტიკურ მოღვაწეებს. თანაც, ბავშვურად შერჩეული მასალებით, სამშობლოში დაბრუნების სურვილი აღუძრას და განუვითაროს ემიგრანტულ წრეებს. ზოგიერთნი გზაბნეული ემიგრანტი თუ არა ემიგრანტი შეგნებითა თუ შეუგნებულად, მტრის მიერ გადმოგდებული, ჩვენი ეროვნულ-პოლიტიკური იდეისა თუ მოქმედების საწინააღმდეგო აზრებსა და დებულებებს თუთიყუშივით იმეორებენ და ამით ზიანს აყენებს ქართულ ეროვნულ თავისუფლებისათვის უცხოეთში წარმოებულ მუშაობას.

ჩვენ ჩვენი ღირსებისათვის დამამცირებლათ მიგვაჩნია იმ საბრალო და ნაცოდვილარ გაზეთთან, ან მის აგენტებთან პოლემიკის წარმოება. მაგრამ ამავე დროს ჩვენს ეროვნულ მოვალეობათ მიგვაჩნია. მათი გაფრთხილება და რჩევა: ბოლო მოუღონ ემიგრანტულ წრეებში, მათ მიერ წარმოებულ ანტიეროვნულ და ფარულ საქმიანობას, და გასცილდნენ ქართულ-ეროვნულ პოლიტიკურ ემიგრაციას. ჩვენ ჯერ არავინ დაგვისჯია სამშობლოში დაბრუნების სურვილის გამოთქმისათვის. სამშობლოში დაბრუნებული კი თითქმის არავინ დარჩენილა, საბჭოთა ხელისუფლების მიერ დაუსჯელი.

ქართულ ეროვნულ-პოლიტიკურ ემიგრაციას დასაწყისიდანვე, მისი უხენაესი მიზანი აქვს — ეროვნული თავისუფლების აღდგენა — და უწმიდესი მოვალეობაც — ამ მიზნისთვის მოქმედება და მოღვაწეობა, საბოლოო გამარჯვებამდე — სამშობლოს მარად დიდებისათვის.

### აბონდანის ისტორიული შატო.

(ქართველ და უკრაინელ მღვდელ ემიგრანტთა თავშესაფარი)

აბონდანის, გრანდიოზული და თვალთწარმტაცი, შატო, ედემისმსგავს თვალთმიუწოდებელ პარკში, აგებულია მე-თოთხმეტე საუკუნეში ლუი მე-XIII-ის სტილზე. შემდეგ რამოდენჯერმე გადაიდაბულია და გამშენიარებული. შატოს პატრონები, — საფრანგეთის მეფეთა კართან დაახლოვებული და წარჩინებული — პირები, ხშირად იცვლებოდნენ მე-14, მე-15 საუკუნეში. შატოც ადგილი იყო ალბად მრავალი ისტორიული მნიშვნელოვანი მოვლენებისა და ამბების.

ამ საუკუნის დასაწყისში, აბონდანის შატო შექმნილ იქნა პარკისა და საფრანგეთის დიდი მეგობარ — მორგანის მიერ, რომელთაგანაც შეისყიდა, როტშილდის ოჯახთან დანათესავებულმა ავსტრიელმა, ბარონ კონიგსვარტერმა. უკანასკნელი ომის განმავლობაში, აბონდანის შატოში მოთავსებულ იქნა გერმანული ჯარების «E-t major» და შემდეგ «N. S.»-ების შკოლა. ომის დამთავრების შემდეგ, ბარონ კონიგსვარტერმა დაიბრუნა შატო.

ემიგრანტთა დამხმარე საერთაშორისო საზოგადოებამ, რომლის ყურადღება მიიქცია ქართული ემიგრაციის მდგომარეობამ, შეისყიდა ეს ისტორიული შატო, რამოდენიმე ათეული მილიონის საფასურით. ვინაიდან ქართველ მოხუცთა რიცხვი მცირე იყო, აქ მოაწყო ქართველ და უკრაინელ მოხუცთა თავშესაფარი. მისი შექმნება-მოწყობის ხარჯებიც მან გაიღო და ეს შატო გადასცა ადგილობრივ დაარსებულ ასოციაციას, რომლის მეთაურ ორგანოში შედიან საფრანგეთის სათანადო ორგანოების წარმომადგენლებთან ერთად, ქართულ და უკრაინულ ემიგრანტების მმართველ ორგანოების მეთაურები. ამ მოხუცთა თავშესაფარის მატერიალური ხარჯები იკისრა საფრანგეთმა. ეს ისტორიული შატო, მისი, ემიგრანტთა მიერ გამოყენების შემდეგ დაუბრუნდება საფრანგეთს მის კუთვნილებად.

ამ ისტორიულ შატოში მოხუცთა თავშესაფარი გაიხსნა 1952 წლის ივლისის პირველს. თანხმად ხელშეკრულებისა და წესდებისა, აქ მიღების უპირობეობა აქვთ ქართველებსა და უკრაინელებს.

ქართველთა რიცხვი თავიდან 35 იყო, დანარჩენები კი უკრაინელი და სხვა ეროვნების მოხუცები არიან, დაახლოებით 100 კაცამდე.

თავშესაფარის მმართველად და გამგეთ მოწვეულ იქნა M-r Paul Briscos-ი, კაცი დიდი შემოქმედების ინიციატივითა და უნარით, და ამავე დროს დიდი კეთილი გულით აღჭურვილი. ის მეთოდურად აწარმოებს თავშესაფარის მატერიალურ-სულიერ მდგომარეობის გაუმჯობესებას და ამა-



ვე დროს დიდის ყურადღებით, გაგებითა და თანაგრძნობით ექცევა პანსიონერებს.

მისი ინიციატივით მოხდა გერმანელების წასვლის შემდეგ შატოს პარკის გამშვენებება, ყვავილებითა და ხეთა დარგვით, ვრცელი ხეხილისა და ბოსტნეულობის ბაღის გაშენებით, შატოსაგან დამოკიდებულ ქვეშენობების აღდგენათა დამთავრება: ერთ მათგანში მოწყობილია დიდი ეკლესია, ქრისტიანულ სამი კულტისათვის. მეორეში საავადმყოფო დაახლოებით 40 საწოლით, სადაც მოთავსებულნი არიან დავრდომილნი და დაავადებულნი, რომელნიც განსაკუთრებულ მოვლასა და მზრუნველობას მოითხოვენ. იქვე მოწყობილია ექიმისა და კბილის საექიმო კაბინეტები.

შატომივე არსებობს დიდი სამკითხველო წიგნთსაცავი უკრაინულ და ქართულ განყოფილებით. ერთ დიდ დარბაზი გამოყენებულია, მოხუცთა გართობისათვის—თამაშისათვის. იქვე სდგას რადიო-ტელევიზიონის აპარატი.

ხანგამოშვებით ბ ნი და ქ-ნი ბრიკოსი მართავენ კონცერტებს მათი მონაწილეობით და გარედან მუსიკალური ძალების მიწვევით.

აღსანიშნავია, რომ ეს «აბონდანის შატოს მოხუცთა თავშესაფარი» მგონი ერთად ერთია და სანიშნუშო, თვით შატოსა და პარკის მორთულობა-მოწყობით და იქ შექმნილი ცხოვრების პირობებით. მიუხედავად ამისა, ქართველ პანსიონერთა რიცხვი თანდათან მცირდება. ახალი აღარ ემატება. ქართველი ხანში შესული პირები არ არიან მსურველნი იქ მისვლისა და ცხოვრების.

ჩვენ მაღლობს უცხადებთ ემიგრანტთა დამხმარე საერთაშორისო დაწესებულებასა, და კეთილშობილ ფრანგის ერს. ამ ყურადღებისა და კეთილი საქმისთვის, და M-r et M-me Brice-ის მიუძღვნით კმაყოფილების გრძნობებს.

«ივერია»-ს გამოცემისა და ეროვნულ მუშაობისათვის უკანასკნელ ხანებში, შემომწირველთა I სია:

ელ. პატარიძე—45 000 ფრ., ალ. აბაშიძე—12.000 ფრ., თენ. დადეშქელიანი—10.000 ფრ., გ. კახაბერი—10.000 ფრ., ალ. მელიავა—10.000 ფრ., ვალ. ჯიბლაძე—10.000 ფრ., სევ. ჭირაქაძე—10.000 ფრ., ალ. ნაკაიძე—7.000 ფრ., კ. ალშიბაია—7 000 ფრ., ალ. კარგარეთელი—7.000 ფრ., ირ. მჭედლიშვილი—5 000 ფრ., ლიგ. ზურაბიშვილი—5.000 ფრ.

გამომცემლობა-რედაქციის მისამართი:

E. Pataridze

35, rue General Delestraint. Paris (16)

Imprimerie Coopérative Arpajonnaise. Arpajon.

